

皖省志略朱綱全輯于
吳霽峰先生節畧寄呈
李鹿坪中丞鑒定復請
魏慶軒中丞覆賜訂正
辛巳暮春月

金閭傳書齋
毛上珍刊刻

序

皖省志略朱子綱齋游皖時之所輯者於天文按分野地理攷疆域以及沿革之制山川之勝戶口田賦文武職官之名數舉一省爲綱列入府五直隸州四屬府州五十縣爲目博覽羣書採擇編次俾莅斯土者有考鏡得失之資焉書成問序於余余知經世之學在是矣夫皖地居江介爲吳會輿區意者騷人奇士登高望遠憑弔古今於四十七瀨三十六峯間寫其豪宕鬱勃之懷長歌短謠矜詫才氣斯亦吾曹之能事也抑或搜剔碑

皖省志略

序

碣稽古蹟述舊聞水志山經訂訛傳信諒稱博物當如此矣綱齋負著作才何難鋪敘書林揮灑墨府而獨勤勤懇懇用其心於志乘之中以江南通志之統也而分之繁也而約之使皖江重鎮遂有專書凡政治所關罔不成備而無樊然敝亂之失是豈僅以藻采典故勝乎昔鄭樵引江淹之言曰修史莫難於志誠以志者一代之大經大法所繫罔漏參差俱不易免今志略一編具此手筆他日請驗且作以墮引導觀可已

道光元年辛巳四月望日昌黎魏元煜序

序

昔班孟堅續修漢史易司馬子長八書爲十志而食貨刑法溝洫諸大端粲然明白至陳承祚記三國君臣行事於典章殊闕然亦統名爲志修史者多遵用班例而志之稱惟方國紀載因之然其體文獻並採是沿襲陳稱實參用班例也第各郡縣既有專書各布政司又輯以爲通志皆官其土者所宜周覽以裨政治顧汗牛充棟未足以喻故多置之高閣往余承乏豫藩囑友人朱綱齋輯豫乘識小錄一編以戶口田賦倉儲鹽漕諸大

皖省志略

序

政爲綱而以府州縣爲目以繫之朱君道古切今詳哉其言之旣爲之梓而問世矣今來皖省復囑其仿前之爲綱齋則又以府州縣爲綱以沿革山川丁賦諸事爲目條分而絲貫焉始成一二篇相示但重其簡核有法間造其寓齋則見古今地志諸書插架幾備每爲一篇則必盡繙數十種書採取物料鎔而爲文甚矣綱齋用心之苦也昌黎有言用功深者其收名也遠又云其成之也易則其傳也不遠今朱君於是編其勤且難也如是

是有後世之傳無疑也然更有請者明太祖欲營濠梁

而都之創築土城周百餘里又遷江浙諸富民及兵衛
凡二十萬戶以實之後以劉誠意之諫而止又安徽巡
撫

國初時以操江駐劄池州後於康熙時還治安慶又明
於滁州設有太僕寺畜馬以備十二閑之制顧亭林曾
採舊滁州志入其所著書言馬政甚詳又英霍兩山爲
產茶之區明時倚茶易馬西番茶禁綦嚴招商納稅略
如鹺政此皆皖中舊聞不可缺者而編中遺焉綱齋其
詳考而備著之庶幾於班陳史法俱有合爾庚辰嘉平

皖省志略

序

月益津吳邦慶拜手序

序

江南幅隕廣闊綿亘數千里居東南半壁明時嘗以廬鳳屬漕撫

國初又以操江轄安慶等府康熙時始專置安徽巡撫轄七府五直隸州其地北薄靈宿南抵歙黟東盡滁和西界皖口控制方千餘里田賦差半江蘇而江山阨塞形勢險要實爲過之自春秋吳楚之世爭鍾離居巢州來爲今鳳陽壽州廬州地降及三國六朝孫魏之爭濡須祖逖之築譙城韋叡之守合肥常爲南北重鎮而元

皖省志略

序

一

明之季英壽潁亳界連楚豫尤爲戰守要區且八府五州介居江南北其土俗民風亦迥異蓋山川隔閼疆界糾紛不比江蘇所隸廣谷大川彌望千里也余嘗遡大江上下自橫江采石抵所謂海門第一關者旣已尋考沿江鎮戍求前代之遺壘荒墩而弔之又經浙西及江右見新安之水繇淳安下桐廬者凡三百六十灘其繇浮梁入鄱陽者亦三百六十灘又聞臨安天目高萬八千丈其巔纔與歙之平地等

見羅願新安誌

不惟地形高踞列

郡其山水亦竒勝每欲裹糧游之不果庚辰夏四月隨

吳霽峯先生使車來皖抵宿州西至蒙亳查渦河古隄
還道懷遠登荆塗山觀渦淮合流處地名岫河口繼又小憩
濠梁憑弔前代之陵園次合肥頓桐舒吳魏互拒及南
北朝戰爭地皆可指數迨授館節署則又蒐覽志乘與
史書校勘其說不無參差與今地形亦間異又安徽與
江蘇同受江南大府節制故前修通志統稱江南而無
區分所載紀似江蘇詳而安徽略意局設江蘇秉筆者
又多吳中人士故也余於暇日以安徽爲綱以所屬府
州縣爲目雜採諸志所記山川地理綴其下有不備者

皖省志略

序

二

則又以歷代地志及顧亭林顧景范諸君之書補之至
戶口田賦倉儲郵遞則一以賦役全書及近年奏銷冊
籍爲主意在少裨從政斯土者之見聞故不詳名勝非
記游也不重考古非辯訂也田賦畸零概從闕如重存
其要領也其體例亦無所沿襲聊成一家之言或追隨
雍錄齊乘滇略之後塵云爾輯成錄寄 李鹿坪先生
攜稿來蘇又質之 魏愛軒先生咸謂可備當官之披
覽分俸授梓因自識其緣起云歲在辛巳莫春月永清
朱雲錦綱齋甫序於蘇州旅邸水閣

皖省志略

永清朱雲錦

卷一 目錄

安徽省

安慶府

徽州府

懷寧縣

太湖縣

歙縣

祁門縣

桐城縣

宿松縣

休寧縣

黟縣

潛山縣

望江縣

婺源縣

績溪縣

皖省志略

目錄



安徽省

省於天文爲斗牛女分野星紀之次兼魯地奎婁分野
降婁之次宋地房心分野大火之次在禹貢爲揚州及
徐豫二州之域按大清一統志懷遠縣虹縣五河縣
爲徐州地潁州府宿州靈璧縣爲豫州
地春秋時分屬吳楚亦兼魯宋之疆後越滅吳分屬楚
越戰國時爲楚地秦置九江泗水潁川三郡漢初置淮
南國文帝時改淮南置六安國元封五年置十三部刺
史分屬揚州及徐豫二州後漢因之吳爲揚州之丹陽
廬江新都郡地而徐豫二州屬魏晉亦爲揚州及徐豫

皖省志畧

卷一

二州東晉揚州爲王畿僑置豫州於淮南郡劉宋仍之
改晉之僑豫州曰南豫州其後徐豫入北魏又僑置徐
州於鍾離郡蕭齊因之梁初爲揚徐南豫諸州而淮表
屬東魏大寶以後江北盡入於高齊陳承梁緒僅保江
南而江北旋屬後周隋開皇初罷郡以州領縣大業初
復改爲同安等郡唐分十道地分屬江南及淮南河南
道開元中又分江南爲東西道宣歙池三州屬江南西
道舒壽廬滁和屬淮南道濠宿亳潁泗屬河南道五代
屬南唐周顯德四年克淮南十四州以江爲界宋時寧

徽池太廣屬江南東路毫宿泗滁屬淮南東路安慶府
壽春廬州和州濠州六安軍無爲軍屬淮南西路順昌
軍卽潁州屬京西北路宋末淮北地入於金元分屬河
南江浙行中書省江北諸路屬河南江北行省江南諸
路屬浙江行省明初改路爲府直隸京師正統六年定
北京爲京師以應天府爲南京府七安慶徽州寧國池
州太平廬州鳳陽
州三滁州和州
廣德州皆直隸南京

本朝改置江南省順治十八年分屬江南左布政使司
寄治江寧兼領淮安揚州二府徐州一州康熙元年設

皖省志畧

卷一

二

安徽巡撫六年改江南左布政使司爲安徽布政使司
專領安慶等七府三州其淮安等二府一州分屬江蘇
省雍正二年升鳳陽府之潁亳泗三州廬州府之六安
州並爲直隸州十三年升潁州爲府仍改亳州爲屬州
乾隆二十五年以安徽布政使司自江寧還治安慶領
府八安慶徽州寧國池州太平廬州鳳陽潁州直隸州
五滁和廣德六安泗州外屬府
州凡四省會在京師南二千七百
里東西距七百三十里南北距六百六十六里東至江
蘇江寧府溧水縣界三百九十五里西至湖北黃州府

黃梅縣界三百四十里南至江西九江府彭澤縣界一百七十里北至江蘇徐州府睢寧縣界四百九十六里東南至浙江杭州府昌化縣界五百十里西南至江西九江府治四百十里東北至江蘇江寧府江浦縣界五百二十里西北至河南歸德府鹿邑縣治九百六十里其形勝則上控全楚下蔽金陵扼中州之咽喉依兩浙爲唇齒洪流沃野甲於東南故六代以來皆爲重鎮其名山則有皖山龍眠黃山齊雲敬亭九華青山采石其大川則有大江皖水涇水丹陽湖巢湖肥水淮水潁水

皖省志畧

卷一

三

渦水其重險則有集賢關馬領關陡岩關清流關昭關石門關柳林關金雞關作藩南服據吳上游誠江介之要衝淮南之雄鎮也通省常額當差戶口人丁並優免餘丁共一百三十五萬一百三十一丁又寄莊人丁八十七丁據嘉慶二十四年冊報滋生人閭省土著男婦大小民屯人丁共三千四百九十二萬五千四百九十四丁口折實田地三十三萬二千一百六十二頃六畝零丁田並雜頃其徵正耗銀一百七十五萬八千四百八十二兩零實徵本色米四十一萬五千七百三十六

石八斗零內兌漕正改兌共米二十五萬九千二百一
十石零實徵麥一萬七十五石二斗零實徵黃黑豆二
萬三千一百九十九石零常平倉穀米大小麥豆一百
七萬一千六百五十四石零鳳毫糶剩川米六百七十
六石零儲備倉實存米穀麥十五萬七千九百一十五
石零社倉實存穀米豆麥共三十五萬三千六百二十
六石零

常平各倉存穀數據
嘉慶二十年冊報

關二蕪湖關係巡撫專管

委巡道監收戶關正銀十五萬六千九百十九兩盈餘
銀七萬三千兩工關正銀七萬一百四十六兩盈餘銀

皖省志畧

卷一

四

四萬七千兩鳳陽關每年額徵正稅銀九萬一百五十
九兩盈餘銀一萬七千兩係巡道專管由巡撫報銷設
官總督一員轄江蘇安徽江西三省駐江寧府安徽巡
撫一員駐安慶府提督學院一員駐太平府布政使司
一員舊寄治江寧府乾隆二十五年自江寧還治安慶
按察使司一員駐安慶府江安督糧道駐江寧府驛鹽
道駐江寧府分巡安徽寧池太兵備道駐蕪湖委管蕪
湖關務分巡廬鳳潁兵備道駐鳳陽府督理鳳陽關務
安慶等府知府八員滁和泗等直隸州知州五員餘官

見各府縣中武職則巡撫兼提督銜一員凡撫標左右暨提標安游潛徽寧池蕪廣及鎮標壽春中右六廬額泗亳宿十八營額設總兵一員駐壽州副將一員參將四員遊擊六員都司八員守備十三員千總二十六員把總五十六員經制外委七十六員額外外委五十二員馬步戰守兵九千五百六十一名兵戰馬九百三十三匹官坐馬三百四十六匹每年額支俸餉銀並米豆草折銀十六萬五千三百十四兩零遇閏加一月銀一萬三千七百七十六兩零米麥三萬五十六石四斗遇閏

加一月每年額支養廉銀二萬八百一十八兩零外滁全來三屬駐劄官三員係浦口營官歸江寧協管兵馬錢糧不在前數內再撫標左右營共官二十六員馬步戰守兵八百二十五名又安慶新安宣州建陽廬州滁州鳳陽長淮宿州泗州等衛設守備九員千總四十員

安慶府

府於天文為斗分野星紀之次禹貢揚州之域春秋時

為皖國亦為桐舒二國地戰國屬楚秦屬九江郡漢初屬淮南

王國繼屬廬江郡漢末吳克皖城遂為重鎮晉安帝時

置晉熙郡宋齊因之梁末嘗置豫州尋改為晉州北齊

曰江州陳復為晉州隋初改熙州大業初改同安郡唐

武德四年改舒州志云唐初為東安正史不載天寶初曰同安郡至

德初曰盛唐郡乾元初復故五代時仍曰舒州初屬吳

復屬南唐宋仍曰舒州政和五年賜額曰德慶郡紹興

皖省志畧卷一

十七年改安慶軍慶元初升為府以寧宗潛邸故元曰安慶路

屬蘄黃宣慰司後罷司隸河南江北行省明初改寧江

府尋復為安慶府直隸南師

國朝因之領懷寧桐城潛山太湖宿松望江隸江南後分隸安徽

疆域東西廣七百里南北袤二百八十五里東至廬州

府無為州界三百六十里西至湖廣黃州府黃梅縣三

百四十里南越江至池州府東流縣界五里北至廬州

府舒城縣界二百八十里城高二丈六尺周九里十二

步門五東南曰樅陽康濟鎮海西曰正觀北曰集賢舊

有濠引江水環繞今故道猶存但地高不能引江水鑿深則慮傷龍脈故永爲封禁云按城邑考吳呂蒙屯皖在今城東二里有呂蒙城臨大江今爲故倉址其後漸移而西北宋端平二年以北兵漸迫城去江遠控禦爲難乃徙治羅刹洲又移楊槎洲景定初乃遷城於盛唐灣宜城渡之陰卽今治也北負大龍山東阻湖西限河南瞰大江元至正十六年修城濬濠引江水環城爲固云考其山川形勝則淮服之屏蔽江介之要衝大江在城外自小孤山匯潯陽彭蠡而來入宿松界經望江至

府城西繞城南而東北出趨池口帶桐城界又東北入無爲州界其上二百十里東以海門其下二百十里界以危磯扼東吳楚爲東南形勝按長江自小孤山而東至池口鎮府境汎地長三百五十里俱有官軍戍守又大勝磯在府西二十里濱江明時撫臣史可法敗賊於此建安時曹操遣朱光爲廬江太守屯皖大開屯田吳呂蒙曰皖地肥美若一收熟彼衆必增又曹休侵吳向皖滿寵上言休所從道背江傍湖易進難退此兵之絕地蓋其地上控淮肥山深水衍曠守之資也且其勢踞

荆楚之南古之有事荆襄者必爭焉如春秋吳楚之爭三國吳魏之爭五代楊李之爭皖之蹂躪爲甚善平徐楚金之言曰皖之爲地中國得之可以制江表江表得之亦以患中國宜乎孫權克皖而曹操不寧周世宗平淮南而李氏窮蹙也大江合九江鄱陽之水環於境東北經流府城西南東三面臨江允稱天塹至江北諸府之山天柱爲大連斬黃界英霍俱於崇山峻嶺間路通一線若北峽關龍井關耿家嶺挂車嶺小隘嶺等俱爲要害水之發源本境者皖水潛水桐溪爲大又有從外

境來者如英山之羊角河蘄州之南陽河皆屬巨流其他支河詳列縣境大約府境扼江之衝巨浸環之一遇淫霖易致暴漲其遠於江者又支流易涸則溝洫之務視築防爲尤要云屬縣額丁共四萬五千二百八十一丁據嘉慶二十四年冊報滋生人口實在閭府土著男婦大小民屯人丁五百五十五萬八千九百二十六丁口田塘共二萬一千五百五十七頃八十畝零丁田共徵正耗銀一十八萬九千四百三十四兩零不在丁田徵解及蘆課學租共徵正耗銀二萬一百三十四兩零

共徵米一十一萬五十八石六斗零內解正漕及水脚
米正耗其支米八萬四千三百七十八石零各屬常平
倉額貯穀十萬七千石現據報實在存倉穀十五萬七
千三百四十石實存米一萬七百三十三石各屬社倉
實貯穀三萬六千一百六十五石零歲入學額二十五
名設城守營副將統之統轄李陽潛山奇兵等營內防
潛山桐宿望諸邑外防望江懷寧桐城境內沿江汎地
置驛則自桐城之呂亭西南至懷寧練潭同安爲入省
路由呂亭西抵陶冲潛山之青口太湖之小池宿松之

皖省志畧

卷一

九

楓香入湖廣界與黃梅之亭前驛接設官知府一員係
衝繁難請

旨缺江防捕盜同知一員督糧通判一員教授訓導經
厯照磨各一員

懷寧縣

縣附郭漢皖縣地屬廬江郡三國時在吳爲皖城晉義熙中置懷寧縣爲晉熙郡治縣名始此然非今治也宋以後因之陳改晉熙屬晉州隋因之爲熙州治唐爲舒州治宋升舒州爲安慶府移府治於皖江縣以附郭亦並移焉則今治也元明迄

國朝皆因之縣境東西廣一百九十里南北袤六十五里東至桐城縣界六十里西至太湖縣界一百三十里南至貴池縣界五里北至桐城縣界六十里縣西北有

皖省志畧

卷一

十

皖城古皖國及漢皖縣皆治此魏志曹公恐江表郡縣爲權所畧皆令內徙民轉相驚傳廬江九江蕲春廣陵戶十餘萬皆來渡江江西遂虛合肥以南惟有皖城卽此正北七十里梅城高齊行臺右丞盧潛屯兵築城唐武德中嘗析懷寧地置梅城縣治此旋廢又安樂城在縣西二十里梁天監中軍主武會置武功城唐武德中析懷寧置安樂縣又逢龍城三國時置又唐初析懷寧縣置皖城縣在皖水之北今壕堦猶存又有皖陽城在今府北三十里亦唐初所置縣尋與梅城等俱廢縣

北三十里有大龍山周五十里高十有八里爲郡之障如列屏展乃皖封之鎮山翩然瞰江自江視之如俯自郭視之如浮稍東相接者曰小龍山其附山南出者曰門山以兩山相夾而名又南十里爲白麟火爐諸峯其脉伏而復現聳起如脊者曰脊現嶺譌爲集賢嶺志云嶺在城北十五里有集賢關通桐潛二邑之徑城西有霧靈山形如覆釜登其嶺則山川阡陌一覽無遺又府西四十里曰黃山當冶湖之口形如卧象亦曰象鼻山太平山在府西八十里其山逶迤深秀又西二十里曰

大雄山地名釋迦嶺山之東四十里餘曰愚公峯山之西爲俚子峯左右夾峙繇萬石嶺至絕頂俯視則衆山如孫長江如帶又西南百二十里曰騰雲山與望江縣接界縣西北二十五里曰百子山峯岩泉壑蔚然深秀又西北五里曰甌山在石門湖西甚突兀又黃梅山在府西北四十里深鬱多杉木修竹其並峙者曰鏡山以石色如鏡也山之北曰豹嶺多喬松又有雙峯兩峯並立寨基山在府西北五十里有三峯巖秀其並峙者曰寶靈山又獨秀山在治西北六十里脉自潛山而來相

去百里而挺然傑出爲羣山長其相接者曰桑山中多巖洞石如層樓可藏千人又柘澗山在府東五十里面江阻湖盤旋數里勢若奔騰又治西三十里有峽石嶺高數里有深林環澗一統志以爲卽挂車嶺也又長安嶺亦在治西三十里嶺甚長遠達潛山縣其相近者曰龍見嶺嶺甚盤互又治西七十里曰醉石嶺亦道出潛山水則有皖水在治西源出潛山合於潛水又南至府西石牌市東至皖口入江流長三百四十里有灋河流合潛水又西五里爲清河又西五里曰流珠河皆合皖

水達於潛河治東北四十里爲長風港其上流爲蓮湖湖滙大龍山谿澗水及江水支流而成達桐城之樅陽河入江張葭港在城西北五里其上流曰積石河東南流十里滙爲石門湖湖濱有鳳凰山又有甌山湖東南達張葭港入江又有大龍山西流滙石門張葭之水入江治北九十里有黃馬河自潛水分流又城北八十里有高河流合於黃馬河又有井田河在治西北六十里與黃馬諸川俱達於桐城之練潭合樅陽河入江又治西三十里有冶塘湖其下流達皖口入江又

縣西百里有麻塘河由石牌市達潛水下流亦注於江
又按通志云府城基卽盛唐山也漢武帝南巡江漢至
於盛唐登禮灄嶽出樅陽作盛唐樅陽之歌晉郭璞登
盛唐山謂此地宜城唐因置盛唐郡宋嘉定十年以黃
幹知安慶請建城於盛唐灣宜城渡之陰卽此郭璞事
無所考殆青烏家之附會爾存以俟考又城西清水塘
一名盡忠池元中丞余闕合家殉節處水亦入江額丁
一萬四千三百三十八丁據嘉慶二十四年冊報滋生
人口實在閭屬土著男婦大小民屯人丁一百一十五

皖省志畧

卷一

三

萬五千三百一十九丁口成熟田共三千四百九十三
頃六十六畝零丁田共徵正耗銀三萬四千九十七兩
零不在丁田征解七百兩零蘆地有腹內濱江上中下
地密稀蘆上中下草泥灘白河水蕩之分共計一千六
百四十九頃三十五畝共徵正耗銀三千六百七十八
兩學田府縣二欸共田一頃三十五畝共徵銀四十一
兩歲入學額二十五名實徵本色米一萬八千五百五
十三石三斗零內起運漕米正兌改兌正耗及南屯改
折其米一萬三千九百三十九石六斗零常平倉額貯

捐積加貯及歸併府倉共米三萬七千石據嘉慶二十年冊報實貯穀五萬二百七十一石九斗零又實貯米二千七百一十九石二斗又大麥一十六石五斗社倉實存穀六千一十五石二斗零守禦詳見府又額設民壯五十名駟二府曰同安縣曰練潭共支走差夫馬歲需工料銀五千五百八十三兩零設官知縣一員係衝繁難題缺縣丞一員教諭訓導各一員巡檢二員一駐長楓鎮一駐三橋鎮典史一員

桐城縣

縣春秋時楚附庸桐國也漢立樅陽縣尋改舒縣晉爲龍舒晉南渡仍爲舒縣歷代皆屬廬江郡南宋立呂亭左縣南齊因之俱屬晉熙郡梁復爲樅陽縣而以舒縣呂亭左縣省入仍屬廬江郡隋初郡廢開皇中改縣曰同安屬熙州唐始改爲桐城縣宋始改隸安慶府自元明迄

國朝相沿不易縣在府東北百廿里東西廣二百七十里南北袤一百五十九里東二百里至無爲州界西七

皖省志略

卷一

五

十里至潛山縣界南八十里至懷寧縣界北四十里至舒城縣界舊城在縣東南百二十里臨江漢縣治此亦隋同安郡故址宋末徙治樅陽又徙治於池之李陽河元始還舊治城久圯明萬歷間建磚城高二丈周六里門六龍眠峽關阻其北浮渡雲巖居其東下達濡須上接英霍遶羣嶂而漾巨浸淮西要路江北名區也縣有樅陽城陰安城同安故城山焦城呂蒙城皆廢又有重城在縣南六十五里其城三重南北川澤左右陂湖蓋古戍守之地亦謂之巢城邑之山其最著者曰龍眠在

治北五里深岩邃壑翠壁清流宋李公麟字伯時歸老
於此號龍眠居士蘇軾兄弟爲之題詠世稱名勝焉縣
東九十里曰浮山亦名浮渡山峯岩之最著者三十有
六皆可居可游西南有獨峯直上千仞大江環繞望之
若浮寰宇記謂之苻渡山苻與浮音同也其相接者曰
青山又東三十里曰山音偶山濱江縣東北四十里曰洪
濤山甚高廣每大雨則水下流如濤其相近者曰旂嶺
又拔茅山在縣東北九十里一名城山以峯岩如城也
又名椒嶺縣南八十里有橫山以橫當驛路之左而名

皖省志略

卷一

六

又縣南百十里有梅林山山多梅亦曰梅嶺又縣南百
二十里有磨旗山有鎮有隘口縣北六十里有北碛山
兩崖相夾如關又西碛山在縣北四十七里舊置軍壘
亦曰南碛戍地理通釋曰淮南有兩碛石在壽州淮水
上者曰北碛石在桐城者曰南碛石薛氏謂淮西山澤
無水隔者有六安舒城走南碛之路南碛所以蔽皖也
漢建安中孫權攻皖張遼自合肥馳救至碛石聞城已
破築壘碛石南而還謂之南碛戍吳時曹休攻皖陸遜
朱桓等拒之桓曰休非智勇名將戰必敗敗必走走當

由硤石掛車此兩道皆險隘若以萬兵塞路則彼衆可盡而休可擒擒休則可乘勝長驅進取壽春以窺許洛此萬世一時也遜不可及戰於石亭休果敗追至硤石斬獲無算會賈逵援休吳兵斷硤石者退走逵據硤石以兵糧給休休軍乃振今山爲控扼要口北拒廬鳳南指江黃此爲通道掛車嶺在縣西四十里志云上有掛車石漢都長安江淮往來此爲要路今爲自徐州適兩粵之衝途大江在縣東南百三十里上自懷寧縣之長風夾下至無爲州界之六百丈墩凡百二十里皆屬縣

境史記秦始皇自雲夢浮江渚至丹陽括地志曰江渚卽同安或曰卽樅陽也治之南七十里有松山濱湖更南有黃連山懷舒潛桐四邑之水俱滙於此其下有石刻曰四水會同水之北出於華崖龍眠繞城而西紆迴百里達樅陽入於江者桐溪也出魯疋麻山者曰東河出洪濤山者曰西河西河合流曰雙河下經孔城河白兔河獨山河長河亦達樅陽入於江南有練潭西受懷潛二邑之水北連白兔河亦達樅陽入於江樅陽河在縣東南百二十里其源自懷寧縣界之蓮湖引流入界

經縣南百三十里爲石塘湖又東流繞樅陽故縣曰樅陽河府西北境諸川及縣東北諸川皆匯流入焉達於大江樅陽東十餘里接三江口有鐵坂洲羅塘洲木鷺洲相傳周世宗與南唐割界以木鷺浮江中隨其所至以定南北鷺沿洲東下故以木鷺爲名今武昌北亦有木鷺洲又有老洲在縣東百里西南去樅陽六十里六百丈巡司置於此樅陽河入江處今爲鎮墟市連接百貨萃焉丁額八千二百三十一丁據嘉慶二十四年冊報滋生人口實在閭屬土著男婦大小民屯人丁二百二十萬七

千八百二十一丁口田塘共四千一百七頃四十四畝共徵正耗銀四萬八百一十九兩又不在丁田項下共正耗銀一千六百一十三兩實徵米共二萬一千六百二十八石五斗零內漕糧正兌改兌正耗及南米改抵共一萬六千二百八十六石七斗蘆地共計三千九百五十八頃六十六畝零共徵正耗銀六千四百一十七兩零學田六十五畝應徵稻折銀一十九兩零歲入學額二十五名常平倉額貯捐積穀一萬七千石現實貯穀二萬七千三十四石九斗零又貯米四千八百六十

四石七斗社倉實貯穀九千一百四十九石零防禦則
潛山營把總二一駐縣治防北峽關等汛一駐樅陽防
義津橋等汛縣設民壯三十六名驛二曰呂亭西南達
練潭驛入省西由陶沖驛達潛山之青口驛二驛走差
夫馬歲需工料共支銀七千一百八十三兩零設官知
縣一員係衝繁難題缺縣丞一員教諭訓導各一員巡
檢四員一駐六百丈一駐練潭鎮一駐孔城卽北峽一
關巡檢一
駐馬踏石典史一員

潛山縣

潛山在漢爲皖潛二縣地東晉時立懷寧縣於潛而罷
皖縣隋省潛縣入熙州唐析懷寧置皖城安樂梅城皖
陽四縣尋省宋徙懷寧縣於皖口元析懷寧之清朝玉
照二鄉置潛山屬安慶路自明迄

國朝俱隸安慶府

按方輿紀要宋置四寨元至元縣在
中立野人原寨至治時始置縣

府西百二十里東界桐城五十里西界太湖三十五里
南界懷寧十五里北界霍山八十里東西廣則八十五
里南北袤則九十五里舊有城卽府治故址後遷縣於

皖省志略

卷一

三

西無城止設五門明崇禎間建城備寇爲水衝頽遂中
廢今所存惟土城云西北則負岳阻山東南則衍川帶
陂亦古舒之輿區也縣西北二十里曰潛山綿亘深遠
與六安州霍山接界卽霍山矣舊志潛山與皖公天柱
三峯鼎峙層巒疊嶂爲長淮之屏蔽說者皆以潛皖天
柱爲三山其實非也蓋以形言之則曰潛山謂遠近山
勢皆潛伏也以地言之則曰皖山謂皖伯所封之國也
或謂之皖公山亦曰皖伯台以峯言之則曰天柱其峯
突出衆峯之上峭拔如柱也名雖有三實一山耳或又

謂山南爲皖山北爲潛雪山盤其東霍山屏其西皆卽一山而強爲之說耳圖經潛山高七千有二十丈廣二百五十里周五百里道家以爲第十四洞天有峯二十二嶺八崖五巖十二原四洞十台四池三其瑰奇秀麗不可殫紀按爾雅霍卽天柱山潛水所經山或以邑名或以水名志亦謂之潛岳也岳之西北爲羅源山岳之南曰東山曰玉鏡山黃山山以宋黃山谷得名下有山谷寺涪翁亭在焉又有三祖山太平山章法山岳之東北有主簿山西北有天堂山去縣治百四十里四壁高

峻中敞如堂平廣可容萬騎旁連羅源後霍公蓋金龜鯉魚及東山後山羸山諸山左右環合稱爲絕險舊有天堂寨多事時往往爲跳梁者所據今設天堂司巡司自此入舒城界治西北曰水吼嶺牛眠山以形似名近有牛眠寨爲據險處白霞山蟠山塔兒嶺金龜山白雲山更西爲閔山接霍山境治東北曰白崖山一名龍隱山大吳山龍井關山舊有關接桐城界更北爲崑崙山上有泉近置崑崙寨金柴山龍山距城一百二十里邑境止此治之東惟黃華山治之南有騎山板門山長素

山三漳山駕霧山以山懸高峻可駕雲霧之上三國時魏人常屯兵於此又白雲山在縣南八十里絕險壁立上有平坡懸橋以升可容萬人明時有白雲寨結於此治西南八十里有分水嶺與太湖接界水則出天堂之龍潭者曰皖水經烏石陂至縣東二里之崩河合於潛水其潛水亦出天堂附近之羅源山流爲開源澗亦曰埭口經水吼嶺吳塘堰至縣治西轉北而東合於皖水達府西石牌口下流入江潛水自公蓋山來經西境二水合流達懷寧境入於江縣東六十里出崑崙山者曰

沙河南流合府北黃馬河諸水滙於練潭縣治南有湖曰南湖亦曰靈湖亦曰南園三面倚城多古木渟泓涵浸宜於植蓮又有雪湖在縣治西吳塘陂在縣西二十里潛水所注也亦曰吳陂堰魏志揚州刺史劉馥開吳陂以溉稻田建安十九年曹公遣朱光爲廬江太守屯皖大開稻田吳呂蒙與爭處也或曰塘卽朱光所開一云呂蒙鑿石通水灌稻三百頃亦卽此陂野人原寨在縣西北十五里宋景炎二年劉源等於此起義兵興復克黃州及壽昌軍元置寨志云縣有舊寨野人原及天

堂寨也新寨五十有八俱繞潛山之麓其著者爲西關
皖澗諸砦在潛山前又大河山小河山張家飛旗從龍
張山雙峯紅巖太平堆金伏龍安龍桃源元圃諸寨在
潛山後排牙梅家葫蘆馬園石泉白馬諸寨在潛山西
南崑崙馬鞍鷹窠獨山諸寨在潛山東外又有埭水青
口諸寨皆在縣界明末時豪民多結聚於此額丁共六
千九百四丁據嘉慶二十四年冊報滋生人口實在閭
屬土著男婦大小民屯人丁五十一萬七千三百九十
五丁口成熟田共二千八百七十四頃一十八畝二共

徵銀正耗共二萬八千三百九十三兩外不在丁田徵
解共銀四十七兩共徵米一萬六千三百五十七石零
內起運漕糧正兌改兌正耗及行月南米改抵共米一
萬一千七百一十三石八斗零蘆課無學田二十八畝
應徵稻折銀一十三兩零歲入學額二十名常平倉額
貯穀一萬四千石現實貯穀一萬七千九百五十二石
七斗零實貯米二千八百二十二石七斗零社倉實存
穀三千四百八十四石八斗零防禦則縣駐營曰潛山
營設游擊守備等員鎮焉縣又設民壯三十名置青口

驛走遞夫馬歲需工料共支銀三千六百七十六兩零
東接呂亭西達楓香設官知縣一員衝繁中缺縣丞一
員教諭一員訓導一員巡檢一員駐天堂寨典史一員

太湖縣

太湖本皖縣地宋元嘉中以豫部蠻民立太湖呂亭二縣因其地有太湖故名隋開皇中改爲晉熙唐復爲太湖武德四年析置青城荊陽二縣七年省青城入荊陽八年省荊陽入太湖宋紹興中省入懷寧尋復置元屬安慶路明屬安慶府

國朝因之在郡城西北二百二十里東界潛山五十里西界宿松二十里南界望江五十里北界湖北蘄州百九十里南北廣二百四十里東西袤七十里舊有土城

皖省志略

卷一

三

周七里池深廣各丈餘崇禎中建磚城避水患收縮止周六里其地龍崖踞西豹嶺蹲南鎮以司空紆以銀河山川綿邈亦皖之屏垣也縣東四十里有青城廢縣又五里有荊陽廢縣又有東陳廢縣邑之山最高而爲鎮者曰司空山距城西北六十里高聳雲表上平處可數畝謂之司空原舊有寨壘相傳淳于司空居此故名又有洗馬池雖旱不涸半山復有清泓傍有雷洞甚深邃志云山高七里周四十里又西北五里曰雷公巖削壁萬仞稱爲奇勝其南有望天山又名隘山迤而西曰撒

灰山又將軍山瑪瑙山極西北爲珠子山孤聳高出上
有關名珠子關與英山六安爲界治之北爲龍山崖瀕
龍潭多大石旁有釣魚磯去城二里爲一邑勝處四面
山其山方而銳四面如一又北爲大尖山突兀聳拔明
堂山古房山妙道山更北則潛山界治東北爲白雲山
又羅山石家山又獨阜山其山峻其岩秀有石刻磨沒
不可讀過此則潛山界治之東有鳳凰山旁有八仙石
燈明山頭陀山過此有上格城魏時曹仁所築治南有
三台山三峯蔚秀爲邑治之前案香茗山產硃砂稍東

爲奪龍山稍西爲冷泉山過此爲宿松界治之西爲新
寨山壁立險阻兩山對峙者曰龍門山夾羅山有石如
船者曰石船山更西而北曰銅尖山桐山過此爲白洋
坂與蘄州接界太湖在縣西南縣西諸山溪之水鍾而
爲湖東南流經望江縣入於大江今爲平陸羅溪河在
縣西北二十里出司空山流經縣西一里滙於馬路河
經縣治而東流六十里至潛山縣界之黃泥港又東南
會於潛水南陽河在縣西南六十里源出蘄州之沙河
又有白沙河在縣西南百六十里合南陽河東滙於馬

路河後部河在縣西北百二十里其上流爲銀河源出潛之天堂山入縣境經橫崖入之羊角河源出英山入縣界流八十里入之並流而東南凡六十里合龍灣河東連於馬路河縣東南五里曰雙河源出四面山縈迴曲折合羅溪諸河而達於黃泥港又銅沖河在縣東十五里有銅礦其下流合於雙河思常河在縣南三十里與宿松縣分界龍灣河在縣西北六十里又有棠梨河在縣西十里源出龍門山南雨合於思常河入潛山界亦滙於黃泥港又縣西一里曰馬路渡爲津濟要口今

遷於縣西三里造舟爲梁南通望江西通宿松曰載陽橋志云縣境羣川自西北出者大率會於馬路河歸於黃泥港合於潛水由懷寧境入江又司空山上有張安撫寨宋亾有安撫張德興者立寨於此以圖恢復與元人相持十餘年爲元將昂吉兒所襲兵敗死之寨有五門曰太平曰歡喜曰朱砂曰前部曰後部今故址猶存桃花寨在縣西八十里與蘄州接又明時縣西有白沙巡司北有後部巡司東有池口巡司西北有南陽巡司今惟白沙鎮小池驛仍設餘俱裁額丁共六千七百七

十四丁據嘉慶二十四年冊報滋生人口實在閭屬土著男婦大小民屯人丁九十六萬三千二百四十六丁口成熟田三千九百九十一頃三十七畝零共徵正耗銀三萬三千六百八十兩零外不在丁田徵解銀九十兩實徵本色米二萬一千二石零內起運漕糧正兌改兌正耗共米一萬五千九百四十四石零學田八十二畝零應徵銀一十兩零歲入學額二十名常平倉額貯捐積米一萬四千石實存倉穀二萬三千二百三十石三斗零又存採買儲備穀三千五百石社倉存倉穀

五千七百五十一石五斗零防禦則潛山營之把總駐縣城又設民壯三十名置小池驛東接青口西達楓香支走差夫馬歲需工料共銀三千三百四十二兩零設官知縣一員衝繁中缺教諭一員訓導一員巡檢二一駐白沙鎮一駐後部典史一員

望江縣

縣亦漢皖縣地晉置大雷戍東晉置新治縣歷宋齊梁
遞屬廬江晉熙郡陳置大雷郡隋改爲義鄉縣屬熙州
大業間始改爲望江縣屬興州唐於縣置高州尋改智
州後罷州仍爲望江縣屬巖州宋屬安慶府元屬安慶
軍明仍屬府

國朝因之在府西南一百二十里東界懷寧七十里西
界宿松三十里南界彭澤四里北界太湖六十里宋末
嘗遷治於東流縣之香口鎮元還舊治無城萬厯間始

皖省志略

卷一

三

建城門五周六百二十六丈崇禎間圯補築未及半流
寇驟至守將戚國泰躬爲負石五晝夜工成康熙間又
重修北則積山負高南則遠隰平砥西則湖運通連東
則長波天台治之東爲何周山兩山治東北曰石馬山
在武昌湖南湖之北爲寶珠山石龍山更東北爲劉山
張山佩山治之北爲孝感山相傳唐孝子徐冲源居此
旌其鄉曰孝感因以名山前有孝義墩卽其舊居又橫
巖牛山更北爲磨叉山有巨石如駝象又有磨叉痕及
馬蹄人迹有穴如錢空洞莫測再北爲烏龍山鳳棲山

接懷寧界治西北爲值雪山雄魚山懸頂山鷓鴣山石
輝山嵯峨山大茗山山有巨石廣數丈屹立雲表上平
如砥煙嵐常翳其半其旁出者曰小茗山有蓮花峯峭
峻秀麗又箬山接太湖界大江在縣南十五里南接蛾
眉洲東北流入懷寧縣界西去縣城三十里縣西四十
里有泊湖自宿松縣界龍南諸湖及縣西境之水俱滙
於此經縣南楊溪河合諸溪港下達縣東三十里之雷
港入江今徙從縣南十五里之華陽鎮入江又鱸湖在
泊湖西五里亦自泊湖分流達於楊溪漳湖在縣東北

六十里其上流爲武昌湖在縣東北三十里受茗山鳳
溪諸溪澗及縣北羣川之水滙而爲湖廣十里袤三十
里又東北爲青草湖相接者曰白土湖會上流諸水東
北滙於漳湖導流爲埭溝河達府西皖口入江其支流
達縣東北七十里之路灌口亦入於江慈湖在縣北十
八里有石子港源出雪涼泉滙慈湖孝感諸水入武昌
湖又有大小豆溪自宿松分流達慈湖入江城西南有
白澗流經城南會於龍潭合上流諸水滙爲懸步河又
東南合於揚溪河入江又縣北後溪河分青草白土諸

河之水會諸溪流入於懸步河馬頭河在縣北亦受大茗諸山之水鴉灘之水亦流漚焉蘆薪河源出鷓鴣諸山同歸於武昌湖埭溝河在縣北六十里受漳湖諸流連懷寧境之沙灘東經石庫渡至皖口入江雷池在縣東三十里源出宿松縣界東流二百餘里經縣東南積而爲池又東十五里入江三國時有雷池監其入江處亦曰雷港口曰大雷江晉時蘇峻以歷陽叛溫嶠欲自江州入衛庾亮報嶠書曰吾憂西陲甚於歷陽足下無過雷池一步宋梁間建壘置戍不可詳紀明正

德間流賊劉六等自黃州趨京口道出雷港尋又自通州經雷港趨九江未幾復由雷港犯金陵蓋雷港爲濱江要防也舊置雷港鎮有巡司戍守兼置雷港驛天啟中雷港爲浮沙所塞於是巡司廢驛移於華陽鎮鎮在縣南十五里瀕江與宿松界沙灣角毛湖洲一帶形援相接向爲盜藪有官軍巡戍今置巡司又有楊灣鎮明設巡司後移於東十里之急水口今裁縣東北六十里有西圩周三十餘里堤長三千九百七十餘丈濶十丈高二丈圩中田三萬七千餘畝志云孫吳時屯皖口得

穀數萬餘石卽此圩額丁四千一百八十五丁據嘉慶二十四年冊報滋生人口實在閩屬土著男婦大小民屯人丁四十一萬三千七百五十六丁口成熟田二千六百七十頃四十六畝零共徵正耗銀二萬一千三十六兩外不在丁田徵解正耗共銀一千二百六十兩零額徵本色漕糧等項共米一萬三千九十四石二斗零內支起運漕糧及行月改抵正兌改兌正耗共米一萬一百六十五石零常平倉額貯捐積米一萬一千石實存穀二萬四千四十一石四斗零社倉實存穀三萬六

千一百六十五石九斗零蘆地共計一千八百六十一頃四十五畝零共徵正耗銀三千二十二兩零防禦則沿山營之把總駐縣城焉縣設民壯五十名今奉裁存十九名

學田七十畝應徵銀一十七兩歲入學額二十名設官知縣一員簡缺教諭訓導各一員巡檢一員駐華陽鎮典史一員

宿松縣

縣在漢爲松滋縣侯國東漢省三國時魏復置爲安豐國晉咸和中僑置松滋縣屬廬江郡宋仍屬安豐郡齊因之梁置高塘郡陳大建二年吳明徹等伐齊高塘郡來降是也隋開皇中郡廢改縣曰高塘十八年又改爲宿松縣屬熙州唐武德四年置巖州於此八年州廢縣屬舒州宋因之紹興中省入望江縣尋復置元屬安慶路明屬安慶府

國朝因之在府西南三百六十里東西廣百十里南北

皖省志略

卷一

三

袤百六十里東百里至望江縣界西十里至湖廣黃梅縣界南百里至江西湖口縣界北六十里至太湖縣界明季時始築城外垣門六康熙中建懸樓二十座以備守禦北倚太霍南對匡廬小孤一峯砥柱狂瀾間乃荆吳之交壤而巖疆之扼塞也大江在縣南百二十里小孤山爲江面險要江經此分流東下入望江縣境有小孤巡司安慶九江官兵以時巡哨小孤之上二十里曰楊家洲下十五里爲毛湖洲稍東爲河灣角俱巡邏要地縣南四十里曰得勝山元末余左丞闕守安慶嘗敗

賊於此其相近者曰大爐山上有鐵冶又跨池山在縣南六十里多事時每爲兵燹之衝烽山在縣東北山高可以瞻望高齊時淮南與陳分江南界嘗置烽火於此因立縣東八十里曰馬頭山峯岫紆迴岩障屈曲以形似名晉咸和三年譙國內史桓宣以祖約作亂帥衆屯此約自壽春遣祖渙等襲湓口攻皖因攻宣毛寶馳擊却之陳漢山在縣西北八十里其地險固明末時豪民往往據爲屯聚之所又嚴恭山在縣北三十里山突起五十餘丈環亘十餘里唐嚴州以此山名其相近者曰

皖省志略

卷一

一

龍門山又北十里曰石門山縣西北八十里與黃梅縣分界者曰小隘嶺再西有寨子鎮卽黃梅境內矣又窰嶺在縣西二里以地多陶冶而名鑿山洞在縣西十五里洞可容千人爲古仙棲隱處縣東南百二十里與江西彭澤接界有山曰小孤山舊時峙江北岸與南岸羣山對峙爲控扼處元天歷中立鐵柱於山上高三丈有奇題曰海門第一關江流經此湍急如沸至正中余闕守安慶倚小孤爲扞蔽小孤敗安慶遂不支旣而明師西討其守將丁普郎迎降未幾明師復由陸道而進自

宿松抵小孤成化二十年江水忽分流於山北流日益廣自是屹立中流大江澎湃環於四面山有石級百十有一紆回而上巖林泉石頗饒勝致其南下曰彭浪磯磯躅爲馬當山北下爲蛾眉洲與小孤相映帶正德十四年宸濠以南昌叛遣將犯小孤沿江焚掠進寇望江抵安慶說者謂小孤安慶如脣齒相依爲金陵西面之險云縣南三十里有龍南蓮若湖中有浮洲湧若螺黛又東南三十里曰白荆湖其相接者曰灣池又有滂池市及滂池渡中分三十六段又有棠梨湖小黃湖俱相

連接達於縣東八十里之張富池趨望江縣之泊湖至雷港入江大小豆溪在縣東三十里又有大小伯勞河合流於張富池接楊灣口達於泊湖縣西南四十里曰攝湖曰麻湖相接者曰脾湖周泊湖又西南八十里曰鰾湖周回甚濶中產鰾魚又西南注於江縣東南六十里有浮湖黃湖茅湖皆相通注滙於望江縣之泊湖縣北六十里有三溪河其水出蘄黃境內有三派流入縣境滙於隘口南入大江縣南百三十里曰桑落洲按寰宇記云與潯陽分中流爲界江水自鄂陵派而爲九於

此合流謂之九江口卽晉劉毅爲盧循所敗處又東爲
武林洲卽桑落洲之尾也縣西南有涇江口鎮志云小
孤巡司而西六十里有涇江口巡司又西六十里有歸
林鎮爲歸林灘巡司俱瀕江戍守處歸林灘巡司今裁
縣西三十里西源山中有屏風寨山自麓至頂有九井
相貫層崖峭壁險固可恃志云縣有寨十在縣北者曰
九層田氏繖架土峯城河八六寨東有北林石氏二寨
東北又有東林白牙二寨與屏風爲十寨云額丁共四
千八百四十九丁據嘉慶二十四年冊報滋生人口實

皖省志略

卷一

三

在閭屬土著男婦大小民屯人丁三十萬一千三百八
十九丁口成熟田四千四百一十八頃八十七畝零共
徵正耗銀三萬一千一百八十九兩零外不在丁田徵
解銀一千二百三十兩零額徵本色漕糧等米共二萬
一千五百二十三石三斗零內起運漕糧及兵米改兌
正兌正耗米共一萬六千三百九十石零常平倉額貯
捐積米一萬四千石實存穀一萬一千四石四斗實存
米八百二石零社倉實存穀五千八百八十三石五斗
零蘆地共四千一百七頃六十四畝共徵正耗銀二千

九百八十三兩零學田二頃九十四畝應徵銀一十兩
零歲入學額二十名防禦則潛山營千總駐縣治縣設
民壯三十名置小池驛東接小池西達黃梅縣之亭前
驛支走差夫馬歲需工料銀共三千三百四十二兩零
設官知縣一員衝煩難調缺縣丞一員教諭一員訓導
一員巡檢二一駐小孤山一駐涇江口典史一員

徽州府

府於天文爲斗分野星紀之次在禹貢爲揚州之域春秋時屬吳戰國屬越越滅屬楚漢屬丹陽郡吳於建安十三年分歙縣爲始新新定黎陽黟休陽以六縣爲新都郡晉以後因之五代時爲歙州宋爲徽州新安郡元爲徽州路明始爲興安府繼仍爲徽州府

國朝因之領六縣曰歙曰休寧婺源祁門黟績溪省東南五百七十里東西距三百九十里南北距二百二十里東至浙江昌化縣界一百二十里西至江西浮梁縣

皖省志略

卷一

美

界二百七十里南至浙江遂安縣界一百里北至寧國府太平縣界一百二十里城在烏聊山麓唐汪華築東半抱山西半據平麓歷宋至元代有修補明初加築周九里七十步廣三丈二尺高一丈五尺東西北三面有濠濶二丈四尺深一丈二尺南及東南以山險無濠爲門五至乾隆時屢增修土地險隘逕道縈紆山峭厲而水清激實百城之襟帶也按府境北距寧郡之太平西界江西東及南俱連於浙郡在山嶺川谷崎嶇之中地勢斗絕山水雄深潁吳會而連楚尾據兩浙之上游其

山以黃山白嶽爲最而齊雲之高則郡內諸峯一覽可盡若休寧之白際馬金婺源之張公浙嶺石耳桃源祁門之歷山大共黟縣之魚亭半泉績溪之大障巉從嶽嶺大熬或高峯峭壁上矗雲霄或複嶺重岡傍跨州邑能令游觀者賞其幽遐安土者樂其窳奧焉巉從山與府北之箬嶺通寧國者也昱嶺大龍嶺界浙之衢嚴者也黃竹嶺梅嶺連江西之饒郡者也五嶺在休婺之間尤稱險塞其水則郡城之練溪納黃山巉從之山水而注於歙浦又會休婺祁黟四水同爲新安江入於錢塘

婺源之武溪祁門之大共二水西流入於彭蠡入浙者爲灘三百六十入彭蠡者爲灘亦三百六十觀於水而地勢之高可知矣府屬六邑咸有溪山之勝然嶺谷邃深壤地磽瘠水湍悍少瀦蓄不雨易枯驟雨則山漲暴至故農事必預爲之備焉在府治內之烏聊山一名富山在縣東北二百六步上有毛甘故城是三國吳時歙縣已治此其山爲泉水所湊西麓有四水合流山下有落星石明統志云山盤礴治城雄挾闔闔其北曰方山東北曰斗山一名七星山岡聯七纍如貫珠又東曰東

山皆在府城內城外山水分屬各邑詳焉按方輿紀要云府厚金陵之鎖鑰控江浙之要領山川險阻襟帶百城搖足而定饒信運肘而懾杭嚴明初由此以靖南服豈非地利明驗又見別本圖說云江南諸郡之險多阻水惟徽阻山夫水之藏奸易治而山之伏莽難窮守險者倚水難於周防不若憑山之易於鞏固而徽獨不然緣山谷深窳多聚族而居各有保室家長子孫之意故無慮乎伏莽也雖崇山四塞然北通寧太西則連江右之饒州東南則接杭衢嚴三府地界土中路當四達故

未易言鞏固也二說論形勢皆切故備錄之以資觀覽六屬縣額丁二十一萬四千二百二丁據嘉慶二十四年冊報滋生人口實在閩府土著男婦大小民屯人丁二百六十七萬九千四百二十三丁口折實田共二萬五百五十九頃七十三畝零二共徵正耗銀二十萬二千八百兩零外不在丁田徵解銀七百六兩實徵米二萬九千三百三十八石零內實徵給徽州營兵米三千三百九十三石三斗零餘解布政司及督糧道並減存米皆折徵解運每石折銀八錢至一兩不等額徵黃豆

一千六百三十四石八斗零每石折銀七錢共徵正耗銀一千二百二十九兩零常平倉實存倉穀一十四萬五千三十一石七斗零實存米五千五百九十五石二斗零社倉實存穀三萬四千五百一十八石三斗零又惠濟倉係郡商公捐歸本地紳商經理原捐穀三萬石建廩六十間分貯今俱實存在倉每年附案詳報府縣學田共十五頃九十七畝零又廉惠倉撥出學租銀五十三兩零共徵銀四百五十七兩學額府歲入學二十五名防禦則徽州營參將駐郡城其守備千總把總分

皖省志略

卷一

四

駐六縣各縣驛站夫馬歲領工料銀共一千八十三兩零設官知府一員係請

旨要缺鹽捕清軍同知一員通判一員教授訓導各一員經歷一員

歙縣

縣爲秦置屬障郡因南有歙浦故名漢屬丹陽郡爲都尉治後漢因之三國屬吳孫權析縣爲六屬新都郡晉及宋齊皆屬新安郡梁置新寧郡以縣屬焉陳復屬新安隋開皇中省十一年復置爲郡治義寧中郡爲汪華所據遷治於歙之烏聊山唐初爲歙州治永徽五年分縣爲北野縣大厯五年省入歙南唐屬歙州宋屬徽州元屬徽州路明初屬興安府府旋舊稱仍屬焉

國朝因之附郭舊在郡城外無城明嘉靖間倭入寇始
皖省志略 卷一 望

議建城周七里有奇高三丈廣二丈西南以郡城爲屏障餘三面皆山不池而險爲四門門側各有連弩之臺守陴舍凡二十有四瞭望樓二所乾隆年間增修山之在縣城東北隅者曰玉屏山又名石壁山下寬廣可屯軍明太祖定徽時常駐蹕山椒又名駐蹕山在城外者黃山爲最尊陰屬寧之太平陽則縣境高一千八百仞舊名黟山唐改今名山盤踞宣池江浙諸郡而爲鎮於徽高一千一百八十仞山有三十六峯水源如之又有二十四溪十二洞八巖郡國志稱天目高二萬仞而低

於黃山者以徽郡已與天目齊而此山又特高鄰郡諸山皆此山之支隴也山上諸峯有如削成煙嵐無際雷雨在下其霞城洞室巖竇瀑泉則無峯不有信靈仙之窟宅也西北類太華故前世亦名小華山在縣西北百三十里黃山支出爲箬嶺在府北百八十里上多箬竹隋末汪華起兵時開嶺路達太平縣今爲通衢其下則富資水出焉更東爲黃蘗山接續溪界布射水出焉南爲飛布山又名瑞金山縣治之鎮山也東爲厚山又名武山高一百七十仞與飛布並又鳳凰山竅山此縣治

北境之山治東北曰紫金山距城三十五里旁有瀑布曰珠泉九派飛流鳴球發籟如挹百斛珠治西北曰靈山亦曰靈令山大小毋竭之水出焉更西爲葛山傳爲葛仙浴丹處治之東有問政山治東之屏障故亦稱華屏山距城一里唐有于方外者棄家學道於此其從弟德晦刺歙州來訪之爲築室山上號問政山房山產笋甚佳名問政筍又太牛山一名飛岑山又高眉峯又大金山治之西曰龍王山倚山爲路通休婺祁黟之孔道又黃羅山一名篁墩又以豐趾而銳首稱南極壽山治

西之鎮山也有屹立水傍者曰容成臺相傳容成修煉於此治之南曰紫陽山朱韋齋常讀書其上卽文公之父也下有紫陽書院稍東南曰霞山稍西曰南山一名城陽山寰宇記云城陽回環甚高爲城郭襟帶更西南曰將軍巖卽城陽西支盡處峭峙水濱歛休兩港合流其下港之南有登仙峯山之西爲春山山有石壁可坐千人又名謝公墩春山西爲夏山又西爲東山登仙峯之東有巖嶺山有瀑布高千仞更南爲萬紫山西連歛嶺更西爲黃尉嶺一名觀音巖路通淳安治西南有西

峯頂其西爲披雲峯岑山屹立溪邊如龍浮水金竺山回環四五里如列屏霸王山大石蹲踞山巔故名極西南曰危峯嶺石門之水出焉有水嶺十二可通遂安治東南曰孔靈山有晉孔瑜讀書處李田山柳亭山一名昌山昌溪之水出焉更東爲老竹嶺路通昌化極東南爲昱嶺嶺當阨塞爲趨杭之通衢水之出黃山者曰豐樂水入於練溪又有大小母場之水出靈山南至練溪又富資水出箬嶺會布射水入練溪布射水出黃蘗山南流入練溪又有自巖崑山發源由績溪縣南流至臨

溪者揚之水也會布射富資二水又會豐樂大小毋竭
二水入練溪經紫陽山南至歙浦合休歙之吉陽水同
爲新安江南流入嚴州界昌溪水出柳亭山亦會揚之
水下抵街口接嚴州界有呂公灘在府南十二里卽徽
溪下流長二里本名車輪灘水勢湍悍善覆舟唐刺史
呂季重鑿之遂爲安流今亦曰車輪灣有漢洞坑在府
西南仁愛鄉洞口險阨中平廣上有屯聚遺跡相傳自
漢以來郡人避兵者多保聚於此又石梁在府南三里
舊以揚之水及黃山諸水凡四溪匯流城西陡瀉而下

故爲津梁以緩水勢宋嘉定間鑿山取石爲永久計明
宏治中凡再修葺稱爲完固又縣南五里紫陽橋有新
安第一關坊常額人丁共七萬四千三百七十九丁據
嘉慶廿四年冊報滋生人口實在閭屬土著男婦大小
民屯人丁六十萬五千六百九十三丁口共田四千九
百六頃一十八畝二共徵正耗銀五萬九千九百七十
九兩外不在丁田徵解共銀一百七十兩實徵本色米
七千五百六十七石三斗零除給徽州兵米一千七百
四十五石七斗零餘徵折色解司及糧道交納徵黃豆

四百二十石折徵正耗銀三百六兩零常平倉額貯捐積米一萬七千石實存穀一萬三千二百八十六石零米五千三百六十石二斗零社倉實存穀六千五百九十一石三斗零學田府縣款共三頃四十三畝共徵銀一百二十三兩學額歲入學廿五名驛站夫馬歲需工料銀共二百三十九兩零防禦在府營縣設民壯二十八名設官知縣一員衝繁中缺縣丞一員教諭訓導各一員巡檢二一駐黃山一駐街口典史一員

補東一百二十里至浙江昌化縣界西三十七里至

休寧縣界南一百里至浙江淳安縣界北一百二十里至寧國府太平縣界

休寧縣

縣爲秦歙縣地三國時吳置休陽後避景帝諱改海陽屬新都郡晉爲海寧縣又分置黎陽縣尋省隋改名休寧屬婺州尋屬歙州大業初以新安郡治此唐永泰二年又析置歸德縣大歷四年省宋屬新安郡元屬徽州路明屬徽州府

國朝因之在府西六十里距省五百二十里東西相距七十里南北距百八十里東廿里至長充鋪歙縣界西五十里至界首鋪黟縣界南一百二十里至江嶺浙江

皖省志略

卷一

一

開化界北六十里至韓嶺黟縣界舊治在縣西二里靈鳥山後移治縣東十三里萬安山上其城爲隋末汪華所築華遷新安郡治萬安今呼爲古城有汪王故宮唐天寶中移縣於今治宋始爲城周九里三十步爲六門元仍舊明堙嘉靖中重築周九里有奇廣二丈厚如之門七北距天葆山東亘東山之巔南臨汶溪西臨夾溪乾隆中增修邑東有古城巖之固西有黃竹嶺之塞南有白際山之險北有石圻山之阨高山峻川長林沃野民居旣稠物產亦夥縣城倚山而立負城之東北隅者

曰東山倚治北而爲邑鎮山者曰松蘿山其巔片壤產
茶爲天下最松蘿之前斷而特起一峯者曰天葆山松
蘿之西有東山西北曰金伏山距城二十里北接黟縣
界爲治西之鎮山者曰白嶽在縣西四十里高三百仞
周三十五里奇峯四起其西北曰齊雲巖高二百仞懸
崖中一小徑憑梯而上其三面並峻絕壁立二百餘丈
不通攀援峯頂濶四十餘畝宋德祐間邑人結寨於此
以避寇亂其並峙者曰獨聳崖高亦三千餘仞約周十
五里頂有池水並崖演迤凡數折里人鑿渠引水下山

灌田千餘畝山之西曰石門岩東曰密多岩按程敏政
云遊白嶽者率以白嶽爲高至桃源嶺則白嶽已在其
下至車襜嶺則桃源又在下至齊雲巖則車襜亦在下
蓋齊雲爲山最高處黟祁歙婺之山一目可盡東西爲
鹿驛山接黟縣界爲治南之案山者曰玉几峯又名響
山西名丁峯上有塔按一統志云玉几山一名塔山兩
旁有峯十二文筆五峯築自宋元巽丙丁峯明代重築
玉几之南爲東密岩凡二層又南爲錦堂山孤峯特起
更南爲白際山在縣南八十五里高百五十仞其山由

婺源五嶺而來連起大峯相續不斷東接歙縣之危峯
方吳諸峯以界於睦之遂安衢之開化蓋羣山之綱領
也相連者爲方厲山又名馬金嶺山之水北流入率江
東入遂安西入常山界皆入浙江治之東有古城巖一
名萬安山乃通歙之大路治西南有南當山隋時建縣
治於此柱棒山山有雙峯俗名丫髻山爲南水口又顏
公山西南接婺源界旁出爲黃余嶺接祁門界極西境
爲率山一名張山山在縣西南百六十里其脉由婺源
五嶺而北重岡大嶺周百餘里高千四百餘仞當休婺

浮梁三縣間鄱江之源出其陽浙江之源出其陰治西
北爲靈鳥山一名鳳凰山下爲海陽縣治舊址爲陽山
爲石拆山山中拆故名夾溪水出焉接黟縣界其山脉
亦從黟縣支發而來邑之水率水爲大發源率山其陽
水南下西流過饒州會於彭蠡入於江其北水源二皆
自山巔瀑瀉而下一從望仙巖流出梅溪口入祁門界
合孚溪水一從高湖尖流出彭汭坑東與梅溪孚溪水
會又東至江潭溪浙源之水赴焉流經南港又會於率
口而入於歙浦亦名漸溪卽古之浙江也今名浙江又

有五城水志云可溉田四千餘頃又有原坑水云可溉田三千餘頃又考縣西南七十里有新嶺高六百餘仞周二十里西合婺源芙蓉諸嶺爲五嶺往來通道嶺南有地名黃茅可由小逕直達爲防禦要地又東密巖在縣南三十五里高六十仞四面皆平山土田沃衍惟此特高周回絕壁如城東西二小逕由石磴而登其頂平衍方廣八百餘步唐黃巢寇郡郡人程灃率義兵立寨於此以拒之今塹壘猶存又有白際嶺寨塔嶺寨馬金寨松陽寨舉嶺寨名五寨宋置元廢又五城村在縣南

五城上舊爲大鎮寰宇記云村傍有五城斜隅相對因名元置五城務及南五嶺巡檢於此明初廢嘉靖中以寇亂議置兵防守萬厯間議者復以五城爲一郡通達之所應設哨官領兵巡緝與婺源中平鎮爲犄角云又臨溪村元曾置巡檢司藍橋渡明置黃竹嶺巡司於此常額丁共六萬五千二百三十八丁據嘉慶三十四年冊報滋生人口實在閭屬土著男婦大小民屯人丁五十八萬五千五十一丁口實折田總共四千八百二頃九十六畝零二共徵正耗銀四萬七千五十五兩零外

不在丁田徵解銀一百八兩零實徵本色米六千二百八石一斗除撥給徽州營兵米四百七石六斗零外折徵銀解司及督糧道交納實徵黃豆三百四十二石零折徵正耗銀解司共二百八十九兩零常平倉額貯捐積米一萬七千石實存倉穀三萬二千八百七十四石九斗零社倉實存穀五千一百五十八石九斗零府縣款學田共一頃四十畝零共徵銀五十九兩零學額歲入廿名防禦則徽州營之左軍守備駐焉縣設民壯二十四名驛站夫馬歲需工料銀共一百六十八兩零設官

知縣一員衝繁中缺縣丞一員教諭訓導各一員巡檢一員駐汰廩典史一員

婺源縣

縣爲漢歙縣吳休陽縣地自晉至陳爲海寧縣地隋爲休寧縣地唐開元二十八年分休寧西南界之懷玉鄉並割鄱陽懷金鄉置婺源縣寰宇記云以婺水繞城三面故名屬婺州宋屬徽州元元貞二年升婺源州仍屬徽州路明洪武二年復爲縣屬徽州府

國朝因之縣在府西百八十里東西距一百六十里南北距一百四十里距省七百六十里東一百一十里至大鱗嶺浙江開化界西一百二十里至洪冲坦江西樂

皖省志略

卷一

三

平縣界南三十里至車裏江江西德興縣界北一百六十里至木瓜坑休寧縣界唐縣治在清華鎮楊行密將陶雅守歙縣人汪武怨其暴橫率民立營柵據荳高鎮以拒之今縣卽荳高鎮也挾深溪爲險南唐時始築城周九里三十步門二宋因之元時立木柵明初復因遺址爲城周五百三十餘丈明嘉靖間建石城俯瞰繡水傍臨杉潭爲門四計長九百餘丈乾隆十年增修東有五嶺之固西有梅源山之塞南有大衡山之險北有回嶺石門之阨重山複嶺允爲奧區軍營山在縣城內西

隅五代時常屯兵於此山東麓臨西湖舊爲蜺蛇港又北曰腰灘港大溪之水匯流於此唐同光中吳將劉津改營新城因築南北港口瀘水爲西湖使大溪環城而西南出宋末猶爲近郊之勝元時漸湮至明遂爲平陸惟此山猶以軍營名縣北七十里曰浙源山一名浙嶺高三百餘仞周二十五里婺源諸水多西入鄱陽惟此山之水東會休寧祁門黟縣諸水至歙浦又會績溪歙縣諸水赴浙江山有戴公三嶺泥源九灣自縣入郡此爲捷徑又高湖山與浙嶺相連北接休寧界縣北九十

皖省志略

卷一

三

里有平鼻嶺聞見錄云平鼻嶺回嶺張公山查公山及花橋皆休婺往來通道也今查公山在縣西八十里花橋亦在縣西百里蓋自樂平而東北達縣境以入休寧此爲必經之處又縣東北七十里曰斜山高二百仞周八十里斜水出焉溉田四十頃下流合於繡水縣西北百二十里曰大連山高四百仞周九十里寇亂時鄉人每聚保於此又大廣山在縣西北五十八里婺水出焉縣西百二十里曰梅源山高三百餘仞周四十餘里西北接浮梁縣界又三靈山嶸峿山皆在縣西濬源山在

縣西南百里接樂平及浮梁縣界有濬源水溉田三十餘頃南合杭溪水入樂平縣界縣東八十五里曰芙蓉嶺高千餘仞周三十餘里其絕頂爲芙蓉峯巖石奇勝屏嶂龍尾諸峯皆其支脈也屏嶂山高二百餘仞方峙如屏龍尾山在縣東百里石可作研一名羅紋山又有對鏡嶺羊鬪嶺與芙蓉爲四嶺並休寧新嶺爲五嶺宋初驛道由縣東中平寨經大岷達休寧之黃茅沿澗曲折如水暴發則橋道皆壞其後里人汪紹闢路從芙蓉對境羊鬪塔嶺直抵黃茅較近十五里且無水患元末

皖省志略

卷一

番

汪同復開拓之遂爲通衢今休婺之界自塔嶺而中分也縣東南九十里曰石耳山層巖疊嶂高險接天有石室甚深廣由衢信入境此山爲之望其支脈曰大鱗山縣之水曰婺水在縣西源出大廣山東南流二十五里爲莒經水四十里合施村水至清華合月嶺水又合浙源沱川二水又至武溪會汪口水又經石門灘南繞縣治與斜水合南入樂平縣境又浙源水出縣北浙源山東流經梅溪江又東經祁門縣之李源仍入婺源東北境受祁門之浮溪水又東經休寧縣西之江潭

務又東南合五城水汊水至縣東南三十五里與吉陽水會曰率口是爲屯溪又東經歙縣之歙浦江與練溪水合謂之新安江又東南四十里爲深渡又五十里爲街江渡東南流入浙江淳安縣界其從浙源西出者曰浙源西水從大鱗山者爲鱗水從龍尾山出者爲東北水從石耳芙蓉嶺出者爲正東水諸水皆繞縣治入鄱陽湖其在縣北西流如繡曰繡水志云繡水合二港十一源之水匯流域下繞城三面而西又南益合衆流至德興謂之大溪至樂平縣謂之樂安江云又縣西北四

十里有五福鎮唐咸通六年置縣西南三十里有高砂鎮元置高砂稅務於此今廢聞見錄云自江南樂平縣趨太白巡司德興縣趨吳家灣會於高砂進抵城北是也今太白巡司在縣西七十里縣在明時又有入鱗巡司設於大鱗嶺又有巖田項村等巡司又莊坑在縣南六十里輿程記云繇樂平而東六十里至毛橋又三十里至灣頭五十里至莊坑以達縣皆舟楫通行之道也縣東九十里又有中平寨宋置寨元因之嘉靖間時有寇驚議者謂中平爲一郡要害應設把總帥兵屯守今

爲往來孔道又有海口隘接德興縣界往來要道也又
太白圍牆在縣南七十里太白爲潘村地以鄱湖屢被
寇害明時里人奏請奉詔築周五里有奇常額丁三萬
二千三百五十五丁據嘉慶廿四年冊報滋生人口實
在闔屬土著男婦大小民屯人丁五十五萬三千六百
三十丁口折實田五千三十頃九十九畝零共徵正耗
銀四萬一千三百七十三兩零外不在丁田徵解共正
耗銀六十六兩零實徵本色米六千五百八十七石零
除撥給徽州營兵米七百一十石外折徵銀解司及糧

道交納又徵黃豆三百六十五石零折徵銀二百八十
兩零常平倉額貯捐積米一萬七千石實存穀二萬一
千七百五十四石九斗零米二百三十四石九斗零社
倉實存穀七千九十六石六斗零學田共八十九畝零
實徵銀三十八兩零學額歲入學二十名驛站夫馬歲
需工料共銀一百六十八兩零防禦則徽州營之右軍
守備駐焉又縣設民壯二十四名設官知縣一員衝繁
中缺縣丞一員教諭訓導各一員巡檢一員駐項村典
史一員

祁門縣

縣爲唐永泰時置緣土寇方青作亂僞置閭門縣平後因其壘析黟縣之西浮梁之東置焉治故爲黟之赤峯鎮東北有山謂之祁山西南有兩石對峙如門謂之閭門因以名縣宋屬新安郡元屬徽州路明屬徽州府國朝因之縣在府西百八十里距省四百五十里東西距百七十里南北距百六十里東五十里至黟縣界西百二十里至浮梁縣界南百里至休寧縣界北六十里至石埭縣界宋時始築土城明嘉靖間營築周一千六

皖省志略

卷一

七

十丈高二丈廣一丈三尺建五門西北因山爲固東南倚河爲池邑於江浙間爲最高名峯列岫盤東西峙南北水亦隨山錯流隱隱隆隆陰陽清淑之氣蘊結其中山有在城內者曰猴山曰桃峯治東曰繡墩山下爲梅鎬所居故址東北數百武爲祁山更東爲榔木嶺路通林寧嶺下水分東西東入錢塘者歷灘三百六十入鄱陽者亦歷灘三百六十故知祁境爲最高東北遠者爲禾成嶺西武嶺俱接黟縣界乃邑之扼塞處近者爲不老山治之北曰道人山三台山石新婦山有三石峯類

人形每霽色輝映雲霞明滅則若彩服觀牧者故名相近有石鍾石笏二山相對北至武亭山亦接黟縣界治西北曰武陵嶺縣西四十五里高三十仞周二十八里經途所出初甚險峻唐元和中縣令路旻鑿爲盤道行者便之曰大洪嶺亦稱大共山在縣北五十里高六十五仞接石埭縣界大共水出焉山下舊有大共鎮元置今廢與石埭分界北境之水皆出於此治西爲新安山高百仞奇秀甲於羣山爲郡之勝本屬黟縣境內相傳郡名新安以此又主簿山又歷山山椒有池有管公仙

壇爲邑西之鎮山有樛根嶺接貴池界有西峯山有赤嶺自西迤北皆與石埭分界江家山巉峭遠絕人境良禾嶺西南接浮梁界南爲邑治外案者曰朝山東曰巽峯西曰丁峯如三台之鼎峙迤東南曰鳳凰山又十里曰白石峯曰王公峯高出萬仞不與諸峯接曰院林尖接休寧界迤西南曰梅南山爲邑南境之鎮山西南有闡門山巨石對峙以遏衆流更西南爲夫子山朱子嘗講學於此又梨木嶺過此則浮梁界矣邑之水以大共水爲巨流源出大共山有武亭水出黟縣武亭山南流

合焉歷祁山麓南流合諸山溪之水入浮梁縣界爲昌
江榔木嶺水源出榔木嶺至城南合大共水大北港水
源出赤嶺良禾歷山三處西南會大共水小北港水源
出榨根九峯西峯九龍池及新安山東南會大共水王
公峯水出靈山口與大共水合禾戌嶺水源出禾戌嶺
南流歷柏溪抵胥嶺北與大共水合盧溪水源出梅南
山迤西北流會大共水新安水源出新安山流經小北
港會大共水武亭水源出黟縣武亭山西流爲柏溪又
西南合禾戌嶺水入大共水諸水皆可引流灌田多者

數十頃民獲其利縣有五嶺在治南百里聞見錄云自
浮梁入祁門界有五嶺關自此抵縣城皆高山峻壁又
經江村又進至渚口又進至關口卽至城下良禾嶺明
設巡司續又移置於縣西北七十里之苦竹嶺常額丁
共一萬九千一百九十八丁據嘉慶廿四年冊報滋生
人口實在闔屬土著男婦大小民屯人丁四十六萬九
千二百九十二丁口折實田共二千一百四十頃五十
九畝零丁田共徵正耗銀一萬八千七百三十七兩零
外不在丁田徵解徵正耗銀共七十六兩零實徵米二

千七百六十七石七斗零除撥給徽州營兵米二百九十九石一斗零餘折徵銀解司及糧道交納實徵黃豆一百五十四石六斗零折徵正耗銀一百一十八兩零常平倉額貯捐積米一萬四千石實存穀二萬六千七百四石九斗零社倉實存穀七千九百八十二石四斗零府縣學田一頃一十八畝零實徵銀四十九兩零學額歲入學十六名驛站夫馬歲需工料銀一百六十八兩零防禦則徽州營之把總駐焉又縣設民壯二十三名設官知縣一員係疲難中缺教諭訓導各一員巡檢一員駐大洪典史一員

黟縣

邑爲秦置縣屬鄣郡以縣有黟山故名劉昫云黟音同
啓漢爲黟縣屬丹陽郡成帝鴻嘉元年爲廣德王國顏
師古云黟音無字本作黟音同三國吳時分屬新都郡
晉屬新安郡宋始名黟縣齊因之梁末屬新安縣陳還
屬新安郡隋時廢旋置大業末汪華等據其地置黟州
唐置縣仍屬新安郡宋仍之元屬徽州路明屬徽州府
國朝因之在府西北一百四十里距省四百五十里東
西距九十五里南北距七十五里東四十里至界首鋪

皖省志略

卷一

三

休寧縣界西五十五里至湘口太平縣界南二十五里
至武嶺鋪祁門縣界北四十五里至登荅橋太平縣界
宋始置土城周二里六門明堙嘉靖中重建甃以磚石
周七百三十餘丈高二丈廣一丈二尺爲門五西北環
以高岡東北以大河爲池崇禎時增築月城

本朝乾隆二十九年重修葺東有石門之固西有頂游
之塞南有魚亭之險北有牛泉之阨四圍宛若羅城舟
車難越縣西南十里曰林歷山高三百丈周十三里四面
壁立徑路危險漢末山越陳僕祖屯此恃險爲害孫權

道賀齊討之齊募輕捷士於隱險處夜以鐵戈拓山潛
山懸布以援下人得上者百餘人分布四面鳴鼓角守
路者皆驚走大軍乃上山擊破之今山上寨基牆壁尚
存東有石洞西有千丈巖瀑布自崖而下稍西曰頂游
峯亦曰丁峯孤峯削立與縣南之靄峯相映帶又墨嶺
在縣南十六里產石墨土人採之久而成井今石墨糜
爛不可書畫惟堪染皂西南十八里曰武亭山接祁門
界高二百仞周五十里橫江水出其南危巔削壁行者
趑趄宋紹興中邑人黃元輝嘗斲石爲路今爲通衢縣

南三十五里曰魚亭山高二百五十仞周三十里魚亭
水出焉志云山卽祁門榔木嶺之支也自榔木嶺十里
而至魚亭又東五十里卽至休寧界舊時江西魚船至
祁門以次泊山之東縣有四亭八墅魚亭其一也又復
山在縣南二十六里又名復巖山甚陜峻兩邊皆石中
有溝纔五六尺許水甚迅激石壁四絕僅通一線縛木
爲梯僅乃得上絕頂泉流不竭鄉人曾避寇其上賊意
山高無水欲持久困之鄉民示以生魚賊乃引去其水
東南流入休寧縣界縣東北十五里曰吉陽山今名三

姑山高三百三十仞周三十里有三峯鼎峙吉陽水出焉又東山在縣東十五里高數百仞人迹罕到稍東南曰石門山鑿石爲門下瞰溪潭沿巖鑿路名曰棧閣僅可通人斷處以木接之古號石門爲小劍門棧閣爲棧道縣北爲牛泉山距城五十里東接太平縣界高九百餘仞白麓至頂每九里一頓凡九頓並山爲路陁處僅容仄足下臨不測之溪上多風盛夏無暑頂有水方廣丈許謂之牛泉山上往往累石爲路昔時往丹陽之道也縣西北十餘里曰石盂山高五百仞袤三十里有巨

石如盂泉出不竭南連碧山碧山在縣西北八里高百仞其南有靄峯對峙爲縣主山又戢兵山黃堆山五溪山皆在縣北境內之水一爲武亭水一爲橫江水東會章水過魚亭山入休寧界一爲章山水繞縣治至東南匯會橫江水入歙浦一爲牛泉山水逾石鼓山麓東南匯吉陽水注於新安江一爲吉陽山水東行會橫江水同爲新安江一爲魚亭水分東西流東流至魚亭江會吉陽橫江二水又會休寧率水入新安江西流爲赤溪西入祁門縣合大共水入浮梁又縣西北有譙貴谷寰宇

記云至今尚有數百家同爲一村稱小桃源輿地志黟縣北緣嶺行得譙貴谷昔土人入山至一斜穴廓然開朗有三十餘家云是秦人入此避地李太白詩黟縣小桃源煙霞百里間地多靈草木人尚古衣冠卽此地又縣東三十里有魚亭驛宋置巡司元廢常額丁共一萬二千三百八十六丁據嘉慶廿四年冊報滋生人口實在闔屬土著男婦大小民屯人丁廿四萬四千三百八十三丁口折實田一千六百四十頃四十九畝零共徵正耗銀一萬六千一百六十九兩零不在丁田徵解共

皖省志略

卷一

畜

正耗銀六十五兩零實徵本色米二千六百七十七石七斗除給徽州營兵米八十石餘徵銀解司及糧道交納實徵黃豆一百四十七石五斗折徵銀一百一十三兩零常平倉額貯捐積米一萬四千石實存穀二萬三千九十四石四斗零社倉實存穀六千三百石學田七十一畝零應徵銀三十七兩零歲入學額二十名驛站夫馬歲需工料額支給銀一百六十八兩零防禦則徽州營之把總駐焉又縣設民壯二十名設官知縣一員簡缺教諭訓導各一員典史一員

績溪縣

縣爲漢歙縣地晉至宋齊因之梁大通元年置梁安縣陳廢仍爲歙縣地唐永徽五年析歙置北野縣大歷元年又析歙置績溪縣界內乳溪與徽溪相去一里離而復合有如績然故名至五年省北野入歙兼以其地入績溪五代時屬歙州宋屬徽州新安郡元屬徽州路明屬徽州府

國朝因之縣治在府東北六十里距省四百八十里東西距百四十里南北距五十五里東九十里至浙溪田

皖省志略

卷一

奎

浙江昌化縣界西五十里至界首鋪旌德縣界南二十五里至界牌嶺高唐鎮歙縣界北三十里至叢山關寧國縣界宋時築土城周五里元因之明堙嘉靖間改築周八百四十一丈高二丈廣一丈三尺爲門四以大河爲池

本朝康熙乾隆年間屢修葺東有大章之固西有大葵山之塞南有石照之險北有叢山之阨境界宣徽重巖複嶺尤爲險絕縣東六十里爲縣之主山者曰大障山高五百五十仞周百五十里一名三王山祥符圖經云

卽三天子鄣山山海經浙江出三天子都水經因之蓋
訛鄣爲都秦置鄣郡以此山名也郭璞云三天子鄣山
在新安歙縣東今謂之玉山浙水出其旁唐天寶中產
銀鉛今絕寰宇記大鄣山吳越於此分界縣東五十里
有績溪山因縣得名又東十里曰間鍾嶺屈曲往復地
近西坑又有七姑尖一山七峯中一峯尤峭拔又十里
巖壁立奇險又東曰百寸巖有石方廣百丈壁立如屏
下臨深潭鑿石爲橋奇勝不一又有遙遙巖巘巘斗絕
有大石門宋寶祐中闢爲磴道凡五里餘由此東達臨

皖省志略

卷一

三

安元大德中復伐石爲欄以鄣深險又有大石門小石
門皆縣東山山在北者曰蒼龍嶺一名蒼龍隴深窳窳
窳洞口常有雲霧又登源洞在縣東十里古登嶺之東
一名長樂洞山川環繞四顧周密如洞故名有澤穴暗
通大溪折而東經府城南龍井山下又大蹲山在縣北
高四百仞周百里前據潭水爨形矯首又名大爨山縣
東北二十九里有龍從山高三百三十仞周二十五里
其山四合中有官道通寧國縣界舊有寨呼爲叢山關
下有巧溪亦名揚溪流爲揚之水又邱山高二百三十

初周三里一名郎嶮山下有郎溪通驛路縣西北十里曰徽嶺山又名大尖山高四百五十初周三十里西北連凜山佛福嶺新嶺東連仙人巖抵叢山關又南接大障山山之陽水流入歙其陰則水流入旌德故有嶺南嶺北之分上有南北通衢縈紆陡峻行旅常行雲氣中縣西五十里曰大會山高聳特出羣山之上晴霽時陟其巔可以遠望太平宣池之境迤北爲古塘山一名葛蘿山緣蘿以上周遭皆田頂寬平舊有塘水冬夏不竭溉田數十頃其連者曰植山又有蒿山古塘植山之水

西至黃石坑蒿山之水東至黃石坑皆與旌德縣分界唐金山在縣東南九里其麓寬平四面臨水周圍如城有岡阜泉石之勝相連者龍鬚山上有池四時不竭縣東南三里有石壁立方廣二丈光可鑑物名石照山石罅中有水湧出曰白水泉傍多菖蒲石楠縣水之大者曰揚之水出龍窰山南流合乳溪水又西南入徽水曰徽溪又西南會大障山臨溪又西南經歙縣東北界上又西南會布射富資大小母場豐樂四水謂之練溪自府城西環繞而東南過呂公灘又南連餘浦與浙水會

南流爲新安江績溪在城東其源亦來自揚溪下流二十餘里乳溪水東注之又五里徽溪水南注之至臨溪匯縣南誌水入歙縣界徽溪在縣北自徽嶺南流十餘里入績溪又西流四十里入揚之水縣南有羅公泉水自地湧出騰上數尺源甚深長大旱不竭溉田數百頃又泉塘在縣東塘中有泉蓄溢深廣可引以灌田縣西五十里有龍井水從石中出大旱不竭亦溉田百餘畝縣西有濠寨地名馮村向設巡司戍守又西坑寨元常置軍營鎮守明初設巡司又有叢山關與寧國縣接界

路通浙江昌化縣額管人丁共一萬六百七十六丁據嘉慶廿四年冊報滋生人口實在闔屬土著男婦大小民屯人丁二十二萬一千三百七十四丁折實田共二千三十八頃五十畝二共徵正耗銀二萬二百三十二兩零外不在丁田徵解共正耗銀二百一十九兩零實徵本色米三千五百三十石二斗除給徽州營兵米一百五十石外折徵銀解司及糧道交納實徵黃豆一百九十五石折徵銀一百四十六兩零常平倉額捐積米一萬四千石實存穀二萬三千九十四石五斗零社倉

實存穀一千三百八十八石八斗零學田五十畝零廉
惠倉撥給并租銀共六十七兩五錢零歲入學額十六
名驛站夫馬歲零工料共額支銀一百六十八兩零防
禦則徽州營之把總駐焉又縣設民壯三十三名設官
知縣一員疲難中缺教諭訓導各一員巡檢一員駐濠
寨典史一員

皖省志略

永清朱雲錦輯

卷二目錄

太平府	池州府	寧國府	宣城縣	太平縣	貴池縣	石埭縣	當塗縣	繁昌縣	蕪湖縣	旌德縣	青陽縣	建德縣	涇陵縣	南陵縣	銅陵縣	青陽縣
-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----

皖省志略

目錄

寧國府

府在天文爲斗分野星紀之次在禹貢爲揚州之域春秋屬吳後屬越戰國時屬楚秦屬郢郡漢爲丹陽郡後漢因之晉武時始置宣城郡宋置南豫州治宣城自是廢徙不一至梁末宣城遂爲南豫州治陳因之隋廢郡改置宣州大業初復置宣城郡唐置宣州天寶時曰宣城郡乾元初復故大順初升寧國軍節度楊吳亦置寧國軍南唐因之宋仍曰宣州乾道時升寧國府元爲寧國路明初曰寧安府後改寧國府

皖省志略

卷二

國朝因之領縣六曰宣城曰涇曰南陵曰寧國曰旌德曰太平由府治至京二千七百四十五里至省三百三十里東至建平縣界六十里西至銅陵縣界一百六十里南至績溪縣界二百三十五里北至當塗縣界一百二十里東西廣二百二十里南北袤三百五十五里府城初創於晉內史桓彝隋開皇間始大展拓之南唐時又重脩韓熙載爲記宋建炎時繕脩元至正中重加甃甃城高二丈五尺厚三丈周九里一十三步門五西北據山阜東南跨原隰宛句二水合流不煩疏鑿

本朝屢經增修府介長山大谷間當吳越之交會作池
歛之襟喉屏藩南夏實江左之奧區也西北通蕪湖直
北通姑孰則以黃池爲重鎮間道由高淳越東壩通吳
會則以水陽爲屯塞由繁昌青陽銅陵而入西境則以
石碓峩嶺爲鎖鑰由石埭黟歙而入西南之境則以宏
潭爲屏蔽南與績溪接東南與昌化於潛通則以叢山
關千秋嶺爲要害東經廣德達杭雪則麻姑山爲險阨
其山脈有三南由黃山者歷太平旌德之東寧國之西
而抵於郡治由天目者一歷廣德西南至郡治之東一

自溧水南界建平西界而出於南湖之北西南由九華
者歷涇縣之西而北至於南陵若府治之陵陽敬亭柏
硯華陽麻姑行廊寧國之文脊紫山涇之水西承流太
平之黃山陵陽南陵之工山朗陵皆名山也水之源亦
有三南由績溪叢山及天目天麓者歷寧國至郡治爲
句溪與宛溪合西由太平涇川者至郡治爲青弋江東
由建平者緒於南湖西合宛句二溪及青弋江而西會
於黃池又北流至蕪湖入於江他若寧國之東西二溪
涇縣之賞溪藤溪太平之麻川旌德之徽水南陵之小

淮水皆巨川也又按寧境距江較遠則池州太平江寧爲之藩南鄰江右則有徽州爲之蔽東連浙省復有廣德爲之屏山重嶺復屹然金湯故楊行密則據宣州以并淮南明太祖亦下寧國克奠南服

國初設副將以鎮其地今尙設專營惟易爲參將云六屬常額人丁共五萬七千九百四十四丁據嘉慶二十四年冊報滋生人口實在閭屬土著男婦大小民屯人丁三百四十七萬四千一百一十二丁口折熟田共二萬七千七百九十七頃四十五畝零丁田共徵銀正耗

二十一萬六千七十兩零外不在丁田徵解共正耗銀五百九十二兩零共徵米六萬二千一百八石九斗零起運漕糧正耗共米四萬二百七十一石五斗零常平倉共實存捐積穀十五萬一千二百四十三石六斗零實存米三千一百三十一石五斗零社倉實存穀二萬一千八十四石三斗零米七千一百六十六石四斗零實徵黃豆九千一百一石一斗折徵銀五千八百八十八兩學田共一十二頃六畝二分應徵銀二百三十四兩零學額歲入府學二十五名五屬縣驛站夫馬實需工

料并帶閩共正銀三千四百二十九兩零設官知府一員繁難中缺管糧通判一員教授訓導各一員經歷一員

宣城縣

縣在漢爲丹陽郡之宛陵縣歷後漢及三國時皆仍之
晉改丹陽爲宣城並置宣城縣郡仍治宛陵宣城別自
爲縣梁陳時又省宣城入宛陵隋又改宛陵爲宣城唐
時又分其地置懷安縣旋省五代時屬寧國軍宋屬寧
國府元屬寧國路明屬寧國府

國朝因之附郭東西距一百二十里南北距一百六十
五里東六十里至花橋鋪建平縣界西六十里至清弋
江南陵縣界南六十里至柿木鋪涇縣界北一百五里

皖省志略

卷二

五

至黃池鎮河中當塗縣界城內有陵陽山岡巒盤屈爲
郡之鎮紀勝云山自敬亭陂陀而南隱起三峯環繞府
治其南爲鰲峯又東南曰陽陂唐獨孤霖謂郡地四出
皆卑卽阜爲垣郡治蓋據此山之岡麓也其作鎮於北
者曰敬亭山距城十里東臨宛句之水下俯城闔千巖
萬壑霞蒸雲蔚爲近郊名勝東麓有敬亭潭句宛二溪
水所注也西出第一峯爲一峯山又盤石山硤石山甌
山以形似名更北爲城山稻堆山西北爲麒麟山佛子
嶺高亭岡更西北爲九里山豹山至黃池鎮舊有楚王

城距城一百五里爲西北之盡境作鎮於東境者曰麻姑山高廣過於敬亭山逶迤峭崿屹爲巨鎮志云府東接廣德自杭湖而西可以軼入境內此山當其要害因置麻姑山寨爲戍守處東爲靈鳥山華蓋山西爲汪家山碧泉山麻姑之南有寨山西望山至長旛嶺袍笏嶺與建平界折而東南曰水東山石龍山榷山其距城六十里曰稽亭山圖經云行者玩其幽曠往往駐步因名又北有雙峯山三天洞麻姑山迤北爲掉頭嶺趨南湖而上治東北爲湖北山寨口山白魚嶺嶺西爲長山嶺

東爲大延嶺更東北爲崑山爲滾山爲靈山又別爲蔣山下瞰固城湖是爲高淳南境城南爲響山下有響潭其作鎮於南境者曰華陽山連跨宣涇寧旌四邑之境南爲密隴嶺盤嶺稍西爲金牌嶺二嶺之麓僅通一線爲涇旌間道郡南一阨塞也盤嶺之麓有洞深廣容百餘人山之支隴曰大墨山小墨山洞山城山又迤北十餘里曰橫山自橫山而北峯巒相接以至於城南陵陽敬亭諸山皆繇此肇脈治西南爲花田山巖台山鵲山苦竹山梅隴山又爲孔川山幞頭山斗門山隆潢山華

蓋山治之西爲丁山爲柏山雙手山七里岡在其南團山曹堂山天門山龍潭山曷山則盡縣之西境矣境西北爲高嶺山行廊山距城四十里兩山對峙環抱如廊廡然其下有大明湖又西北爲牛頭山下有寨元末土人保此以禦寇亂又有方山直抵清江與南陵界治東南爲玉山溪頭山石馬山城山其嶧山則宛溪之源出焉更南爲柏枧山與寧國縣接境山之陽卽文脊山也谿谷邃深峯巖回曲飛流界道跨岫爲梁其西曰萬人坑曰梅村山又西曰歙溪山以歙溪流其下也西北曰

查樹嶺由寧國縣之涇縣者道出於此水之滙爲巨川合涇太諸水以入灣址蕪湖由魯港注大江者曰青弋江其西岸則南陵境也水之渟爲大澤滙建廣諸水以出姑溪河者曰南湖與高淳之固城湖相連其北則有水陽河黃池河是皆新河莊之下流也其近城稱勝者曰宛溪源出嶧山由響山繞於城東縈回數折故曰宛句溪其源卽寧國縣之東西二溪北流入縣境亦至城東屈曲如句字故曰句古宣州有五湖今丹陽屬太平固城石曰屬高淳惟南湖青草屬宣城云縣有水陽鎮

在城東北七十里臨句溪上北與高淳接界有水東山
南唐爲水陽渡又兌軍倉及義倉皆設於此志云縣東
境之鎮在水陽繇此東出高淳越東壩通吳會此其要
防也又有黃池鎮與太平府黃池河相接志云府境西
北鄰蕪湖北通姑孰以黃池爲重鎮又城東十六里有
德政陂唐時置引渠灌田三百餘頃又薛公堰唐觀察
薛邕所築引水灌田處也常額人丁共二萬七千五百
四十七丁據嘉慶二十四年冊報滋生人口實在土著
男婦大小民屯人丁一百三十三萬七百一十九丁實

折田一萬二千四百二十二頃八十一畝零共徵正耗
銀九萬四千三百二十兩零外不在丁田徵解共正耗
銀四百六十四兩零共徵本色米二萬八千六百五十
一石三斗零漕糧起運正改兌併兵米改抵共正耗米
二萬九百六十七石三斗零本色黃豆三千一百九十
二石二斗零折徵銀三千八百三十兩零常平倉額貯
捐積米一萬七千石實貯穀三萬二千九百八十石零
社倉實存穀三千五百七石三斗實存米二千三百五
十一石六斗零府縣欵學田共七頃一十六畝二共徵

銀六十兩歲入學額二十五名防禦在府說內縣設民
壯二十八名驛站夫馬實需工料并帶閏銀共六十六
兩零設官知縣一員繁疲難調缺縣丞一員教諭訓導
各一員主簿一員巡檢二員一駐水陽一駐黃池典史
一員

寧國縣

縣爲漢宛陵縣地三國時吳分置寧國縣屬丹陽郡晉屬宣城郡宋齊以後因之隋平陳省入宣城縣唐武德間復置屬宣州旋省天寶間復置五代因之宋屬寧國府元屬寧國路明屬寧國府

國朝因之縣在府東南九十里距省五百二十里東西距二百二十里南北距一百七十里東一百里至唐社關浙江孝豐縣界西一百二十里至將軍右山涇縣界南一百三十里至千頃山浙江昌化縣界北四十里至皖省志略

卷二

十一

衆潯潭宣城縣界城爲唐故址宋南渡後增築周五百一十九丈高一丈五尺厚稱是明及本朝乾隆時屢修寧之爲境北淺南深四山周遭二溪環抱亦南境之藩籬也縣西北三十里曰文脊山高數千仞周三百餘里西接涇縣旌德諸山北接宣城柏枧山峯巒攢秀巖洞回環爲郡之雄鎮亦名昌山山東南有石壁峭立豁然中開儼若城闕謂之門山中有山洞五水洞一又東十餘里爲石嶺又有鴉山昔產茶充貢旗鼓山在縣北十五里左旗右鼓二山並峙又西北十

二里曰石馬山稍南曰通靈峯去縣二十五里上有雞冠山絕頂寬平泉出龍湫下爲溪流環繞與旗鼓諸山並爲縣北屏障又北接宣城縣界縣西百里曰紫山高數百仞周二百里有龍池龍井其北爲前塢諸嶺稍西北曰蜀洪山胡樂巡司置於此又柏山亦在縣西百里當往來通道其西十里曰石鏡山龍潭山亦在縣西北百里下有龍潭山谷深邃與文脊山相連互宣旌錯界處也縣西南八十里曰塵嶺嶺高險隋末汪華嘗駐兵於此有藏馬洞卓戈泉又北二十里爲楓樹嶺明嘉靖

間建哨台於其上縣西南百五十里曰籠叢山其南屬績溪縣界峻壁崇關宣歙扼塞處也明正德時姚源盜起官軍於此防戍叢山關在焉縣南五里曰雞山峯巒秀拔爲縣治之鎮又南二里曰薛家山明太祖南征常駐蹕於此亦名駐蹕山北姑山在縣南九十里脈自天目來逶迤舒演忽然峭拔有揚龍巖深邃容百餘人下爲泉流飛瀉又東爲黃巖山山頂有石室亦容數百人峭絕懸虛以登又千頃山在縣南百里與昌化縣接界縣東南六十里曰關口山兩峯錯峙若門扃然一名獅

象山其中徑隘谿深崖坪相望巖洞奇勝泉壑縱橫稍西北曰嶽山其東南曰鴉髻山有飛燕洞容百餘人鄉人嘗避兵於此有冷度山在縣東南九十里有五峯森聳相接者曰盤山其東與千秋嶺相望縣東南五十里曰東山山南谿洞逼隘至此獨豁然開朗下有渡口石口卽東溪所經也縣東六十里有銀山舊有銀冶久廢縣東百五十里曰千秋嶺岡巒纏屬谿谷幽深道通西浙楊吳招討使李濤攻吳越取道處也宋時置戍守嶺下爲雲梯舊置僊都巡司於此志云縣東南百二十里

爲湯公山一名商山旁有僊人峯又東南三十里卽浙屬天目山與千秋嶺岡脈相接面杭背歙爲兩嶺屏蔽有千秋關縣水之大者曰東溪西溪東溪源出天目山北流受千秋嶺及諸山之水又西北經東山下石口市玉欄杆溪又北則縣南千頃諸山水及昌化縣洋丁山水皆流入焉謂之杭水又北流五里至河瀝溪是爲東溪有石橋跨其上長四十丈又北經縣東五里妙山下復引而北諸溪潭水皆合焉至縣北十二里五河渡與西溪合又北十餘里有胡村水自廣德境流入又經通

靈峯北石馬潭有澄清溪出文脊山下亦流合焉至港口渡受宣城柏枧溪水亦曰乾溪又五里至西場接宣城境爲句溪上源西溪亦曰西津渡源出籠叢山北流合諸山溪之水亦謂之徽水其昌化縣界之僊人洞水旌德縣界之篁嶺水亦俱流入焉北流十餘里有滑渡水出旌德界之石鳧山東流入焉又北五十里有葛村諸水出涇縣界寄馬嶺亦流入焉又四十里爲羅隱灣中有狼石方丈許激流爲阻又北有龍潭水源出文脊山亦流合焉又東北流五里許是爲西溪亦有石梁跨

其上曰同人橋長四十丈北十里至五河渡合於東溪二溪上流皆淺澀至縣境僅容小舫合流而後始可以航矣千秋關在縣東千秋嶺上爲入杭間道又孔夫關在縣東南百二十里又名孔關其相近者曰濠阡關唐舍關白沙關潼嶺關黃花關皆自縣東南通於潛之別徑也宋南渡後置關爲臨安藩衛又叢山關在縣南龍叢山路當徽寧要路又湖樂鎮在縣西南九十里其地有蜀洪山明初置巡司戍守又舊有嶽山巡司在河弄塢復遷於河口市縣常額人丁共六千六百七十二丁

據嘉慶二十四年冊報滋生人口實在閭屬土著男婦大小民屯人丁三十一萬一千一百七十丁折實田二千七百四十八頃三十七畝零二共徵銀二萬二百一十七兩零不在丁田徵解一十八兩零共徵漕南等米五千三百七十九石三斗零起運漕糧正兌正耗共米三千三百三十三石四斗零共徵黃豆八百八十三石八斗零折徵銀六百七十九兩零常平倉額貯捐積米一萬四千石實貯穀三萬二千八百七十八石四斗零社倉實存穀六千五百二十三石八斗零學田七十六

畝零折徵銀三十四兩零學額歲入學二十名防禦則寧國營之把總駐焉縣又設民壯十九名驛站無設官知縣一員簡缺教諭訓導各一員巡司二員一駐岳山一駐湖樂典史一員

涇縣

邑爲漢縣屬丹陽郡至晉始屬宣城郡隋平陳省安吳南陽二縣入焉唐武德時以縣置南徐州尋更名猷州并置南陽安吳二縣八年州廢省安吳南陽仍以涇屬宣城郡楊吳及李唐屬寧國軍宋屬寧國府元屬寧國路明仍屬寧國府

國朝因之縣在府南一百里距省三百三十里東西距一百五十五里南北距一百二十里東八十里至金牌嶺寧國縣界西七十五里至大城山青陽縣界南八十

皖省志略

卷二

五

五里至承流山旌德縣界北三十五里至裏衝分界山南陵縣界古有城在溪西宋嘉定間移治溪東元至元間徙今治明嘉靖間始築城高二丈七尺周一千八百六十五步高二丈七尺厚三丈內外並甃以石門四水關二城外有壕舊建石隄萬歷間又自西門至北水關重築石堤十餘丈

本朝乾隆二年重修邑四圍峯巒拱列溪水滌洞下有馬頭閘山之阻上有三門六刺之險爲宛郡腹裏之地其山勢則自九華連亘而來故以縣西之山爲來脈水

西山在縣西南五里林壑邃密下臨賞溪循溪而入有塢曰水西坑最幽勝石碑山高百餘丈湖山上有小湖故名與水西相接爲白雲山又大小嶺大城山碧山黃蘗山寶峯山折荻山石柱山與青陽接境治西南爲雲嶺峯巒高峻若接雲霄九寧山唐猷州城址在其下隋大業末涇人左難當據縣武德三年歸唐尋授猷州刺史築城於此七年輔公祏叛遣兵圍猷州難當拒却之卽此又陽山藍山舊安吳縣址在其下陵陽山東屬縣境西隸石埭治西北格山下臨賞溪環抱縣治格山之

北曰柏山左難當築白龜城卽此又響山石壁屹立中有洞行人呼嘯則響應又雞子嶺則通南陵之官道分界山則與南陵接界石礮洪頭山山有石直立如堵號磨崖碑五城山五峯環列如城西至紀家嶺亦與南陵接界治北曰幙山左難當拒輔公祏於此崑礮洞山洞高丈餘深十丈闔山相接者爲馬頭山治東北曰琴高山琴高之北曰竹絲岡與宣城分界芭蕉山並鳥雀嶺稱險峻焉治之東曰西山山有三峯相連曰柰衝山巧坑山北衝山黃悅山自黃黥發脈至此高屹數百仞登

其巔視羣峯皆爲培塿治東南則有石門山山勢奇巧中通徑路東爲桓公嶺卽桓內史彝拒韓晃處壘塹猶存嶺稍南爲茹麻嶺入旌德太平之要路又東南爲黃幙山與黃幙相接者爲天馬山綿亘十餘里列如屏幃又石礮山腰有石洞甚深外隘中寬邑民會避寇於此治之南曰官山在溪北溪之南曰黃虎山曰承流山距縣四十里羣峯回環聳秀甲于一邑自承流而南峯岫盤旋百有餘里如城壘然東連建德西接太平谿谷幽深最爲佳勝又齊山之巔平敞可十餘畝稍東爲東流

山西行爲黃象山密岩山銅山舊銅冶處又魁山麻嶺跨旌太之境蓋往來交道焉縣水之大者曰賞溪在縣治西一名涇溪縣以此名其上流卽石埭縣之舒溪太平縣之麻川也二水相合在縣西南百餘里有麻溪渡出麻口入縣境下澀灘經九里羅浮萬村等潭皆隨山旋繞與太平縣分界又北至落馬潭有吳村水出縣南七十餘里魁峯山之陽北流入焉又北至桃花等潭合諸山溪澗水經縣西南二十餘里之後至巖潭與藤溪合又引而北有楓坑澗出縣西十里楓坑山亦曰冷澗

東流入焉至縣治西爲賞溪其西又有新河賞溪又北受水西坑水逕合諸溪水經幙山下流合焉又北逕柏山則江子港水自盤坑合溪澗水東北流合焉北過赤灘鎮則琴溪諸水流合焉又北經馬頭山蘆塘而滙爲青弋江在縣南八十里有藤溪源出縣東桐嶺之南流經此旌德縣有之溪其委流亦合焉又西受諸山溪之水出縣南官莊歷高灘渡北入巖潭與賞溪合又琴溪在縣東北二里出寧國縣諸山經縣東南境西北流至岳山又西流經琴高山因名琴溪又有洗馬澗源出岳

山至赤灘鎮俱合於賞溪縣之鎮則有蘭石黃沙枚回皆見于史又有勇里孫策擒太史慈處又有桑坑鎮巧坑茹麻嶺口明時曾建巡司皆要地也縣常額丁八千六百八十三丁據嘉慶二十四年冊報滋生人口實在閭屬土著男婦大小民屯人丁五十八萬一千七百三十三丁成熟田折實三千三百六十四頃七十六畝零丁田共徵正耗銀二萬九千二百五十一兩零外不在丁田徵解一十九兩零共徵米九千五百八十二石五斗零起運漕糧正兌改兌正耗共米五千九百七十三

石共徵本色黃豆一千七百七石九斗零折徵銀二千四十九兩零常平倉額貯捐積米一萬七千石實存穀二萬二千三百八十七石四斗零實存米三千一百三十一石四斗零社倉實存穀八千二百七十三石二斗零學田共一頃四十七畝共徵銀四十六兩零學額歲入二十五名驛站夫馬夫工料實需銀一百六十八兩零防禦則寧國營之外委把總駐焉又設民壯二十三名設官知縣一員疲難中缺縣丞一員分防涇太駐查村教諭訓導各一員巡檢一員駐茹麻嶺典史一員

太平縣

縣置於唐天寶十一載析涇及當塗縣地屬宣城郡大
厯中省永泰中復置五代時屬寧國軍宋屬寧國府元
屬寧國路明屬寧國府

國朝因之縣在府治西南二百二十里距省四百八十
里東西距九十里南北距一百十五里東三十里至黃
華鋪旌德縣界西六十里至長壽鄉凌灘頭河岸路口
石埭縣界南六十里至道泰鄉箬嶺鋪歙縣界北五十
五里至大塢山旌縣界治北有宋時舊城周一里二百

皖省志略

卷二

三

一十步高八尺後圮明宏治間移治立五門猶未城嘉
靖時始建城高一丈八尺周一千八百步門五水門二
東西濱溪西北倚山邑四面皆峻嶺懸崖峭壁鳥道穿
雲人行天際惟北有灘而湍疾百折在石橫波廉利侔
劔戟蓋亦稱四塞云山之最著於海內者黃山而峙於
縣治之南者黃山之陰也黃山峯之得名者三十六而
在縣境者有八曰翠微下有青牛溪曰天都下有香谷
源香泉溪曰望仙下有龍鬚巖竝歌溪曰九龍其下巖
洞溪源之屬並以九龍名曰望泉其上有泉人不能至

東南流至峯下爲湯泉曰疊嶂下有石孔巖亦名滴泉巖又有陰坑源水流入白雲溪匯爲白龍潭又流爲珠沙溪曰仙人下有仙人洞曰芙蓉下有白馬源諸峯之中天都爲之冠餘悉屬徽郡境內其北爲梨木嶺爲石柱山石柱之北曰夫子山曰尙書山曰文華山爲學宮之前案又天馬山乃學宮之巽峯又仙王洞一名洞青山東南有石息嶺極東南爲箬嶺縣東南六十里山頂爲歙縣境東麓屬旌德縣往來逕道也治之東有桂榜山其形橫列如榜縣東諸水繞其旁爲縣治之水口更

東爲白衣嶺路通旌涇二縣北去爲黃華嶺與旌德分界處治北爲異松嶺乃地脉分脊處三門嶺三方阻絕一逕中通東爲紫金魚帶山山頂上雙峯如髻俗呼了角尖西則爲龍門山嶺曰龍門嶺上下十餘里勢甚高峻治西北曰霧山西抵三折嶺更西爲古山在灤溪東真金山在灤溪西霧山之北爲盤峯山高峯插漢登其巔九華長江皆在目中更北爲密崖山岡崖連亘二十里有逕道名密崖岡通石埭密崖之西真金之北爲陵陽山在縣西六十里三峯矗立屬縣者一西屬石埭者

二下有三門六刺灘舒溪所經也更北爲仙都山一名遊山連亘三十里爲西北之盡境治之西有鐵甲嶺峭壁千尋下臨大河中通一線往來更西爲桃嶺接石埭界治西南乃白沙嶺路通西鄉有大鼇嶺涇水出焉其流爲灤溪極西南之境爲羊棧嶺接黟縣界縣有麻川在治南三里源出黃山之麓經縣東南七里麻陂澤一名白虎潭旌德西北境之水多流入焉謂之麻川又西北經縣治東有富溪水出縣西霧山逕縣治西南亦名仙源水又東北流入焉又北則梅溪水自三門嶺東南

皖省志略

卷二

三

流入焉西北下焦灘洲灘至麻口合諸山溪之水入涇縣爲賞溪上源又舒溪在縣西六十里源出黟縣境流經石埭東北入縣界又東北合於麻川又灤溪在縣西南二卡里有二源一出黃山九龍泉一出大鼇嶺下會流而東北入於舒溪又有青山溪源出青陽縣九華山入涇縣西南境又東南流入縣境亦合于舒溪又縣西有幡石水出黃山下赤溪水亦出青陽界下流俱滙于麻川縣西百里爲宏潭鎮志云自石埭黟歙而入郡西南境宏潭其屏蔽要地有巡司戍守又龍門巡司舊置

于龍門山下今廢縣常額人丁二千三百八十四丁據嘉慶二十四年冊報滋生人口實在閭屬土著男婦大小民屯人丁二十八萬三千五百六十三丁折實田一千四百一十頃四十四畝零丁田共徵正耗銀一萬二千九百一十六兩零不在丁田徵解銀共正耗銀一十二兩零共徵漕南等米四千五百八十五石五斗零起運漕糧正兌正耗共米二千四百八十七石八斗零實徵本色黃豆共八百四十三石九斗零折徵正耗銀六百四十九兩零常平倉額貯捐積米一萬四千石實存

穀一萬六千二百五十五石零社倉實存倉米二千一百一十四石七斗零學田八十九畝零實徵銀二十一兩零歲入學額二十名防禦則寧國營之把總駐焉縣又設民壯二十二名驛站夫馬實需工料共銀一百六十八兩零設官知縣一員疲難中缺教諭訓導各一員巡檢一員駐宏潭典史一員

旌德縣

縣爲漢涇縣地三國時吳置安吳縣今距縣三十里接涇之藍山故址存焉隋省入涇縣唐天寶後爲太平縣地永泰初析太平東北境麻城鄉置焉宋屬寧國府元屬寧國路明屬寧國府

國朝因之縣在府南一百里距省五百里東西距一百里南北距五十五里東四十里至嗣溪山寧國縣界西六十里至黃花嶺太平縣界南十五里至古塘山績溪縣界北四十里至龍首山涇縣界城於元元貞時始建

皖省志略

卷二

三

嘉靖間以倭寇繼修城周八百九十二丈高二丈厚一丈二尺門七

本朝屢經修葺邑境四面環山南有三嶺之障北有石壁之險東控寧國西阻太平雖蕞爾彈丸實巖峻之區也爲縣治之祖山者曰栖真山其西境有齊柳山西長山城子山黃茅尖正山一名尖山峯巖峭拔泉石錯列諺曰正山巍峩接星斗分別岡巒九十九南唐屯戍於此以備吳越岩山石柱山皆栖真之分支也極西之嶺爲大嶺乃旌嶺之最高者故又名天嶺爲西行孔道治

西北爲天井山距治三十里山嶺巨石峭立飛泉自兩
竇中出俗呼爲牛鼻水其下爲龍潭柵山棲鳳山唐峯
山金錢山九峯山更西北爲龍首山紀家山黃花嶺接
太平界治北爲上龍山距城二里爲縣治之近障隔溪
之北爲柳山稍北爲藁口山其鎮於治北者曰石壁山
兩崖對峙一水中流其橫亘二十里爲縣治之遠障者
曰蠡嶺北接涇縣界之東者曰華陽山其西爲感化山
鳳凰山玉壺山塘山其巔有塘廣可半畝四時不竭北
接寧國界爲縣東北之盡境由華陽而東爲剝嶺達寧

國之要路更東爲嗣續山跨寧國境爲兩邑分界處又
梓山乃邑山最秀峙處治之南曰南山嶺乃往徽郡之
大路也極南爲華高峯左大洪山右金鰲山又古堂山
治西南爲西長山大幙山旁起一峯爲小幙山又鐵帽
山蛟山距治五十里形蟠虬如騰蛟然後有洞逕險難
入其中平曠唐永泰中山寇王萬敵嘯聚於此極西南
之境爲箸嶺距治八十里高五百仞西接太平縣境南
接歙縣境爲宣徽通道相傳隋末汪華所開又有鷓嶺
與箸嶺接皆入徽之間道水之著者有四溪一楊下溪

又名東溪在治東源出績溪縣之龍叢山西北流入縣界合霞溪龍頭泉至城北里許合徽水一抱麟溪在縣西源出黃華嶺東流與陶環溪豐溪合是爲三溪又至石壁西入於徽水其陶環溪在縣西三十里源出黃高峯亦名玉溪北流入抱麟溪又雙溪源出縣西南九峯山之西東北流合陶環溪一弋溪又名渦溪在縣西北源出石壁山其水隨山旋轉下多險石至涇縣界入藤溪一鳧溪在縣東北鳧山西南之水會於此又湯村水亦在縣東北鳧山以北蠡嶺以南之水會於此皆西入

徽水又有清潭在治西南十里石山中有窟若壘形約寬五丈水從山噴出溉田千畝東流入徽水縣北三十里有三溪鋪巡司卽設此稍西有盤詰關縣東又有烏澗嶺向設烏嶺巡司今裁又縣西有石子寨南唐置戍守處縣常額人丁四千一百九十六丁據嘉慶二十四年冊報滋生人口實在問屬土著男婦大小民屯人丁三十七萬二千九百二十八丁口折實田二千一百七十七頃一十三畝零丁田共徵正耗銀一萬九千三百八兩零外不在丁田徵解徵正耗銀十三兩零共徵本

色米三千九百三十七石二斗零起運漕米正兌正耗
共二千四百八十七石八斗零實徵本色黃豆七百七
石三斗零共折徵正耗銀五百四十五兩零學田八十
四畝零應徵銀二十六兩零學額歲入學二十名常平
倉額貯米一萬四千石實在存倉穀二萬三千四百八
十七石六斗零社倉實存米二千七百石防禦則寧國
營之把總駐焉縣又設民壯二十三名驛站夫馬實需
工料銀一百六十八兩零設官知縣一員繁難中缺教
諭訓導各一員巡檢一員吐三溪典史一員

南陵縣

縣爲漢春穀縣地東晉以避諱改陽穀尋併入蕪湖梁於春穀舊地置南郡及南陵縣南陵之名始此隋唐時或隸於宣或隸於池至開元間析南陵置石埭場銅官冶天寶時又析其地置青陽縣銅官冶改設銅陵縣是石埭銅陵青陽皆割南陵而置南陵疆域至是始定宋隸宣州元隸寧國路明屬寧國府

國朝因之縣在府西九十里距省三百四十里東西距七十五里南北距九十里東三十里至清弋江宣城縣

皖省志略

卷二

三

界西四十五里至牧家亭銅陵縣界南七十五里至秋橋青陽縣界北二十五里至新店繁昌縣界縣舊無城明嘉靖間始建周九百三十六丈二尺高二丈五尺厚三丈萬歷中增高三尺於西北二門之中築臺增戍以二門相距遠也其形勝則東據弋江西有朗山南則峩嶺如屏北則漳河如帶達皖之通衢宛郡之肘腋按舊志有籍山爲縣治內主山今有籍山亭其爲縣境之主山者工山也山高數千丈周廣七十里下有龍湫在縣西三十里旁有內翰山工山之南爲朗陵山以朗陵侯

何琦名有落牛嶺朗陵之來脉也循而爲屏山縣治之來脉也又丫山接青陽界高七百餘丈更西南爲水龍山有泉出山巔石崖噴高五尺許濤湧而下田畝賴以灌溉旁連橫山嶺嶺接銅陵境有靈巖山接青陽境又車山趙冲山利國山新唐書地理志南陵縣有利國山山有銅有鍤元和郡縣志利國山出銅供梅根監皆在縣西南境治西北曰龍泉山新亭山射的山山有玉石在石壁內遠望如射的故名祿嶺山濟仁山與繁昌銅陵連界他若自同山板長嶺至石岡山則與繁昌連界

縣之南有五里岡縣治近案也爲鷲嶺極南爲呂山上有石室其南爲石竇有泉湧出卽小淮水源爲格裏山有兩小逕曰大格口小格口兩山夾行十五里不斷如畫格然故名中有腴田深澗人烟相接其東南曰箬帽山上有青墩頭可以眺遠其支有鷲公凸下臨石潭曰海子溝有龍藏焉時或騰躍水經其下爲箬溪又有干堆山壕寨山分界山緣與涇縣分界而名又神龍山有石嶺路通涇縣其東北二境與宣城蕪湖鄰者則不以山而以河界青弋江在縣東三十里自涇縣賞溪會衆

流入縣界經縣東之長地塘分爲二支至縣東北五十里漳陵港復會爲一江以東卽宣城界也西瀉馬家灘匯於蕪湖之石碗渡由魯港入於江志云馬家灘接蕪湖境蕪民每治灘爲田水不易泄爲南陵患云漳水出縣西南六十里龍洞平地有泉湧出又淮水出呂山南之石竇中經縣南五十里孔鎮舖而與漳水合流爲澄清河遶縣東門謂之東溪有鷺嶺溪水出縣南二十五里之鷺嶺流至此合焉又北受籍山諸水及後港水厯縣河口受蒲橋河水爲小淮河匯於蕪湖縣之石碗渡

入青弋江西港水源出工山朗陵之南合諸水北流經縣西謂之西港分流自西南水門入城遶縣前過東市爲中港籍山之水會焉其出西北水門與西港合者又北爲後港經白水灘遶縣後而東合於漳淮又蒲橋河在縣東二十里流經縣西匯黃埭諸澗北流經麻源渡入縣境會永豐陂又北經蒲橋又西出蘆港至縣東北合於漳淮縣有永豐陂在縣東南二十里引青弋江爲陂以溉田唐史咸通五年修南陵永豐陂宋時亦屢修築紹興時以永豐圩賜秦檜臣僚言檜竭江東漕計修

理圩隄以故水患及宜池太平建康乃命廢永豐圩又縣南有大農陂唐韋瓘記云南陵有廢陂積歲不理元和時修之置爲石堰三百步水所及者六十里開荒墾數萬畝是也志云陂水堰漳淮而成縣南二十五里有鶯嶺鎮明時置巡司戍守志云府西境之險繇繁昌青陽銅陵而入者石碗鶯嶺是其襟喉也縣常額人丁共八千四百六十三丁據嘉慶二十四年冊報滋生人口實在閭屬土著男婦大小民屯人丁五十九萬三千九百九十九丁共折實田五千六百七十三頃九十二畝

零丁田共徵正耗銀四萬四千七百四十二兩零外不在丁田徵解共徵正耗銀六十二兩零實徵本色米九千九百七十二石八斗零漕米起運正兌正耗共米七千一百三十三石零實徵黃豆一千七百六十五石八斗零折徵銀一千三百五十九兩零常平倉額貯捐積米一萬四千石實存穀二萬七千三百十四石零社倉實存穀二千七百七十九石九斗零學田二頃四十五畝零實徵銀四十六兩零歲入學額二十五名防禦則寧國營之千總駐焉縣設民壯三十名驛站夫馬工料

實支銀二千八百五十八兩四分設官則知縣一員繁
難中缺縣丞一員教諭訓導各一員典史一員

池州府

府於天文爲斗分野星紀之次在禹貢周職方爲揚州之域春秋時屬吳後屬越越滅屬楚秦屬鄣郡漢屬丹陽郡晉置宣城郡南北朝爲宣城郡爲南陵郡隋爲宣州宣城郡唐屬江南西道置舒州五代時南唐改康化軍宋屬江南東路爲池州池陽郡元爲池州路明爲池州府

國朝因之領縣六曰貴池曰青陽銅陵石埭建德東流東西廣三百九十里南北袤二百三十五里東至南陵

皖省志略

卷二

三

縣界一百五十里西至江西彭澤縣界二百四十里南至祁門縣界二百二十里北江口至桐城縣界一十五里由府治至京二千八百里至省一百三十里府城相傳唐永泰間築黃巢破後復修之南宋時相繼營治嘉定中復於城外西偏築新城如偃月狀元圮迄明正德間始重築西北仍舊址而拓東南隅三百餘丈共周一千四百二十八丈高二丈三尺厚倍之立門七後以形家言塞北右門無濠惟東南二面俯臨溪湖以接大江康熙間又增修焉長湖盪其胸大江遶其背遙接江楚

之衝近扼吳皖之吭鎮以齊山浸以秋浦南瞻九子北望陵陽實爲江山佳麗人文炳蔚之區大江自西流入境馬當山橫枕其中爲東流彭澤分界之所昔人以爲兼太行呂梁之險由此而東逕郡城北又東逕銅陵縣鵲頭山六朝置戍於此以爲重鎮論者謂郡襟帶江山控扼肥皖居金陵之上游當江濱之孔道或自鄱陽而北出或自淮南而南指可舟可徒亦誠設險之所也宋取江南以戰艦先取其池州而後步騎從采石南渡金陵藩蔽豈獨安慶爲要地與然諸郡皆有險可恃而池

獨無險上接江楚下引吳越三面輪蹄馳軌可達北濱江野艇漁舸亂流可濟一城斗大浮置江干故曰無險所恃者與安慶一江相望軍門所駐宿有重兵不慮其無聲援耳山之著者曰九華水之著者曰秋浦所謂九華之秀秋浦之清也西南二百餘里壤界徽饒青陽東通山越建德南接鄱陽皆爲嶺隘崇峻之地其濱江要害則上自東流之紫磯下抵銅陵之燕支夾磯嘴森列焉郡地山多而泉寒田畝旣少近江之區稍稱沃衍而蒹葭萬頃且浮於通郡之田富庶之效所賴拊循之長

吏哉又考宋史宣和六年前太平判官盧宗原言池州大江乃上流網運所經其東皆暗石多至二十餘處其西岸則沙洲廣二百餘里俗謂之拆船灣言船至此必毀拆也今東岸有車軸河口沙地四百餘里若開道入杜塢使舟經平水徑出池口可避二百里風濤拆船之險請措置開修從之今自蕪湖至安慶由內河可達卽此河也爲利溥而且久當事者其加意疏濬幸毋久而就湮耳今近府之洲曰古夾曰烏落曰官曰新曰上荷葉曰武梁其磯曰攔江曰羅刹曰黃龍曰劉婆皆濱江

相接巨艦乘風行旅皆有戒心按江行府界郡北五里自溢浦而來至東流縣西香河口而入府界過治北至吉陽河凡六十里又六十里至雁汊鎮北折而東六十里至李陽河又二十里爲烏沙夾又四十里至池口又東爲麻布料梅根五埠溝凡六十里而至大通河又東則銅陵縣也自銅陵稍折而北爲丁家洲爲錢家灣爲胭脂夾爲荻港凡八十里接太平府繁昌縣界對境則安慶府桐城縣至無爲州也東西幾四百餘里舊志云自馬當順流而抵繁昌凡五百里府境諸水悉入焉六

屬縣額丁共二萬九千九百四十二丁據嘉慶二十四年冊報滋生人口實在閩府土著男婦大小民屯人丁二百八十萬三千七百八十五丁口原額溢額等田共實田七千一百五十六頃六十五畝零丁田等共徵正耗銀十萬一千六百七十兩零共徵本色米五萬二千九十九石七斗零實徵本色黃豆七千八百二十一石零豆共折正耗銀七千七百六兩零除石埭外五屬起運漕糧正兌改兌及兵米改抵正耗共米三萬七千石零外不在丁田徵解共銀七百八十五兩零六屬之常

平倉實貯穀十五萬四千一百一十八石三斗零又存米一千三百六十九石三斗零社倉實存倉穀三萬五千六百四十七石九斗零廬地共計一萬八百四十五頃五十五畝又貴池縣上下基一千四百一十九丈零共徵正耗銀一萬四千五十兩零府縣學田共一頃七十三畝零共徵銀七十二兩零府歲入學二十五名置驛三池口李陽大通共支關館夫並走遞夫馬正銀六千八百七十五兩零防禦則有池州營都司駐郡城焉設官知府一員係衝繁中缺管糧通判一員教授一員

訓導一員經歷一員

皖省志略

卷二

三

貴池縣

縣在漢爲石城屬丹陽郡後漢三國同晉及宋齊屬宣城郡梁陳屬南陵郡隋開皇中改秋浦仍屬宣城郡唐屬池州楊吳改名貴池屬康化軍宋屬池陽郡元屬池州路明屬池州府

國朝因之爲府附郭邑東六十里至五溪橋青陽縣界西一百一十里至佛王鋪東流縣界南二百四十里至舉公汛祁門縣界北十五里至大江中桐城縣界山在城中者曰柯山在城北隅者曰玉台山在縣南三里餘

皖省志略

卷二

三

者曰齊山有十餘峯其高齊等故名山周圍二十里巖洞三十有二泉大小七十一其九頂洞亦曰翠微寨山蓋與九華之勝並擅江南其西有湖亦曰齊山湖縣南二十里有六峯山萬羅山又南二十里曰大樓山孤撐碧落若雲中樓閣然縣東南五十里有孤峯獨出其下散爲五支聯絡相屬巍然爲羣山之長者曰五山又三十六山在縣南七十里雲峯六六上插晴空相近者曰七井山上列七峯湧泉七穴山險峻四時多寒縣東十里瀕湖者曰碧山蒼崖翠巘倒影沉碧稍南曰石壁山

以形如削壁也又渚湖山在縣南四十里絕頂有田淵泉旁出澄泓如練蒹葭魚鷺若渚湖然其田歲無旱憂又鐵券山亦在縣東志謂黃巢降受鐵券於此縣北五里瀕大江有黃龍山上建望江亭稍西曰鎮山瀕池口河東北有百牙山志云府治主山也稍東曲水漩繞曰落篷灣貨舟輳泊於此

志謂貨舟所聚牙行百人登隴以平其直故名說太鄙

縣

西南三十里曰大雄山羣峯排戟雄峙一隅正西有大山地名黃花坦又有龜峯山皆瀕後湖又專景山亦在縣西王家汊之右俗呼磚井山崇巒拱揖支隴環伏湖

皖省志略

卷二

三

水搖光芰荷交映擅一方之勝又有白面山郎山秀山皆在縣西南秀山下有蒼隼潭行旅往來濟渡於此又有水車嶺陡峻臨淵奔流衝激聲若桔槔李白詩所謂秋浦千重嶺水車嶺最奇卽其地縣西南百二十里者曰全山峯巒周匝拱抱如環又城山周匝如城羅友賢寨址在焉相近者有高明山高明洞西南百五十里曰西巖山高萬仞周袤數十里相接者曰魚載山石壁斷崖三級每級寒潭淵澈湧泉飛瀑中有石如魚西南二百里

有靈山山巔有田百畝水泉四時不竭山之臨江

者爲攔江磯舊名曰石排江流至此最險羅刹磯宋端平間曾移安慶府治於此又太子磯屹立江流又有流波磯山勢交聯回互形家云所以固一郡之風氣也水則西臨大江而外有池口河在城西五里亦謂之杜塢河源有五一出石埭縣西之櫟山一出縣西南百八十里之古源山一出洿溪一出石嶺一出東源衆流滙於秋浦會於府西南七十里之玉鏡潭又迤邐數十里鍾爲谷潭決爲炭埠港注於杜塢過鎮山人池口河達於江清溪河亦曰清溪口在城南源出洿溪及石嶺與崇

皖省志略

卷二

四

溪峽川之水交於白洋滙於江祖潭注於上清溪沿流與上洛嶺水會遶於平天湖湧於黃沙灘過濟川湖瀉於濟川橋激於響水灘又一源出縣東南二十里太僕山注於北沙河折於蝦河遶於東塘湖合三水下流至下清溪達江又梅根河在城東四十五里其源一出九華山瀉於五溪橋過黃屯至城東四十里之門龍山沿流至城東五十五里之五埠河口出太僕山瀉馬衙橋遶龍潭與九華之流合交於雙河又北達江亦曰梅根港港東五里卽梅根監又李陽河在府西六十里源引

大江以江流之消長爲盈縮自河口出江有石槎枒橫
突爲攔江羅刹二磯奔流激盪爲運道患南唐發運使
周湛役三十萬夫作支流以避其險謂之新河其後江
面日開磯勢頗安而支流漸侵嚙民田正德間遂塞新
河黃湓河在府西九十里其源一出府西百里之西溪
一出建德縣境內之良禾烏沙嶺合於雙河播於東流
境內之張家灘沿於坦埠一出縣西南百二十里之祖
山達於唐田注於石龍潭會於沙山達於江大通河城
東北八十里接銅陵界其源自青陽者四一出九華山

一出分流嶺一出黃蘗嶺經木竹潭一出水龍山經雙
河會於管埠自銅陵來者三一出梅衝山伏出伏牛山
一出天門山會於車橋河與諸水交於將軍潭爲大通
河流入江秋浦在城西南八十里長八十餘里濶三十
餘里志云池口河自石埭縣之櫟山西流爲管公明溪
歷龍鬚河會於秀山之蒼隼潭過白面渡滙爲秋浦四
時景物宛如瀟湘洞庭繇池口入江查邨堰在城西北
百五十里受諸山溪之水引流溉田百餘頃又黃荆堰
在縣西南八十里亦受諸泉澗水以溉田城西南又有

東坑泉出毛嶺初僅濫觴其流漸大滙於玉鏡潭泉脉所及引流作堰者凡一十五所城西南百里有烏石寨唐永泰初劇賊方清等聚兵於此絕江爲患議者始置池州於秋浦以扼要害是也又城山寨在府西百三十里元末建德縣土豪羅友賢聚衆保障遂爲亂至正二十年明師取建德以友賢歸後友賢復據城山寨以叛欲通張士誠杭歙震動徐達等討平之又峽山寨在府西額丁共一萬二千七百七十四丁據嘉慶二十四年冊報滋生人口實在閭屬土著男婦大小民屯人丁八

十六萬三千一百八十七丁實田二千二百四十七頃五十三畝丁田共徵正耗銀三萬一千四百九十五兩零不在丁田徵解共銀三百五十四兩零實徵漕南等米共一萬六千六百五十一石七斗零內起運漕糧正兌改兌及兵折改抵正耗共米一萬二千四百七十三石五斗零應徵黃豆二千五十一石五斗零折徵銀二千四百六十一兩零解司常平倉額貯捐積米二萬二千石實貯倉穀共三萬三千七百三十七石五斗零社倉實存谷一萬六百六十三石五斗零蘆地共計五千

八百二十頃七十五畝上下基一千四百一十九丈零
實徵正耗銀五千六百九十九兩零學田二十三畝零
共徵銀八兩零學額歲入二十名防禦駐郡城都司外
民壯三十六名置驛三池口李陽大通皆沿江共支關
館夫並走遞夫馬實支工料銀共二千三百五十六兩
零設官知縣一員衝難中缺縣丞一員駐碧潭鎮教諭
訓導各一員巡檢司一員駐李陽典史一員

青陽縣

縣本涇石城陵陽三縣地吳赤白中析置臨城縣晉仍之屬宣城郡至梁陳屬南陵郡平陳廢南陵郡並省石城臨城等縣入南陵縣唐天寶元年分涇南陵秋浦地置青陽縣以其地在青山之陽也吳及南唐屬康化軍元屬池州路明屬池州府

國朝因之縣在府東八十里距省二百里東六十五里至寧國縣界西二十五里至貴池縣界南七十里至石埭縣界北四十里至銅陵縣界城自明嘉靖時築周八

百三十二步高二丈厚半之立四門各有樓萬歷年間加築城北隅高三面無壕惟東面濱溪黃蘖障於東峽山峙於西北倚白沙之深谷南控轉嶺之懸崖亦巖邑也邑之山極峰巒之勝者曰九華山距城四十里舊名九子山山有九峰如蓮華唐李白游此改今名高千仞周百八十里峰之得名者四十有八巖十四洞五嶺十一泉十七原二其餘台石池澗溪潭之屬以奇勝名者甚多與九華相接者曰同山以山同九華也曰冠幘山層峰巍峩如冠幘狀靈鶴山魁山曹山天台山至伏猗

嶺則與貴池界此山之列於南境者迤而正西有清泉山五溪山老坑山其四峰山則與貴池界殷家山則爲縣治來脉迤而西北爲青山縣所由名也踰梅家嶺則抵貴池界峽山者兩山齊聳夾河對峙老鼠石入銅陵界北有城山周圍如城惟一峰特起東北爲石壁山外峭中空下有泉時變清濁可占晴雨洪山谷名石門騎龍山界山則與銅陵分界柏樹山華家隴俱抵南陵界其在正東則爲石嶺高陽山讀山志稱爲范文正公讀書地距讀山十里爲古馬山又有龍安山龍池山西峰

山洞山石龍山金山梅林山則抵南陵界迤而東南爲青石山銅嶺山斜山石鞍山大分流嶺大游山黃蘗山其嶺與涇縣界邑南有吳山臨城舊縣址與臨城對者爲城子山又有仙陰山大黃尖山揚嶺甚險阻凡一十八灣白茅山小分流嶺梅山招隱山在陵陽鎮南華山與石埭界龜山山頂有寺西廡有泉一泓名曰龜泉又有大有山九龍山金霞山其在陵陽鄉高與九華並峙者則南山也縣西二十五里有五溪曰龍溪漂溪雙溪觀溪澗溪俱出九華山合流而北環繞於五溪山下入

貴池縣境匯爲大通河入江東有雙河一自大分流嶺合斜山龍池諸水一自小分流嶺歷蓉溪河會於雙河達橫橋河合管埠河水會於峽山之下入貴池銅陵縣界至大通入江是大通之兩大水口也其博山河七溪河則源出本境入石埭界又石堰在縣東四十里諸山澗之水皆匯於此有北山橋跨其上明正統間作石堰山水暴漲往往圯壞正德初邑民章佃仿新安堰壩法以薪代石遇圯則修又鑿渠分流以殺其勢其下流達銅陵界注於天井湖又華湖堰在縣治南通臨城水灌

郭西田民被其利有九華寨在九華山元季趙普勝與陳友諒合兵攻安慶卽其地置寨又劉公寨在縣南宋建炎中張遇寇境劉光世因險立寨禦之又六泉口寨在縣西南險固四塞明初常遇春守池州陳友諒來攻遇春伏銳卒於九華山下而以羸弱守城友諒至伏發緣山而出循江而上絕其歸路城中出兵夾擊友諒敗遁卽伏兵此寨常額丁共五千二百三十六丁據嘉慶二十四年冊報滋生人口實在閭屬土著男婦大小民屯人丁五十萬六千八百五十八丁口實額田共一千

六百三十七頃三十九畝零共徵正耗銀二萬一千一百一十六兩零外不在丁田徵解共正耗銀十七兩零實徵本色漕南等米共一萬一千九十七石八斗零起運漕糧正兌正耗共米七千七百八十五石五斗零實徵本色黃豆一千三百六十一石八斗零折銀正耗共一千四十八兩零常平倉額貯捐積米一萬四千石實貯倉穀二萬七千八百五十八石九斗零實存米一千三百六十八石八斗零社倉實存谷一萬六百六十三石五斗零蘆地二百八十一頃四十六畝共徵正耗銀

二千五百一十兩零學田四十三畝零共徵稻折銀一十七兩零歲入學額二十名防禦則池州營之千總分防青石二縣駐青陽治焉縣設民壯二十八名不設驛走遞夫皂差馬實需工料共支銀一千六百四十八兩零設官知縣一員衝繁中缺教諭訓導各一員典史一員

銅陵縣

縣在漢爲陵陽縣地東晉末爲定陵縣地屬淮南郡隋併入南陵縣唐末置義安縣尋廢爲銅官冶南唐保大九年改義安爲銅陵縣移治銅官鎮屬昇州宋開寶七年改屬池州郡元屬池州路明屬池州府

國朝因之縣在府東北百二十里距省三百六十里東八十里至界潭湖南陵縣界西二十里至大湖無爲州界南七十里至趙嶺青陽縣界北七十里至荻港鎮繁昌縣界舊無城明萬曆三年始築周七百丈高二丈一

皖省志畧

卷二

巽

尺厚一丈二尺立四門各有樓後又改闢東門焉銅官作鎮秣陵上游羊山峙天門之秀鵲岸鞏地戶之奇山川清曠吳會要區縣東三十里有舊城址唐義安縣置於此尋爲銅官冶南唐移縣於今治其地亦名銅官鎮寰宇記梅根監領法門石埭二場此卽法門場宋曹彬敗南唐於銅陵長驅而東元末星吉敗徐壽輝於銅陵遂復池州卽今縣義安廢城今爲順安鎮邑南十里之銅官山縣之鎮山也有泉源冬夏不竭可以煮銅浸鐵唐於此置銅官場宋置利國監歲久銅乏場廢稍西有

銅官渚旁有五松山下有湖有阜曰鐵船墩寶山在銅官左右石門山兩山石壁對峙如門獨山響山泉山金山有金牛洞五峯山五峯列如指天間山聳插雲表距城南約五十餘里邑西南爲隔嶺爲老鼠石係青陽界有鶴門山伏牛山又長龍山脉自分鄉嶺南來迤邐四十里止於大通鎮迤而正西則羊山峙立江濱有磯有渡卽舊稱六百丈江山並險處也峙於北者爲天王山望江山箬帽山聳起江濱者爲鵲頭山左傳楚以諸侯伐吳吳敗諸鵲岸唐志南陵縣有鵲頭鎮蓋因山置鎮也

宋紹興二年命沿江岸置烽火台鵲頭山其一也見宋繫年錄俗稱爲十里長山迤而東南距城五十里有玉樓山杏山與杏山相近者爲城山四圍石壁峭立西南僅通一徑其上平行約數十畝又有井雖旱不涸昔人恃以避寇附近者曰石光山龍泉山石峯山管山形類象諺曰青獅白象爲銅保障葉山有泉出石竇名靈竇泉葉山東爲貴山其東南爲鳳凰山距城七十里大江在縣西北一里自大通河與貴池縣接界下至荻港與繁昌縣接界江中之洲曰下荷葉曰下港曰曹韓曰白

沙曰千金曰新湧曰小蕪曰錢溪曰丁溪磯磯卽羊山石磯也大通河在縣南四十里出伏牛天門諸山匯於車橋湖至縣西南四十里大通鎮入大江與貴池縣接界今有大通巡司又河口河在縣治南會諸溪澗之水流入大江源微水淺兌運時漕舟不能達縣艤舟江滸遇風恒有漂失之虞明天順間開浚歲久復淤嘉靖間又移大通駟於河濱往來者益以淺塞爲患二十一年復開濬於是江流內注舟楫輻輳自是以時濬治焉荻港河在縣北八十里縣東南諸澗谷之水互相灌注匯

而爲河會於三港口西接鳳心閘北接黃水河經繁昌縣境而入大江又有天門水出天門山石竅中逶迤曲折襟帶數里灌溉民田流入縣東北永城埭至荻港達於大江天井湖在縣東門湖心有井不竭遠近諸川多匯於此引流爲河口河縣南河口河一自天井湖匯於玉帶河一自銅官山至礬港河合流至南河口入江丁家洲口在縣東北二十里發源縣東南十五里之儀鳳嶺引而東會於棲鳳湖通鳳心閘合湖城順安之水一自洲上口一自洲下口達於大江宋賈似道師次蕪湖

使孫虎臣爲前鋒軍於丁家洲自將後軍軍於龜港爲元兵所敗處也常額丁四千四百八十八丁據嘉慶二十四年冊報滋生人口實在閩屬土著男婦大小民屯人丁三十九萬六千七百九十五丁折實田一千三百九十八頃九十畝零丁田二項該徵銀一萬六千二百五十四兩零不在丁田徵解七十兩零實徵本色漕南等米共一萬一千一百八十四石六斗零內起運漕糧正兌改兌並兵米改抵正耗共米八千三百一十九石零實徵黃豆一千三百六十三石零折徵銀一千六百

三十五兩零常平倉額貯捐積米一萬一千石實貯穀一萬九千九百三十四石零社倉存倉穀伍千四百二石零蘆地共地一千九百四頃七十五畝零實徵正耗銀四千一百七兩零學田一十五畝實徵銀一十一兩零學額歲入學十六名防禦則池州營之把總駐焉縣設民壯三十六名置驛池口李陽大通凡三驛皆沿江支關水館夫工食等項共銀五百七兩零設官知縣一員衝繁中缺教諭訓導各一員巡檢一員駐大通典史一員

石埭縣

縣本漢陵陽石城涇三縣地三國時吳置石埭場據寰
宇記以溪源有兩石橫亘如埭故名梁因置石埭縣隋
省入南陵唐永泰間割秋浦浮梁黟三縣地復置屬池
州五代時屬康化軍宋屬池陽郡元屬池州路明屬池
州府

國朝仍之縣在府東南一百六十里東西距一百三十
五里南北距四十五里距省城二百九十里東至太平
縣界五里西至貴池縣界一百三十里南至太平縣界

院省志畧

卷二

至

三十里北至青陽縣界十五里舊土城明嘉靖間燹以
甃高一丈八尺周三里門五水關二濱溪無濠處萬山
之中羣峯羅列宛若屏障土稀人滿雖藁爾地亦奧區
也陵陽山峙於縣北五里爲一邑之鎮山高三百餘丈
廣二十五里三峯卓立如翰如屏東一峯屬寧國府之
太平中一峯爲竇子明煉丹之所西有深塢巖穴出泉
入丹井轉流黃鶴池中有平阜仙壇宮在焉又稱天壽
山正西有萬春山山自九華發脉由仰天堂向東南而
下圓墩小阜纍纍如走珠松木葱鬱花鳥四時有金城

山雨台山山仰對黃山俯臨青溪有七十二折奇峯四
列有石蓮花峯頂平如掌又名海獅山杉山在縣西百
六十里有待月螺髻等峯其最高者鐘鼓尖有洞曰歸
雲羅漢今名蓬萊第一洞洞口低狹漸入寬廣可容數
百人山南有伏龍池又有櫟山高五百丈周九十里石
壁峭挺阿有龍池波流甚遠池口河東源出此其並峙
者曰洞山山有峯巖洞谷及泉石之勝又有金城山儲
山壩山歷山慈雲山桑塘山在縣西南者曰鳳城山清
流遶其左蓋山障其南玉几環其右中峯挺立兩阜相

翼而下西南石崖下有船渡潭水深莫測又有五溪山
上有五溪合流而下土肥美中多巨木縣南有南安山
有五老峯在舒溪之南北面朝拱形家謂之五鳳樓台
蓋山屹立河濱望之如蓋下有舒姑泉蘆山東連鳳凰
山西接穰嶺水之在城南環帶縣治者曰舒溪河古名
涎溪源出界山至縣則會岳溪河清溪河黃村河船溪
奈溪河諸水又會縣北後溪河統會於麟灘合流而東
歷太平涇縣由蕪湖之魯港入於江在城西南境者曰
鴻陵溪曰管溪河曰漣溪河源出大洪嶺由橫船渡至

虎子渡下合貴池之殷家河流入于江大約境內之水
一線溪流山高石險舟楫罕通非澤國比也按舒溪一
名舒姑溪在縣南元和郡縣志舒姑泉源出蓋山下舊
志舒溪源出黟縣界流經縣西舒泉鄉會柰溪清溪諸
水合流東入大平縣界與麻川合又按寰宇記管溪在
縣西七十里源出礫山東北流三里至管口合流入石
埭鄉與大洪嶺水合流其水從石埭下流過往來舟船
至此並載拽船於埭上過埭即又縣志管溪流八十里
合併貴溪出石埭入貴池縣歷龍舒河即池口河之東

源也志又稱石埭故址在縣西百五十里名七里街宋
桂大受水晶宮記云理宗寶慶初始作新邑於此以四
面皆山不立城郭因掘珠嶺爲東門南山爲南門處嶺
爲西門礮礮路爲北門後六年復還舊治常額丁共二
千八百四十丁據嘉慶二十四年冊報滋生人口實在
閭屬土著男婦大小民屯人丁三十四萬二千七百九
十五丁口實折田共六百一十八頃二十三畝零二共
徵銀一萬四百九十兩零外不在丁田徵解銀二十五
兩零實徵本色米二千四百一十九石九斗零實徵黃

豆一千五百五十六石三斗零折銀一千一百九十七兩零常平倉額貯捐積米一萬四千石實存倉穀二萬五千三百九十九石三斗社倉實存倉穀七千四百五十七石七斗零學田八畝零共徵銀八兩歲入學額十六名防禦則池州營之外委把總駐焉縣額設民壯一十九名無驛走遞夫馬工料支銀一百六十八兩零設官知縣一員疲難中缺教諭訓導各一員典史一員

建德縣

縣肇於唐至德二載析鄱陽秋浦置至德縣以年號爲名也隸尋陽郡乾元間隸饒州永泰中復置池州以縣來屬楊吳時改建德縣屬康化軍宋屬池州元屬池州路明屬池州府

國朝因之縣在府西南百八十里距省百八十里東西距八十里南北距一百六十里東六十里至沈坑嶺貴池縣界西二十里至嶺塘東流縣界南百二十里至石門江西鄱陽縣界北四十里至古港東流縣界縣舊無

城明嘉靖間始築周五里高一丈八尺厚一丈立門四崇禎十年增高四尺五寸順治間重建邑界羣山之中旣僻且遠山層繞而益密勢環抱而益阻接西江之鄒陽爲皖省之盡境邑北有白象山邑治之枕山也城堞跨山脊勢蜿蜒而峭聳又有銅魚山爲縣後屏者天台山又有歷山陶山八公山自北而西有老鴉尖縣治來脉之少祖也花山北台山平原中突高數仞南鎮邑之水口北有赤頭城爲北行之徑又有爲邑治華表者曰石印山據寰宇記石印在縣西北五里歷水岸石壁峭

按舊傳許旌陽逐蛟至此岸塌其塌處屹立成壁印石而去九域志許旌陽印文在西南崖壁上與石印並峙形如獅象曰青山其牽牛領之東爲水石則與東流界正南曰西山與西山聯脈者曰梅山羣峯秀拔迤邐十餘里又有龍潭山石龍山雲峯山高聳入雲亘百餘里迤而西南有鷲台山九鳳山以羣峯軒聳如鳳翥也斜溪山崑山道山至楊伯尖龜家尖距城一百三十里是爲西南盡境正南爲縣治前屏者曰玉峯山玉峯之右爲峯山尖壽字崖志載宋嚴華摹漢武帝壽字於崖故

名玉峯之左曰天馬山最近爲官池山下有池塔嶺山下臨深潭又有乘龍山南豐山藕山三山並列泉壑頗稱幽異吉祥山四山並列中有平原將軍山三面山懸崖峭削石笋高峙白如面者凡三仙女峯一名望江峯爲邑衆山之祖又有舉子峯白灤山削藤山捉踵山龍溪山赤木山此山之列於正南者也迤而東南有桃灣山鳳鳴山太平山永豐山石乳山有方石高十丈許泉出石頂可資灌溉又方嶺密崖山馬坑山爲前河發源處桃墅嶺通浮梁境迤而稍東爲良禾嶺有逕入祁門

縣嶺下五里有龍池洞高敞如室前有三石池水注懸崖如瀑布然嶺與祁門界其正東則石門嶺與貴池界葛公山舊傳葛仙煉丹於此東峯上有龍井留山亘峙二水合流若留住然故名寶峯山了髻山陽烏山大羅山過石住嶺爲小羅山橫山方正如屏山半有泉盛旱不竭華蓋山又名筆架山爲邑東通衢者曰高嶺低嶺又近城曰馬鞍山鷄鳴山東北則有列疊山天王洞在其下有桃花流水之勝玉笏山沈境嶺五龍山五峯森列和山下有洞清泉滴溜如擊磬聲博陽山宋時禱雨

有應更名廣陽此山之列東北境而環遶一邑者也建之水有三曰前河曰後河曰饒河前河者源發桃墅嶺方嶺會埠頭灣至胡家埠合茹蘭溪之水逶迤百折歷查冊河入於江後河源發石門嶺過留山繞和山入貴池界達黃湓入於江饒河者發源南坑諸水匯於雙港口入饒州之獨山湖西達彭蠡湖口入於江縣南四里有太原城梁武帝時備置太原郡於此今尚有太原鄉又元和郡縣志謂縣南四里有堯城縣北二十里有舜城舊傳兩帝南巡至此鄉疑卽堯城故址縣南四十里

運不造其銀除解司一百八十九兩零餘俱解江寧糧
道防禦則池州管之把總駐縣治又縣設民壯二十名
設官則知縣一員簡缺教諭訓導各一員典史一員

東流縣

縣本漢豫章郡彭澤縣地唐置東流場南唐保大十三年因置東流縣屬江州寰宇記云以大江從湓城東下故名宋太平興國三年改隸池陽郡割貴池之晉陽鄉屬焉元屬池州路明屬池州府

國朝因之縣在府西南一百八十里至省百里東西距一百三十里南北距九十八里東六十里至佛王鋪獅子橋貴池縣界西七十里至馬當江西彭澤縣界南八里至水石建德縣界北九十里至鴈汊大江懷寧縣界

皖省志畧

卷二

空

城自明萬厯開始建高一丈八尺周三里有奇門五無濠東倚山西北濱大江南濱湖春夏水漲直逼城根冬涸乃爲通道左控諸山之峻右帶長江之險彭蠡滙其前金紫障其後重湖復嶺洲嶼回環亦山水之會也邑東之厯山去城三十五里爲縣治之來龍西枕厯池故名上有龍湫二一久雨不盈一久旱不涸又舜山延壽山石壁刻有延壽字巖竇空靈泉流清冽巖山山巖高踞如虎爲皖郡朝案石人山上有石如人立龍山重巒起伏勢如游龍列疊山岡巒層疊山之東抵貴池白雲

山界亦與貴池分界故兩邑並載焉迤而東南有月山倚立湖岸有葛仙山去葛仙鋪十里山稱勝境而牽牛嶺冰山則爲東流分界處其橫亘城南者曰拱北山舊名神山又有陰山隱山梅林山層巒疊翠縣南四十里之香山在香口鎮爲縣主山近香山有黃山白茅山青山浩山抵彭澤界馬當山在縣東南七十里橫枕大江爲古今至險安慶之宿松九江之彭澤皆以茲山爲界自西至北濱江皆磯曰吉陽磯響水磯張公磯土磯白石磯烏石磯稠林磯鯨石磯回龍磯黃石磯明宸濠以

舟師自南昌趨安慶過此詢地名左右對以黃石磯以其音類王失機心惡之卽此地又有祝家磯在縣北五里爲縣治下流第三關有祝姓施纜於此以濟舟故名皆橫江激湍爲舟行往來之險縣之水滙爲湖者居多南門湖在縣南門外明萬曆時開濬引江艘達於南門又有團湖合建德諸水循江口河入江有黃金湖亦在縣南相近爲白洋湖聚縣東南境之水由縣西南入江大清河在縣東北四十餘里澄澈如鏡至黃溢口入江據志云江口河之源有四一出鄱陽北坑一出建德縣

九鳳山一出馬坑交於清潭插於百步灘下流歷堯城渡而入縣境一亦出建德境內之茹蘭溪合蘇家溝下流徑蒼埠小石潭遶過路灘落青泥灣溢於仙人湖圍湖又引流入縣境爲江口河入江縣南六十里之香口河源亦二一出彭澤山林港一出陳倉源交於三汊激於蔴茹遠於查池爲香口河以入江縣有東流場在縣東北太平寰宇記云在池州南百里本彭澤之黃菊鄉控帶江山唐會昌初建東流場在古廢和城縣側大中四年移於今治南唐保大閒升爲縣香口鎮在縣西南

四十里西北去望江縣三十里宋末嘗移望江縣治此元復還舊治嘗設香口巡司又縣東有石潭鎮又東有張家灘鎮在縣北四十里舊置河泊所今廢又鴈汊鎮在縣東北九十里瀕大江舊有巡司今革案縣城瀕大江無曲港支河爲泊舟所故商賈不集明隆慶時縣令陳春於城南導建德諸山溪之水注於南門曰南新河北門外濬寨下湖控引江水達於東門曰北新河遂帆檣相望巍爲雄鎮今兩河咸淤塞案北新河引江水而成地勢高且易停沙又環城不過數里濬治尙可緩若

南新河則口門本寬上承仙人湖湖又淡廣自湖以西
曲折達建德建德之水皆萃焉每水漲時百斛舟可直
抵堯城渡若能廣開南新河口門使其勢暢出導冷水
港以上使來水勢聚而氣猛再相地形建閘築隄則自
建德以上山貨竹木之屬皆可由縣出江爲利甚溥惟
建德東流二縣勢須通力合作始能觀成耳東流縣新
修志中

嘉慶二十三年
縣令吳麓修

語爲錄其畧以待有志者常額

丁共一千九百六十五丁據嘉慶二十四年冊報滋生
人口實在閭屬土著男婦大小民屯人丁三十一萬八

皖省志畧

卷二

畜

千七百七十五丁口折實田共四百六十七頃四十五
畝零二共徵正耗銀八千六百六十六兩零外不在丁
田徵解共正耗銀二百五十一兩實徵本色漕南等米
共四千三百四十九石八斗零內漕糧起運正兌正耗
共三千一百一十三石一斗零實徵本色黃豆五百四
石二斗零折徵銀六百五兩零常平倉額貯捐積米一
萬一千石實存谷二萬七千一百九十七石一斗零社
倉實存穀一千二百五十八石四斗零學田七畝零實
徵銀五兩零學額歲入學十六名防禦則池州營之把

總駐焉又縣設民壯三十六名本縣走遞馬協池李大
三駟水夫支關實需銀一千四百五十三兩零設官知
縣一員衝繁中缺教諭訓導各一員巡檢一員駐吉陽
典史一員蘆地共二千五百一十七頃六畝共徵正耗
三千九百九十兩零又歸併江西南昌衛屯丁八十二
丁屯田二十四頃三十三畝共徵銀二百六十四兩丁
田俱係寄籍原省隔越不便盤查
歸入所在之縣徵收解交糧道

太平府

府於天文爲斗分野星紀之次於禹貢爲揚州之城春秋時吳地後屬越戰國時屬楚秦屬鄣郡漢屬丹陽郡晉屬丹陽宣城二郡咸和中僑立淮南郡又嘗僑立豫州宋爲淮南郡齊嘗置南豫州梁陳因之隋改屬蔣州唐武德四年復置南豫州州廢又改屬宣州五代時南唐置新和州於此尋改雄遠軍宋開寶間改平南軍尋爲太平州元爲太平路明爲太平府

國朝因之領縣三當塗蕪湖繁昌府在省治東北四百

皖省志畧

卷二

矣

九十里東西距一百里南北距二百一十里東至江寧府溧水縣界八十里西至大江和州界二十里南至南陵縣界百六十里北至江寧府界五十里府城肇建於吳黃武閒東晉時桓溫重築南唐保大三年復高廣之高三丈周十五里跨姑溪河宋改築割姑溪河於城外減舊三分之一周六里高三丈六尺厚稱是門六明屢修治沿城爲壕山東南開渠引水作新垣東北出水爲梅莊閘以時啓閉水深而城益高

本朝康熙乾隆閒屢修治府西北倚天塹之險東南接

宣歙之區踞金陵之上游扼巢舒之要害陳同甫稱爲
股肱建業有據險臨前之勢郝陵川稱爲三江之襟要
兩淮之腹心良不誣云按其地東界溧水西接歷陽南
連寧國北距金陵轄三縣枕大江江水西南自池州府
入繁昌縣界有赭圻戰鳥山三山磯及鵲尾虎檻二洲
皆舟師屯營之所西過螺磯其北岸卽無爲州又北逕
府治西博望山在其西南與和州梁山對峙相去不過
數里遙望如門故謂之天門山其西北則牛渚山在焉
北對和州橫江江面甚狹易於津涉江水又北入江寧

縣界故自上游來者則天門當其要害自橫江渡者則
牛渚扼其咽喉所謂天限巖峻江津之襟要矣郡境之
水則江徽寧池廣德諸溪流滙爲石臼固城丹陽三湖
而丹陽爲最大郡之巨浸也其山則繁昌之山皆自南
而北盡於丹陽之陰當塗之山皆自北而南盡於丹陽
之陽蕪湖則濱丹陽湖爲縣故縣南山接繁昌而縣北
山接當塗回環奧窔皆稱盤固之邑又丹陽湖水本西
行出蕪湖以趨江後人立圩於湖心以遏之遂灑爲二
股屬蕪湖者爲南股自溧水入當塗境者爲北股而南

股之中又分二股由蕪湖縣河至中江柱入江者乃南股趨江之正派也起路西之右由大信河入江者此南股趨江之別派也惟由當塗西行自采石入江者爲丹陽之北股案王伯厚地理通釋云太平江津之要害也左天門右牛渚鍊甕直其東石頭鎮其北襟帶秦淮自吳迄陳常爲巨屏又明王世貞太平府修城記云太平古金陵支邑後稍進爲郡與金陵俱係天塹爲固自金陵爲帝者都而太平之田土人民兵衛不能當其十之一然實據其上游爲之儲胥禦圉而制其命如古所謂

左馮翊者當天下之割且北不得太平不可以窺金陵南不得太平金陵不可以守顧祖禹云東晉以後嘗謂京口爲北府歷陽爲西府姑孰爲南州而南州關要比二方爲尤切觀諸論可知其地勢之扼要矣

本朝設立蕪采營以遊擊駐蕪湖而以守備千總把總諸官分駐采石荻港烏池等汛星羅棋布誠得控禦之要云三屬縣戶口共額丁五萬八千一百八十一丁據嘉慶二十四年冊報滋生人口實在合屬土著男婦大小民屯人丁一百五十四萬一百九十六丁口折實田

共一萬四千六百八頃七畝零通共額徵正耗銀十三萬一千二百六十七兩零共徵本色米三萬六千九百六十二石四斗零起運漕糧正改兌共米三萬四千七百六十六石零實徵本色黃豆二千二百八石二斗零外不在丁田徵解共正耗銀五千二百七十五兩零三縣常平倉及歸併府倉穀六萬二千七百四十三石三斗實存米六千一百六石零社倉實存穀三萬一百七十三石一斗實存米九千七百八十一石六斗零蘆地二千九百七十頃一十九畝實徵正耗銀九千一百六

十一兩零府縣欵學田共二頃一十三畝共徵銀六十二兩零入學府額二十五名防禦則設蕪采營統以遊擊三縣走遞差夫差馬併魯港荻港采石三駟關夫工料并帶閩共支銀四千二百一十兩零設官知府一員簡缺同知一員駐蕪湖管河通判一員教授訓導各一員經歷一員

當塗縣

縣本丹陽郡于湖縣地晉成帝時淮南入北乃分丹陽
僑立淮南郡於此又以舊當塗縣流民渡江僑立爲縣
漢當塗縣在唐濠壽二州界隋初併襄垣樊昌西鄉于湖等四縣更
置當塗爲實土而省晉時僑立之當塗併入宣城唐貞
觀時又省丹陽縣入焉屬宣城郡南唐時隸鼎州金陵
府宋昇南平軍爲州當塗隸焉元屬太平路明屬太平
府

皖省志畧

卷二

卅

里東八十里至石臼湖中溧水縣界西十里至大江中
和州界南三十里至大聖鋪蕪湖縣界北五十里至慈
湖葛岡鋪江寧縣界境內之山以縣西北二十五里之
采石爲勝一名翠螺山高百仞下有牛渚磯俯臨大江
昔時敵自橫江渡者必道采石趨金陵江津襟要此爲
最衝志云采石以昔人采石於此而名其石突出江中
渡江者由此登躋昔晉王渾代吳隋韓擒虎宵渡明常
遇春先登皆此地又宋伐南唐時樊若水漁於江以小
舟載絲維南岸疾抵北岸以度江之廣狹遂詣闕請造

舟爲梁以渡軍大軍長驅如履平地緣江面至此最狹故渡江者多取道於此由采石而東北曰白壁山望夫山一名棗子磯志云山高百丈周五十里與和州城樓正對馬鞍山近慈湖港更北爲慈姥山一名鼓吹山緣山生簫管竹圓緻異於眾處歷代以給樂府故名下臨和尙港從此入江寧界由采石而西南有金柱山係築土成山以鎮水口并建浮圖於其上天門山一名博望山距縣三十里亦曰東梁山與和州西梁山夾江對峙石磯北出江流激射又謂之梁山磯又名天門山亦名

皖省志畧

卷二

三

蛾眉山唐時置却月城宋南渡後置寨於此守建康者西偏津要梁山爲最褐山史稱朱置烽火台於褐山卽此闌入中流者爲寡婦磯湫流衝突皆濱江要害之區治之北曰黃山凌歊台址在其側迤東北曰葛陽山曰金山昔時出銅與金類古所稱丹陽銅也靈山霍山橫山接江寧界土山跨當塗溧水兩界之間治東日月盤山一名景山白紵山周十五里羣山環列江湖縈帶稱爲佳勝梅山甌山藏雲山其支出者爲龍泉山靈墟山入臨溪山武山接溧水界治南爲龍山陳宣帝謂郡之

形勝牛首北臨龍山南指者也稍南爲九井山相傳桓
溫所鑿伏滔北征記九井山五井已湮四井通大江又
有中山孤山迤東南曰青山一名青林山距城三十里
志云山綿亘甚遠周八十里明初太祖入和陽元人戍
守於此唐天寶十二載改名謝公山以齊宣城太守謝
朓居此山寰宇記云其宅基尙存唐李白墓亦在爲邑
之名勝邑之水以丹陽湖爲最滙徽寧池太廣諸水周
三百里東曰固城南曰石曰三湖相通距城東南五十
里與高淳溧水共之其流自當塗達蕪湖以趨於江此

丹陽之南股也餘水入當塗界經縣治之南者爲姑溪
河由北行又西過采石鎮至新河牛渚入於江此丹陽
湖之北股也又青山湖路西湖萬頃湖亦三湖相通其
流出大信河入江如城南之扁擔河隸蕪湖者多在當
塗境者僅二十五里至如洋清河北屬當塗河以南卽
宣城界蓋水流四出原不瀦於一境故約畧其可指者
如此又按一統志有新河在縣西北二十五里采石鎮
西牛渚磯東宋慶厯中以牛渚磯控江流之中水勢洶
激爲舟楫害乃開新河於磯後南接夾河北達大江舟

行遂得安濟又案縣有丹陽鎮卽故縣也丹陽凡有三
一爲楚始封之丹陽一在校江一在柘歸一爲鎮江府之丹陽吳
之丹陽也一爲漢之丹陽郡在宛陵而此爲丹陽縣故
有小丹陽之稱三國時呂範從孫策渡江下小丹陽晉
蘇峻濟白橫江自小丹陽至蔣陵覆舟山皆謂此縣常
額人丁共三萬四千六百四十八丁案嘉慶二十四年
冊報滋生人口實在閭屬土著男婦大小民屯人丁八
十八萬五千一百四丁口折實地八千四百五十七頃
一十四畝丁田共徵正耗銀七萬八千七百九十六兩

皖省志畧

卷二

三

零外不在丁田徵解其徵正耗銀二千三百七十七兩
零實徵米二萬三千三百一十七石零起運漕糧正兌
改兌及行月兵米改抵其正耗一萬五千三百九十石
八斗零實徵黃豆一千四百八十石四斗零折徵銀一
千六百二十八兩零常平倉額貯捐積米及歸併府倉
米二萬二千石實存穀二萬九千二百八十五石六斗
零實存米三千五百四十石九斗零社倉實存穀三萬
一百七十三石一斗零蘆地共一千三百頃零其徵正
耗銀三千八百六十一兩零府縣欵學田一頃六十四

畝零共徵銀四十三兩零學額歲入二十名防禦則蕪
采營中軍守備駐焉又縣設民壯三十六名設采石駟
走遞馬夫關夫工料共支銀一千八百八十四兩零設
官知縣一員衝繁中缺縣丞一員教諭訓導各一員巡
檢二員一駐采石一駐大信典史一員

蕪湖縣

縣在春秋時爲吳鳩茲之地漢置蕪湖縣屬丹陽宋白謂以其地卑蓄水不涘而生蕪藻故名後漢三國時及東晉時爲一戍重地又僑立豫州晉末又僑置襄垣上黨以招上黨渡江之民隋廢襄垣入當塗唐爲蕪湖鎮大順中楊吳復置蕪湖縣屬昇州宋初屬宣州太平興國三年改屬太平州元屬太平路明屬太平府

國朝因之縣治在郡城南六十里距省四百五十里東西距四十七里南北距七十里東四十里至黃池當塗

皖省志畧

卷二

七

縣界西七里至大江中流和州界南四十里至石碓河中流南陵縣界北三十里至延福鄉當塗縣界縣古城墮於宋建炎中明始築周五里高三丈門五近城無壕惟長河一帶東滙旌宣諸水經南城西達於河有自然之險

本朝順治乾隆閒皆重修邑境地勢平衍無崇山峻嶺惟對江螺磯砥柱狂流江之濱戶工二關在焉水陸交衝舟車輻輳江南一大都會也南境之山由繁昌來有石碓山石碓之水出焉灰山郭山古城山施陸山獅立

山並距城三十里道尼山青城山旬山並距城二十里
龍山磴根山白馬山元畝山高阜山大荆山小荆山相
傳爲卞和得璞之所又獨山並距城十餘里其距西南
十里之嶧磯在隔江接無爲州志云嶧磯高千丈周九
畝有奇嶧老蛟也磯南有石穴廣一丈深不可測北境
之山曰赭山其土赤地理志云赭山丹赤故郡名丹陽
赤鑄山相傳爲干將造劍之所山陰有鳥汊港至積溪
入江又有神山相傳干將淬劍於此齊羅山鶯交山馬
鞍山正北曰黃山至此而蕪湖之北境盡矣治西濱江

有鶴兒山山北有識舟亭又范羅山陶家山周家山缺
獅山駟磯山臨大江南唐時嘗設館駟立肆市於此故
名西北十五里有七磯山梁末徐嗣徽引齊兵據蕪湖
列艦於青墩至七磯以斷周文育自湓城還建康之路
卽此一名積磯又城西南五里大江中有戰鳥山舊名
孤圻相傳桓溫鎮姑孰時嘗屯於此夜中宿鳥驚啼溫
疑爲官軍至因名縣有王敦城在縣東北一里王敦鎮
于湖時所築又有勾滋港在縣東四十里案襄公三年
楚子重伐吳克鳩茲杜預注曰鳩茲吳邑在丹陽蕪湖

縣東今皋夷也勾滋卽鳩茲音之訛有魯港在縣西南十五里與繁昌接界商旅駢集爲防守要地明設河口鎮巡司於此又河口市在蕪湖縣城南沿河東西十里繁夥比於縣市大江距城西五里水之由蕪湖入江者曰石碓河從灣沚河西流由魯港入江一曰蕪湖水源出丹陽湖由治南之長河入於江其瀦於境內者一曰勾茲二港在縣之東是所謂鳩茲也一曰扁擔河一曰路南湖亦在縣東一曰天成湖一曰興唐湖一曰白鵬湖一曰五長湖在縣東南一曰西湖池在縣西北俱會

於縣河以入江又案中江在蕪湖縣西南漢書地理云中江出縣西南東至陽羨入海陽羨卽宜興今縣河東達黃池入丹陽石臼等湖至銀林堰乃中江故道也蘇常本承中江下流至五堰築而中江不復東皆由縣西行以達於江又宋史宣和七年詔太平府判官盧宗原開江東古河自蕪湖縣宣溪深水至鎮江渡楊子趨淮汴免六百里江行之險蓋亦尋中江故流東北達於大江云又縣東十五里有萬春圩明正統閒巡撫周忱築東垣遂破此以瀦水俗名萬頃湖其賦派入蘇常二府

萬厯閒復令居民納租草今廢爲青風草場常額人丁一萬七千五百十四丁據嘉慶二十四年冊報滋生人實在閣屬土著男婦大小民屯人丁三十四萬一千八百三十八丁口折實成熟田三千六十八頃三十二畝零丁田共徵正耗銀三萬二千四百兩零實徵米八千六百七十三石九斗零起運漕糧正耗共米五千五百七十二石七斗零實徵黃豆四百七十七石一斗零折徵銀五百二十四兩零不在丁田徵解共正耗銀二千一百一十四兩零常平倉額貯捐積米一萬四千石實

貯穀一萬八千三百二石八斗零實存米二千五百六十三石三斗社倉實存穀七千四十石七斗零廬地三頃六十五畝零徵正耗銀二十二兩零學田二十八畝零共徵銀七兩零學額歲入學二十名防禦則蕪采營之千總駐焉縣又設民壯三十六名設魯港驛走遞差馬支關水夫等項共支銀一千八百七十一兩零設官知縣一員衝繁疲難最要調缺縣丞一員教諭訓導各一員巡檢一員駐河口鎮典史一員

繁昌縣

縣本漢春穀縣地晉元帝渡江以春穀縣僑立襄城郡及繁昌縣繁昌本漢潁川郡屬縣地因僑立而是縣之名遂移於江南至孝武罷襄城郡以縣屬淮南僑郡至梁陳皆因之唐開元中於南陵仁義鄉置石綠場采石綠南唐中割南陵五鄉因石綠場復置繁昌縣隸金陵府宋時屬太平州元時屬太平路明屬太平府

國朝因之縣在府城西南一百三十里距省三百里東西距九十里南北距八十五里東四十里至石碓蕪湖

皖省志畧

卷二

堯

縣界西五十里至荻港大江中流無爲州界南二十五里至麻橋南陵縣界北六十里至魯港河中流蕪湖縣界縣故無城創於宋慶厯間有曾鞏記明天順中遷治後無城崇禎八年始築今城高二丈周六百四十六丈八尺門四東西南三面皆濠繞城北出魯港入於江邑爲山僻奧區左據浮邱之勝右攬獅嶺之奇長江天塹鷁起磯突兀中流亦一方之險要而四塞盤固之邑也縣至魯港而西有螃螬夾亦江流一險也溯流而上爲三山磯卽樊若水渡江試浮橋繫纜處又回龍磯靈山

墩更上爲鵲起磯俗名板子磯壁立江中爲大江上下
關鎖若夫白寧之南陵蜿蜒而來入繁昌境爲隱靜山
五峯環會泉石甚勝其曰莪山者高一百八十丈坡坨
橫秀娟娟清揚故名蛇山嶺千軍山銅山伏龍山來顧
山崔家山抵湖濱而東南界止治之東爲官山爲白馬
山八峯山又中八峯山紫嵐山馬仁山以類人馬狀舊
名馬人相傳唐德宗時石馬鳴厭之易今名又黃山馬
鞍山獅子山有峯六眠牛峯尤奇頂有石室石壁數十
仞接銅陵界更南爲殿沖山接南陵界治西南爲三梁

皖省志畧

卷二

平

山杏山黎山濟水山普庵山治之西爲紅花山諸峯壘
壘古澗澄泓下有紅花澗爲邑人造紙處龍華山有乳
泉通石竇資民灌溉石上產丹桂一株近千年開時香
襲里許麟山赭圻山下有赭圻城與覆釜山接脈晉時
出紫玉攻爲器以獻太廟哀帝召桓溫入朝至赭圻詔
止之遂築城於此梁南陵縣嘗治赭圻隋唐爲鎮今則
荒榛斷莽而已距城三十里又有金華山鳳凰山更十
里抵江而西界山治西北爲覆釜山一名春穀嶺一名
寨山苦竹山青山其境亦抵江而止治之北有大信山

有雙嶺爲陸路之咽喉有開口山爲水運之扼塞又春嶺神聖山又三山一曰老子二曰方三曰秦望連峯秀出上有九蓮洞東卽三山磯也治東北爲隨山浮邱山一名隱玉山距城十五里高三百仞周四十里銅山放鷹尖高三百丈翥入雲際如構上鷹至官渡則蕪湖南陵與繁昌三縣交界縣之兩大水口曰荻港在縣西五十里白池州府銅陵縣流入北入大江東與赭圻城相屬西對無爲州曰黃澣港在縣西南三十里源出南陵之大湧澗遶馬仁山西入本縣界又西官庄湖水入之

又西北徑鳳凰山下合荻港入江又泥浦港在縣西北三十五里與月子港橫山港合流入江曰三港口又鵲洲在縣北五十里遶出蕪湖蓋銅陵鵲頭山爲鵲頭至三山爲鵲尾故江曰鵲江岸曰鵲岸縣之諸水皆注焉乃江流險處又虎檻洲在赭圻東北蕪湖西南江中亦古來屯兵地又有泉石塘在縣北一里許周僅三畝灌田可百頃縣常額人丁共六千十九丁據嘉慶二十四年冊報滋生人口實在閭屬土著男婦大小民屯人丁三十一萬三千二百五十八丁口折實田一千九百四

皖省志略

永清朱雲錦輯

卷三目錄

廬州府

合肥縣

廬江縣

舒城縣

鳳陽府

無為州

懷遠縣

定遠縣

壽州

鳳臺縣

宿州

靈壁縣

潁州府

阜陽縣

潁上縣

霍邱縣

亳州

太和縣

蒙城縣

皖省志略

目錄

廬州府

府於天文爲斗分野星紀之次禹貢揚州之域古廬子國又巢伯國春秋時舒國地戰國時屬楚秦屬九江郡漢初爲淮南郡地文帝時分置廬江國而合肥縣屬九江郡其西境置六安國尋改廬江爲郡後漢因之三國時爲魏重鎮曹操嘗表劉馥爲揚州刺史建州治於合肥晉仍屬淮安廬江二郡東晉於合肥僑置南汝陰郡屬南豫州宋齊因之梁於合肥置豫州改南汝州曰汝陰郡又改南豫州又改合州後魏因之北齊又分置北

皖省志畧

卷三

一

陳郡隋開皇初廢汝陰北陳廬江等郡於合肥縣置廬州大業初改州爲廬江郡唐復曰廬州屬淮南道五代初屬揚吳置德勝軍後屬南唐置昭順軍周改保信軍宋曰廬州屬淮南西路元立淮西鎮總管府復改廬州總管府明初立江淮行省於此尋改廬州府直隸南京國朝屬安徽省領州一曰無爲縣四曰合肥廬江定遠巢縣府在省西北五百里東西距三百一十里南北距三百七十里東至和州含山縣界一百九十里西至六安州界一百二十里南至安慶府桐城縣界二百四十

星北至鳳陽府定遠縣界一百三十里自府治至京師
二千四百六十里古皆土城唐廬州刺史路應求加甃
焉城初據金斗河爲池宋乾道間郭振帥淮西以鎮大
城小拓其地跨河立水關二元末城圯僉事馬士德請
發公和錢十萬貫修之明仍其舊城周四千七百六丈
高三丈濶四丈門七四面濠俱深廣設東西二水關爲
金斗河流出入之處郡址西高而東下蜀山雞鳴山土
山諸水滙於水西門逕城中金斗河每春夏水溢則東
關受害爲甚後知府張瀚循流以殺其勢知縣胡震亨

建牖以防其涸民稱便焉正德中劇寇劉六等起知府
徐鈺慮水關難守築埭障之導水爲外濠以自固稽其
形勝則南連舒蘄北指和滁大蜀浮槎東西雄峙南北
舟車往來會集爲江淮津要之地江自桐城東行百八
十里抵無爲州江中有蠓磯與太平之蕪湖分界又東
三十里至裕溪口入和州境裕溪者卽濡須水之分流
也巢湖周四百餘里占合肥舒城廬江巢四縣之境爲
淮南巨浸濡須水出焉東南流經濡須七竇二山之間
中有石梁通流卽東關口也其水出關口東注大江江

流至此濶而多夾濶則浪平夾多則無風威最利津渡
故自昔號爲三吳之要害云山有大小二峴在府治東
自和州西趨壽陽自壽陽東至金陵此爲要路而小峴
與含山連脉尤稱險塞又三公山在無爲州西南界桐
廬通英霍連亘數百里亦稱深險至若府境南阻大江
北帶淮肥內擁巢湖夏秋暴漲動稱澤國而平原曠野
又以旱乾爲病是在守土者爲之經畫已府五屬常額
當差戶口人丁併優免餘丁共二十七萬五千七百五
十七丁滋生人口據嘉慶二十四年冊報閣府土著男

婦大小民屯人丁三百八十五萬五千六百五十六丁
口折實熟田共六萬六千五百六十三頃二十六畝零
總共科正耗銀二十一萬六千四百八十九兩不在丁
田徵解共正耗銀一千九百一十五兩零米十七石五
斗三升零實徵本色米共四萬一千二百九十六石四
斗零起運漕米共一萬六千七百一十三石六斗零實
徵本色麥共八百四石八斗零常平倉實在存倉穀八
萬四百一十六石七斗零又米四千二百四十三石六
斗零又另存儲備倉穀二萬五千石社倉實在存倉穀

二萬二千六百六十六石五斗零米四千三十六石一
斗零蘆田共二千二百二十七頃六十八畝零共徵正
耗銀一萬四百五十一兩零學田三十一頃四十七畝
八分零共徵銀一百五十二兩零府學額二十二名防
禦則廬州營都司駐焉合巢舒三縣有三溝梅心金斗
護城店埠派河鎮巢高井等八駟夫馬工料實需銀二
萬一千四百六十三兩零設官知府一員選缺同知一
員駐無爲州督糧通判一員教授訓導各一員經歷一
員餘詳各屬中

合肥縣

漢置合肥縣屬九江郡應劭註曰夏水出城父東南至此與淮合故曰合肥通鑑地理通釋云淮水與肥水合故曰合肥水經注則謂夏水暴長施合於肥故曰合肥未審孰是後漢爲合肥侯國三國屬魏晉屬淮南郡東晉於此置南汝陰郡改縣曰汝陰宋齊因之梁初爲豫州治後爲合州治後魏因之隋開皇初復曰合肥爲廬州治大業初爲廬江郡治唐復爲廬州治五代宋因之元爲廬州路治明爲廬州府治

皖省志畧

卷三

五

國朝因之縣境東西距二百一十里南北距二百一十里東九十里至東山口巢縣界西一百二十里至王小店六安州界南八十里至舒王墩舒城縣界北一百三十里至麻埠橋定遠縣界縣治西二十里曰大蜀山爾雅釋曰蜀者獨也山卓然孤立登其山遠見二百餘里又西二十里曰小蜀山治西四十里曰鷄鳴山肥水出於此上有龍井唐杜佑常言廬壽間有水道而平岡巨其中曰鷄鳴山請疏其兩端以通舟中閘登陸四十里而近則江湖黔嶺之粟可方舟而下卽此西南七十里

曰紫蓬山一名李陵山南畿志肥水出李陵山至合肥而始大山有逕達府西五十里之石佛山亦曰李陵山峽元末設關守隘曰竹林關西百里曰大瀟山有泉不涸其西爲龍鳳山口道通六安舒城縣東八十里有浮槎山一名浮萊山一名浮閣山境內名山也俗傳山自海上浮來上有佳泉歐陽永叔謂張又新水記載龍池而棄浮槎所失甚多今龍池山在縣西百二十里與六安州接界一名龍穴山治東六十里曰方山山頂四平南宋初居民嘗結寨保聚於此又有東山在府東九十

里其山口路通巢縣東百二十里曰黃山接巢縣及和州含山縣界山有三百六十峯周回二百餘里有泉四時不竭俗呼爲龍泉一曰金庭山一名紫微山志云山有金庭洞可容三百餘人又有紫微洞出泉冬夏不涸居民引以灌溉黃山之支隴曰小峴山有山口曰餘峴山道出全椒治東南七十里曰四頂山俯瞰巢湖上有四峯特起亦名四鼎山唐羅隱詩一山分四頂四面瞰平湖蓋實錄也又有青陽山在巢湖西北去城六十里姥山在城東南百里巢湖中界合肥巢廬江三邑間一

名聖女山又有孤山亦在巢湖中一峯孤立因名肥水
在城東源出鷄鳴山流入巢湖中郡志云肥水出紫蓬
山經合肥城下其東有沿河之水入焉自洗馬灣黃連
門來二河異源而下流相合故曰合肥邑志云肥水舊
經城北分二流一支東南入巢湖一支西北入於淮合
肥水分流爲金斗河自鷄鳴山而東引流至城西復貫
城而東出明正德中築埭障之乃沿濠迤邐城南而東
與自城北而東之河合又東南注于巢湖蓋水流變徙
非復故迹城東北曰滁水源出廢慎縣之龍潭又東入

滁州全椒縣界下流經六合縣入於大江爲淮南之要
險江北之重阻縣南九十里曰三汊河會廬江航埠水
舒城城下水桃城水亦曰三河有三河鎮縣南三十里
曰派河源出大蜀山亦東南流入巢湖又店埠河在縣
東三十里源出城北六十里之圓疇鎮東流入巢湖城
北一百十里有茅埠河東流經一山縣境下達大江巢
湖在縣東五十里亦曰焦河亦曰灤湖周四百餘里占
合肥舒城廬江巢四縣之地汊渚大小三百六十納諸
水而注之江爲淮西巨浸又逍遙津在城東肥水支流

也又藏舟浦在城西北隅魏張遼禦孫權鑿此以藏戰艦浦際有金沙灘縣西南百餘里有廬鎮關接舒城縣界舊置巡司今裁青陽鎮在縣南五十里梁園鎮在縣東七十里官亭鎮在縣西一百一十里今俱設巡司縣常額當差戶口人并優免餘丁一十五萬三千五百一十一丁據嘉慶二十四年冊報滋生人口閭縣土著其男婦大小民屯人丁一百六十七萬七千八百九十八丁口折實田共二萬九千五百六十頃七十四畝零丁田共徵正耗銀七萬二千八十九兩零外不在丁田共

徵正耗銀六百一兩四錢零共徵米一萬四千一百九十四石三斗零內漕運正兌正耗共米二千八百石零實徵麥五百一石八斗零每石折銀五錢共徵正耗銀二百七十五兩零常平倉額貯捐積米一萬四千石又歸併府倉額貯米一萬石現實貯穀四萬二千八百一十一石四斗零社倉實存穀五千五百四十六石四斗零府欵學田十二頃六十二畝零共徵銀四十四兩三錢縣學田六頃四十七畝共徵銀一十八兩歲入學額二十名防禦在府說內縣設民壯三十四名設金斗護

城派河店埠四駟北接定遠南接舒城夫馬草料工食
共支銀一萬三千八百六十八兩零設官知縣一員衝
繁疲難調缺縣丞一員教諭訓導各一員青陽梁園官
亭巡檢三員典史一員

廬江縣

縣廬子國春秋時舒國漢初置舒縣屬淮南國文帝時分置廬江國治此後爲廬江郡治後漢因之三國時廢爲吳魏境上地晉復置屬廬江郡宋因之南齊時復爲郡治梁爲湘州治北齊州廢隋開皇初郡廢改縣曰廬江大業初屬廬江郡唐屬廬州五代因之宋改屬無爲軍元爲州明屬廬州府

本朝因之縣在府城南一百六十里東西距一百二十里南北距一百二十里東八十里至石塘巢縣界西四

皖省志畧

卷三

十

十里至界牌舒城縣界南五十里至分水嶺安慶府桐城縣界北七十里至三江鎮合肥縣界距省二百四十二里案古九江郡包江南北而有之南與彭澤潯陽相接故山曰廬山江亦曰廬江蓋相望爲名也縣名因此城爲元末許榮建明景泰後相繼修築易土以磚周八百五十二丈高一丈五尺濶九尺門六崇禎三年知縣張雲鵠修其傾圯十二年耿廷籙因寇亂於城外築羊馬墻濬濠益濶建重關石壩城守以完

本朝順治雍正中俱重修其形勝則北控巢湖南帶繡

溪三公盤礴乎其東馬槽屹峙乎其西內資坡澤之饒外通舟楫之便亦淮西扼會之區也治東北曰冶父山傳爲歐冶子鑄劍處峯巖峻峭林巒深密盤亘數十里自麓至巔幾五里餘前有龍湫水嘗不竭又有三百六十子山羅列其下泉石環繞爲縣名勝距城二十里諸葛嶺周五里高二十丈高堂山上有汪聖廟周五里高百丈皆距城三十里塔山頂有塔周五里高二十丈縣之主山距城三里迤東曰東顧山爲治左護故名山畔一峯曰石屋山巖石如屋中可藏數十人暖塘山下有

溫泉者距城六七里許迤而北曰發洪山有泉曰笑泉距城十五里山勢獨出者曰獨山曰蠶山下瞰白湖又北爲鍊牖山距城五十里遙挹巢湖與合肥界東北爲梅山山之南爲毛公山漢毛義隱居處天井山與無爲州分界距城七十里大磬山產磬唐置磬場與小磬山接距城四十五里又南爲郎官山上有寨址跨沙河則有鳳台山五峯排列中高如台鐘鼎山有東西二泉每歲迭爲盈涸距城五十里三口山三峯聳秀距城七十里此廬邑東南諸山與無爲分界者也治南大門山俯

視小凹山其山外高中卑故名周十里高百丈距城四十里稍東爲塞寨山舊傳爲金華寨上有飲馬池周二十里高百丈距城七十里山之右爲大敖山山有泉可愈病者曰福泉山距城十里有錯落如斗者曰斗壁山又浮槎山皆距城三十五里秀山上鐫秀拔東南字爲水外之屏障去秀山數里許曰白雲山與桐城界距城六十里治西南有百藥山多藥品故名又西曰龍池山上有天井卽龍池周八里高八十丈距城三十五里馬槽山上有石槽嶺路通桐城山天然形似上有紅桃青

龍山關山曹魏守隘之所向設冷水關巡檢司山內一里許距城二十五里白茅嶺路達舒城距城四十里西北則金牛山北枕湖濱距城四十五里稍南爲揪住山距城二十里與金牛遙應而鞋山則居焦湖中以形名水則與合肥巢舒共者曰巢湖在治東北八十里會市河源出馬槽山清野河源出治父山皆流注於巢湖黃陂湖在縣東南十五里縣西有繡溪出馬槽山過縣城南門穿昇仙橋匯爲黃陂湖又有石槽河出縣南礬山沙溪河出縣南大凹山瓦洋河出縣南五十里之秀山

黃泥河亦出繡山同匯入黃陂湖而注於大江城東二里有作坊河源出冶父山亦匯入焉出黃墩山者曰黃墩湖分通大川入江縣西三十五里有西官塘溉田百餘頃又案志云縣境之塘凡六十有二俱爲灌漑之利云縣常額當差戶口人丁並優免餘丁共二萬三千一百五十八丁據嘉慶二十四年冊報滋生人口實在閭縣土著男婦大小人丁共三十六萬三千四百一十九丁口山塘各田共折實田一萬三百五十五頃五十四畝零丁田共徵正耗銀二萬八千八百五十八兩零實

徵米五千九百三十二石八斗零內起運正耗米共一千三百一十六石零實徵麥一百五十二石四斗零每石折徵銀五錢共徵正耗銀八十三兩八錢零外不在丁田徵解共正耗銀一百一十二兩四錢零常平倉額貯捐積米一萬一千石實存穀一萬二千六百石零又存米一千一百九十六石六斗零社倉實存穀四千七百七十一石四斗零學田一頃十五畝零應徵銀二十七兩三錢零入學額十六名防禦則六安營之把總駐焉縣設民壯一十九名設官知縣一員簡缺教諭訓導

各一員典史一員

皖省志畧

卷三

十四

舒城縣

縣爲春秋羣舒地漢置龍舒縣屬廬江郡後漢晉因之
宋省唐開元二十三年析合肥廬江二縣地置舒城縣
屬廬州五代宋因之元屬廬州路明屬廬州府

本朝因之縣治在府城西南一百二十里東西距八十
五里南北距一百里東六十里至三河余家灣巢縣界
西二十五里至界河六安州界南六十里至小關安慶
府桐城縣界北四十里至舒王墩合肥縣界距省城二
百三十里元末邑人始建土城明弘治間增築南臨大

皖省志畧

卷三

五

河歲慮潰決嘉靖中始易以磚凡五令而功始竟周一
千三十九丈高一丈五尺門六環城有壕明末殘毀
國朝順治中知縣丁時升等相繼完繕雍正八年知縣
陳守仁修之稽形勝則山川綿延襟帶東南土厚而水
深誠廬郡之保障也縣南三十五里曰春秋山多名勝
頂有洞可容數千人又鹿起山在縣東南三十里志云
縣之鎮山也龍眠山在縣西南八十里形若臥龍括地
志謂之龍舒山曼殊類要謂之龍山山陰爲龍眠寨有
泉可容數千人屯住東南接安慶府桐城縣南四十里

爲雲霧山山高聳雲出必雨又七門山在縣西南三十
五里山濱大溪下有石洞如門者七卽七門堰之上源
也志云縣西南七十里有揚旗嶺寇亂時土人結寨於
此寇至則揚旂聚衆以拒守因名南峽山在縣西南百
里一日夾山寰宇記云山有兩峯夾道連峯巒翠綿亘
甚遠北至舒城東至廬江南至桐城西至壽州盛唐界
縣西南一百二十里曰三角山峯有三角高百里許出
泉清潤相傳飲之能益人神智一名多智山寰宇記多
智山在懷寧縣西北三百里高九百八十丈自霍山縣

西南入懷寧太湖二縣界西接蘄州又有小山連太湖
縣境迤邐百餘里中有大峽兩岸相去十里水分兩道
一道西北入霍山界一道東南入太湖縣界往時土豪
結三尖寨於此爲禦寇計志云亦霍山之支隴也又有
響山王姥山並坐山板山孟潛山華蓋山鼓樂山竹山
鳳翥山磨劍山皆蜿蜒環拱縣東北三十里曰巢湖與
合肥廬江巢縣分界縣境水皆滙於此城南有南溪發
源縣西一百五十里之孤井東南流經七門堰入於巢
湖或謂之歐溪或謂之龍舒水志云孤井一名孤靜源

出西山有井曰風曰雷曰雨水經七門三堰旋繞而通於南溪又桃溪在城東北三十里發源於六安州之淠河亦流入於巢湖縣西九里曰上七里河西山諸水皆匯流於此經南溪而入巢湖又下七里河在縣東南七里上接南溪下達巢湖又有石塞河出縣西一百二十里之陽山亦東流入於南溪七門堰在縣西南七門山下三堰之源出焉三堰者一曰烏羊堰在縣南十五里一曰千功堰在縣南二十里一曰槽牘堰在縣南二十五里與七門堰共溉田二萬餘頃俱漢初頡羹侯所築

後漢末劉馥經理之爲灌溉之利今故跡並存縣南四十五里爲北峽關南接桐城之北峽山路出蘄黃舊爲設險之所縣西一百二十里有陽山寨上接霍山縣界縣西七十里龍河寨縣南五十里方山寨俱宋設戍守處又縣西有石崇山寨與龍眠山寨相近山崖峭險泉水融流俱可容數千人又橫山寨在縣西南亦明末時居人戍守處與三尖寨俱近潛山界又曉天鎮在城西南九十里僻處萬山中今設巡司縣常額當差戶口人丁并優免餘丁共一萬五千八百四十六丁據嘉

慶二十四年冊報滋生人丁實在閭縣土著男婦大小
八丁五十五萬三千二百四十九丁口折實田共六千
九百四十八頃七十七畝零又熟草山三千二十里七
豪三共徵正耗銀三萬五千八百七十三兩零外不在
丁田徵解共正耗銀一百三兩零實徵本色米共五千
五百五石四斗零兌漕正耗共米二千四百石零實徵
本色麥一百五十石六斗零每石折徵銀五錢共正耗
銀八十二兩零常平倉額貯捐積米一萬一千石實存
穀一萬二千六百一石零又存米一千一百九十六石

皖省志畧

卷三

六

六斗零社倉實存穀五千三百七十三石二斗零學田
一頃八十畝零應徵銀一十九兩零歲入學額十六名
防禦則六安營之把總駐焉縣設民壯三十名設三薛
梅心二驛北接合肥南達桐城歲支夫馬工料銀七千
一百八十三兩零設官知縣一員衝繁中缺教諭訓導
各一員曉天司巡檢一員典史一員

無爲州

州爲春秋時巢國地漢初置襄安臨湖二縣屬廬江郡後漢晉初因之後省爲南譙郡蘄扶陽等縣地隋爲廬江郡襄安縣地唐爲巢縣地宋太平興國三年始分巢縣無爲鎮建無爲軍尋廢淳化中復置屬淮南西路熙寧三年又析巢廬江三縣地置無爲縣爲軍治元至元十四年升無爲爲路二十八年降爲州屬廬州路明洪武初以州治無爲縣省入屬廬州府

本朝因之州在府城東南二百九十里距省五百里東皖省志畧

卷三

六

西距一百七十五里南北距一百四十里東一百二十五里至大江中嶋磯山太平府蕪湖縣界西五十里至都投山廬江縣界南九十里至石灰河安慶府桐城縣界北五十里至芙蓉嶺巢縣界州在宋爲軍壁明初始築城周九里高一丈二尺濶七尺門六東引花林大河爲濠深一丈濶五丈九尺嘉靖中改築磚城高二丈四尺萬曆崇正靖屢修葺

國朝雍正元年重修稽形勝則江水環繞衆流滙聚風氣完固郡國志云濡須重鎮山川隘阻薛氏云陸有東

關硤石之阨重以陂水之限最爲隘要銀瓶山在州西北五十里一峯特起狀如銀瓶最爲深秀又白馬街山亦在州西北五十里相傳魏武牧馬之地其相近者曰曹家山亦魏武屯兵處州北五十里曰五畝尖山頂平五畝許堪種植又白石山在州西北四十里高崖白石有泉出焉又有龍湫雖旱不涸並與和州舍山縣接界州西四十里白陽山又湖避山在州西六十里一名孤鼻山宋紹興中郡人王之道保聚其上寇不能破又西三十里曰天井山以山頂有泉也其相接而稍南者曰

雲霧山山高聳雲霧常蒙其上桐山在州西九十里有水道通白湖漁人用箔取魚亦名上箔山又有下箔山州西南八十里曰雙泉山山下有湧泉二穴州西南百二十里曰三公山山高峻有三峯削立其相接者曰九卿山山有九峯俱接廬江縣界崑山亦在州西南百二十里有東西二山皆崖磬其下有清水溪州東北五十里曰濡須山廣和州舍山縣界濡須之水出焉三國時吳作塢於山以濡濡須塢也蟻磯山在州東百五十里獨立大江中東西往來道經其下與蕪湖縣接界州北

六十里曰浮濃嶺亦名芙蓉嶺西北去巢縣二十里兩境分界於此高聳爲羣山之冠其上怪石交峙地勢險阻往來者艱於登陟明正統間知州王仕錫開鑿行人便焉大江在州東南上接桐城縣六百丈墩下距和州裕溪口計一百三十餘里按江防考州東南五十里有泥汊河又東南流入江爲泥汊河口有巡司所轄江道上自鯉魚套下至薛家灣凡五十里自泥汊河東北三十里爲奧龍河巡司所轄江道上自薛家灣下至奧龍墩凡八十里由泥汊河西南五十里爲土橋河巡司所

轄江道上自石灰河下至鯉魚口凡七十里中有化魚口宋家灣對江十里爲楊林洲與江南信服洲白河洲相近號爲三江口蘆葦叢生向爲盜藪濱江防戍者爲最要馬腸河在州東北六十里其上流二十里曰運河西接巢湖東灌於馬腸河達入江裕溪河在州東北百二十里源出巢湖東入和州境下流注於江濡須水在州東二十里源出巢湖自巢縣東南流入州界經濡須山又經州東五十里曰柵港河又東經三溪河入和州界注於大江又有夾山河朴樹河更樓河裏河永安河

直阜河土橋河皆入大江又有羨溪在州東北亦謂之中洲杜佑曰羨溪在濡須東三十里又錦繡溪在州西南十里亦曰雙溪一名錦繡池按志東門外有清水堰灌田百頃有高登閘在州東四十里又大寶閘在州南三十里黃姑閘在州西南九十里通廬江縣黃白二湖黃金城閘在州北十五里外濱大河內環七流大小圩三十所爲地三十餘里明正統元年築啟閉以時旱潦無患今名季家閘走馬灘壩在州東二十餘里濱河明正統間築堤三百丈新壩在州城之南舊時江流東注

蕪湖明嘉靖以來稍西北向鱗魚口一帶濱江築長堤十數里後坍入江

本縣順治間重築自鮑家橋至周思溝長四千丈有奇名四壩尋就圯康熙八年始築新壩自李家祠至王家渡長八百八十丈州東北五十里有偃月城與巢縣接界卽濡須塢也有東西二關其地峻隘亦曰東關口亦曰東與堤爲吳魏相持之所又新附城在州南十五里三國時吳孫恪築此以居新附者因名又有鮑兒寨南宋時州人結寨避兵處州常額當差戶口人丁併優免

餘丁五萬五千丁據嘉慶二十四年冊報滋生人口實
在閭屬土著男婦大小民屯人丁七十七萬七千七百
八十丁口折實田一萬二千一百九十五頃七十二畝
零丁田共徵正耗銀五萬一千一百九十四兩零外不
在丁田徵解共正耗銀五百八十五兩零共徵本色米
一萬二千九百三十五石三斗零內漕運正兌米共九
千九百六十六石一斗零常平倉實存米一萬四千九
百四十四石三斗零又實存穀六千石社倉實存米四
千三十六石一斗零蘆田共二千二百二十七頃六十

八畝零共徵正耗銀一萬四百二兩零學田三頃八畝
零應徵銀二十九兩零歲入學額二十名防禦則廬州
營之千總駐焉州設民壯三十六名設官知州一員衝
繁中缺州同一員學正訓導各一員黃雒泥汊奧龍土
橋設校四員吏目一員

巢縣

縣在夏商時爲南巢周爲巢伯國後屬楚爲居巢邑秦置居巢縣漢屬廬江郡後漢爲居巢侯國晉仍爲縣太元中僞置南譙郡改居巢置蘄縣屬焉宋齊因之梁爲南譙郡治東魏因之北齊郡廢隋開皇初改蘄縣曰襄安屬廬江郡唐武德三年於縣置巢州七年州廢改縣曰巢屬廬州五代因之宋太平興國三年分屬無爲軍紹興五年廢六年復置十一年屬廬州十二年還屬無爲軍景定三年升爲鎮巢軍元時升爲軍復改爲縣屬

皖省志畧

卷三

三

無爲軍明不改

本朝屬廬州府縣治在府城東百八十里東西距一百十五里南北距一百十八里東二十五里至清溪和州含山縣界西九十里至巢湖中合肥廬江二縣界南三十八里至芙蓉嶺無爲州界北八十里至東山口合肥縣界距省城四百六十里按春秋魯昭公四年楚薳啟疆城巢以備吳巢城自古有之而傾圮莫稽元守帥王珪因舊規贅之至明嘉靖間惟北門樓堞如故餘皆木柵更築圍十二里高二丈三尺濶六尺西南臨河東北

踞山門四又便民門五今止存小西門爲通道東西有壕明末時挑濬下皆磚石原屬古塹

國朝康熙雍正中皆重葺稽形勝則東眺長江西瞰焦湖南俯濡須北憑亞父城廬郡之門戶淮西之要衝縣東三十里曰東山山不甚高瀕江爲監宋紹興十一年劉錡等敗金人於石梁河又追敗之於東山卽此又八公山在縣西北十八里亦名紫金山今山有淮安王廟以名同壽州八公山耳半湯山在縣東北十五里有二泉冷熱各半下流仍合因名縣東南三十里曰七寶山

與含山縣界之濡須山對峙相距十里魏人築西關於此以拒吳處也又大秀山在縣南三十七里南至無爲州四十里爲接界處輿地志東關口踟蹰山卽坻箕山也春秋昭五年楚子觀兵於坻箕南北朝時陳將荀朗破齊將郭元建於踟蹰山蓋坻箕踟蹰音相近也一名楚歌嶺縣南六十里曰高林山山盤伏數里林木高聳山下有高林市又南十里曰九峯山其峯盤迴九折因名縣西南八十里有居巢山山谿谷間有石研之如墨因名巒山唐改今名志云縣西北十五里有龜頭山山

形如龜俯瞰湖濱城塚記山一名小隴山昔嘗置黃河
城於此爲戍守處亦謂之龜頭城縣西北二十里曰萬
家山山當四會之衝一名回車衝自嶺經臯橐過鍾離
徐沛達魯境爲南北大道故俗傳爲孔子回車處其南
五里曰小佛嶺又小獨山在縣東北四十里四無倚附
屹立于雲亦通途所經也金庭山在縣北九十里卽黃
山也與合肥縣接界志云今縣北五里有王喬洞可容
三百人又白塔岡在縣南道出無爲州南北朝時戍守
處又城東十里曰亞父山隋書地理志襄安有亞父山

寰宇記漢時范增死於山傍故名以形似旗亦名旗山
又有鼓山與旗山相近巢湖在縣西南十五里爲巢湖
東口縣境羣川多自巢湖導流又有東水口市以近湖
東口而名縣西北二十里曰柘臯河源出合肥肥浮槎
山經柘臯鎮流入巢湖濡須水在縣治南自巢湖東口
流經縣前一名天河水俗呼馬尾溝東流經亞父山南
又東南流經七寶濡須兩山間亦曰東關水經無爲州
及和州境入於江舊志縣東南有石梁河卽濡須上流
也縣東南十五里有清溪河亦出巢湖流合濡須水宋

劉錡自東關出清溪拒金人處也又有芙蓉河亦在縣東南十五里出無爲州接界之芙蓉嶺因名東北流合於清溪又有黃洛河在縣東六十里經無爲州北四十里流合濡須水云縣東南四十里爲東關卽濡須山麓也與無爲州和州接界又西關在縣東南三十里七寶山上三國時爲吳魏相持之要地又三關屯卽東關關當三面之隘故吳人置屯於此吳志曹公出濡須朱然備大塢及三關屯皆東關柘臯鎮在縣西北五十六里卽橐臯故城在縣西北五十六里今設巡司按宋史烏

珠陷廬州屯拓臯以橐拓音近而訛後又因拓類柘而又訛也縣常額當差戶口人丁并優免餘丁共二萬八千二百四十二丁據嘉慶二十四年冊報滋生人口閭縣土著男婦大小民屯人丁四十八萬三千九百一十丁口折實田七千五百二十四頃七畝零共徵正耗銀二萬八千四百七十四兩零外不在丁田徵解共徵正耗銀五百一十一兩零實徵本色米共二千七百二十八石三斗零兌漕正耗共米一千二百三十二石零常平倉額貯存倉穀一萬五千三百八十一石四斗零現

實存穀一萬二千七百八石三斗零社倉實存穀六千九百七十五石三斗零學田三頃三十三畝零應徵銀一十四兩零歲入學額十六名防禦則廬州營之千總駐焉縣設民壯二十名設官知縣一員簡缺教諭訓導各一員柘臯巡檢司一員典史一員

鳳陽府

府於天文爲斗分野星紀之次宿州爲房心分野大火之次懷遠爲婁分野降婁之次在禹貢爲揚州及徐豫二州之域周爲鍾離國戰國屬楚秦置九江郡漢仍爲九江郡地三國魏置揚州晉初爲淮南郡地東晉僑置豫州安帝始分置鍾離郡劉宋泰始中僑置徐州蕭齊曰北徐州鍾離郡梁因之東魏武定七年改北徐州曰楚州北齊曰西楚州隋開皇初郡廢三年改濠州因水爲名大業初復曰鍾離郡唐武德三年復曰濠州天寶

皖省志畧

卷三

三

初復曰鍾離郡乾元初復曰濠州屬淮南道貞元初改屬河南道五代因之宋仍曰濠州鍾離郡屬淮南西路元至元十三年設濠州安撫司十五年改爲臨濠府二十八年復曰濠州屬安豐路明初吳元年復曰臨濠府洪武二年以臨濠爲中都六年改爲中立府七年改曰鳳陽府直隸南京府治在安徽省治北六百七十里本朝初屬江南省康熙六年分屬安徽省領州二曰壽曰宿領縣五鳳陽懷遠鳳臺定遠靈璧東西距四百二十八里南北距四百八十里東至泗州盱眙縣一百八

十里西至潁州府潁上縣界二百四十八里南至廬州府合肥縣界一百五十里北至江蘇徐州府蕭縣界三百三十里自府治至京一千九百八十五里府城周九里三十步門四內城周六里許二城皆磚築內城東南及西三面有池舊爲皇城明洪武五年建又有外城周五十里四百四十三步洪武七年土築惟東北磚壘四里有奇門十有二尋裁三門存九門後圯今府城爲本朝乾隆二十年築周六里五百六十二步稽形勝則連三吳引荆汝滌濠水而距虎山實形勝之區也其疆

域則東距滁城西接汝陰南界居巢北連蕭邑淮水西自潁上縣流至壽州有硤石山控其兩岸又東北厯懷遠則荆塗二山對峙而渦水自西北來流入於此所謂淮有渦口之險是也又經鳳陽臨淮而東入泗州之境其東南則澮潼滎沱所匯而入也郡上連汝潁下通楚泗爲金陵之肩背南北之腰膺而其勝勢則繫乎長淮一水焉臨淮居兩淮之中壽州稱淮南都會輻輳水陸襟帶淮肥故壽春鍾離號爲重鎮云其淮以北之靈璧虹縣則汴睢諸水所經宿州爲徐淮衝要古所謂苻離

之塞者也蓋郡山川龐厚有中原之風土而壤地膏腴前代耕屯厯有成效其後斥鹵彌望民或些窳偷生有廣土而無良田遭遇隆平重農積穀講求水利則芍陂之遺利有不可勝用者已按鳳郡附近百道流泉漫流四出潞爲塘泊最易爲力而土人無置意者詢之士著人或云明時因有祖陵保護風水水道皆任其自然不許蓄潴灌溉故習俗相沿如此未審信否附識以待徵實云府合屬常額當差人丁併優免餘丁共一十六萬五千八百三丁據嘉慶二十四年滋生男婦大小民屯

人丁五百四萬九千一百七十丁折實田共九萬五千三十七頃四十八畝零共徵正耗銀二十萬四千一百一十一兩零外不在丁田徵解共徵正耗銀六千三百八十六兩零米一千二百七十七石零麥二十三石零實徵本色米三萬一千四百六十七石零內兌漕正耗并兵米改抵共米二萬二百七十六石七斗零實徵本色麥四千五百二十四石常平倉共實存穀米麥豆七萬四千七百八十三石九斗零又實存儲備倉米穀麥一萬五百石社倉實存穀米豆秫秫共六千八十石零府

學田共五頃六十六畝零實徵銀一十兩零歲入學額
二十三名各州縣驛站夫馬實需工料共銀三萬七千
五百六十四兩零防禦則壽春營之把總駐焉設官知
府一員衝繁疲最要請

旨缺清軍同知一員要缺鳳潁分防捕盜同知一員要
缺正陽鎮通判一員要缺教授訓導各一員經歷一員

鳳陽縣

縣自明洪武三年築新城於臨淮西二十里改中立府爲鳳陽府徙治新城析臨淮縣太平清洛廣德永豐四鄉置鳳陽縣又割虹縣南八都益之爲附郭縣南畿志云以在鳳凰山之陽故名

本朝乾隆十九年裁臨淮縣入焉以故臨淮城爲臨淮鄉縣東西距一百十五里南北距一百十里東七十里至上店鋪泗州盱眙縣界西四十五里至陶家店懷遠縣界南五十里至卸甲店定遠縣界北六十里至濠岡

皖省志畧

卷三

三

鋪靈璧縣界鳳陽舊縣之前曰鳳凰山距城一里南有獨山明太祖築臺於此以觀星象舊址尙存距城八里西則盛家山萬瑞山明舊皇城枕焉今縣治移建於此又西爲馬鞍山三山相連勢如翔鳳今縣治南爲青山周十四里高八十丈距城四十里青山之西爲長安山周六十里高三百二十丈距城六十里又西曰離山爲龍子河發源處周四十五里高三百二十丈距城四十里東爲翔聖山周六十里高二百四十丈距城三十里又東爲鎮鄒山因古得鎮鄒劍於此而名周三十里高

一百四十丈距城五十里南接定遠界治之西有東魯山周十里高一百二十丈距城十五里西魯山周八里高二百二十丈距城十八里相傳皆魯肅屯兵處又西爲白石山周四里高八十丈距城二十里折而西北有曹山周六里高八十丈距城五十里南爲鳳凰嘴在土城中周二里高四十丈距城八里外有八里岡爲焦山又折而南爲畫山周八里高三十丈距城三十里獯山周六里高八十丈距城五十里皆懷邑荆塗二山之脉也縣之北有淮水水出桐栢之大復山東流至鍾離而

皖省志畧

卷三

三

濠水入焉自蚌埠至本境徑七十里入臨淮界接濠水爲東西南北四濠合流經城西南有石絕水謂之濠梁東流經新河口入於淮常額當差人丁併臨淮鄉人丁共二萬四千二十二丁據嘉慶二十四年冊報滋生人口闔縣鄉土著男婦大小民屯人丁六十八萬八千四百六十三丁口折實熟田地共六千七百六十五頃九十二畝零丁地田共徵正耗銀二萬九千八百二十一兩零外不在丁田徵解共徵正耗銀三千六百一十八兩又米一千一百一十五石四斗零實徵本色米共四

千九百七十八石五斗零常平倉實存米一萬六千四百九十七石三斗零存小麥八千三百九十一石零存穀四千石存黃豆七百五十九石九斗零社倉實存黃豆一百一十六石二斗零學田六十五頃九十六畝應徵銀一百二十七兩零歲入學額二十五名防禦同府縣設民壯五十名王莊驛夫馬工料銀三千八百四十一兩零紅心濠梁二驛夫馬工料銀八千一百八十一兩零設官知縣一員衝繁難要缺溪河縣丞一員要缺教諭訓導各一員蚌埠主簿一員臨淮鎮巡檢一員典

懷遠縣

縣自漢置當塗侯國屬九江郡又平阿侯國屬沛郡後漢爲當塗平阿二縣皆屬九江郡晉屬淮南郡安帝僑置馬頭郡省二縣入之劉宋初以郡屬南豫州泰始後屬北徐州蕭齊因之後魏屬楚州北齊改曰馬頭縣又改置荆山郡隋開皇初郡廢改縣曰塗山屬鍾離郡唐武德四年省入鍾離郡宋寶祐五年置懷遠軍及荆山縣屬淮南西路元至元二十八年省荆山廢懷遠軍爲縣屬濠州明屬鳳陽府

皖省志畧

卷三

三

本朝因之縣治在府西北七十里距省七百五十里東西距一百二十里南北距一百六十里東三十里至蚌埠鳳陽縣界西九十里至寨頭舖西撥村潁州府蒙城縣界南九十里至黑河南陳家岡壽州界北七十里至澗河中流宿州界舊城相傳南北朝時所築周九里十三步高因荆阜深阻渦淮明景泰初知縣王道因舊址修建後圯崇正時巡撫朱大典請城荆山始建新城於淮河西岸周三里二百餘步門四無濠阻山帶河臨深處險洪頭石碇屹若龍門渦口曲流滙如天塹治西南

有荆山蕭梁時於山下立堰以遏淮流灌壽陽曰荆山堰卽此地又爲卞和採玉處白石晶瑩異常其他石色皆青黑宋蘇軾詩云荆山碧相照楚水清可玩又云荆人有餘坑蓋游荆山而作也有卞和洞洞內刊泣玉論近構亭洞口題曰抱璞巖洵一邑奇觀也高一百八十五丈周十七里距城一里荆山之東爲塗山禹會諸侯於此故山有神禹廟下有禹會村蘇轍詩云烏鵲猶朝禹會村是也高二百十三丈周四十六里距城二里荆塗二山原爲一脈淮繞荆山之右禹鑿爲二以通之今

兩崖之間鑿痕猶存塗山之東爲張公山高四丈周五里距城二十里入鳳陽界治南有新城山山之麓爲新城卽梁馬頭城刺史列公茂所築者今遺址無存矣山周十六里高一百六十丈距城四十里距淮而西爲新城所俯瞰者有土山高不過數仞折而東則爲雒河山山以近雒水而名周二十里高二百三十七丈距城六十里東峯曰神山山產赤石白堊塗壑者取焉故山多窰窟亦名土窰山乃東西孔道也周四十里高二百四十五丈西南有舜耕山周五里高五十七丈距

城八十里爲懷邑盡境過此入壽春界治內淮水西自壽春東入鳳陽在本境長一百二十里達清浦合黃入海其治之北有渦河爲黃河支流從西北來至本縣東入淮謂之渦口渦河之北有淝河由蒙城北至縣境長一百里東流至靈璧縣入淮曹操引水軍自渦入淮出淝水軍於合肥開芍陂屯田卽此地也至淮河之西有茨河茨河之南有洱河皆自蒙城來乃東流入淮者淮河之東有天河源發鳳陽縣之離山東南爲雒河源出定遠縣之清洛澗此皆西流入淮者晉謝元率諸軍涉

洛澗戰秦兵卽雒河也常額當差人丁併優免餘丁共一萬三千七百一十九丁據嘉慶二十四年冊報滋生人口闔縣土著男婦大小民屯人丁五十萬六千六百七十四丁口實在熟田地五千一百二十頃四十一畝零丁田共徵正耗銀三萬二千六百七十二兩零外不在丁田徵解共徵正耗銀三百六十七兩零又麥二石五斗零又米五十四石五斗實徵麥三百十八石七斗零又徵米六千九百三十三石三斗零內兌漕共正耗米三千三百六十三石五斗零常平倉實存小麥一千

五百石社倉無存學田二十五頃五畝零應徵銀二十
兩零歲入學額十六名防禦則壽春營之千總駐馬縣
設民壯二十九名設官知縣一員疲難中缺教諭訓導
各一員主簿典史各一員

定遠縣

縣在秦爲東城縣漢屬九江郡後漢屬下邳郡晉屬淮南郡劉宋省梁天監初改置定遠縣兼置定遠郡及安州太清中州廢北齊改郡曰廣安隋開皇初郡廢以定遠縣屬鍾離郡仁壽元年廢郡改爲臨濠縣唐復爲定遠縣屬濠州五代南唐改屬定遠軍宋元仍屬濠州改屬鳳陽府

本朝因之縣治在府南九十里東西距一百六十里南北距一百五里東七十里至岱山舖滁州界西九十里

皖省志畧

卷三

四

至北鑪鎮壽州界南六十里至高塲鄉廬州府合肥縣界北四十五里至湛澗舖鳳陽縣界縣舊有土城明萬曆七年知縣楊麓易以磚石周五里二百三十六步門四環城有池深二丈北池闊二十丈餘皆闊十丈十四年知縣高璧重修嘉靖以後相繼修葺

本朝順治十七年康熙四年修乾隆二十八年重修踞廬皖之上游諸山綿亘屏蔽東北湖壤曠衍联接西南亦鍾離之樞要也治之東曰華蓋山周十四里高一百四十丈距城二十五里由此而東有大山周十八里高

一百四十丈距城七十里。有磨盤山，諸峯環繞，形勢險峻，爲九省通行地，周四里，高五十丈，距城八十里。磨盤山之南有相公山，因有楚令狐子廟，故名，周五里，高五十丈。又鶴背山，周八里，高一百丈。郎公山，周八里，高四十丈。豁鼻山，周五里，高六十丈。郎峯山，周六里，高六十丈。皆距城六十里。又五尖山，周八里，高九十丈。皇甫山，周十六里，高二百丈。皆距城七十里。爲縣治東南盡境。東北有泉鳩山，周五里，高五十丈，距城十五里。石牛山，周九里，高九十丈，距城二十里。烏雲山，周十里，高八十

皖省志畧

卷三

望

丈，距城四十里。又北爲大橫山，周十四里，高一百五十丈，距城七十里。接盱眙縣界。縣治北有三峯山，三尖秀麗，嵐氣如畫。山腰有泉流穿禪窟，寺修篁古木，參映前後，爲一邑勝觀。高一百四十丈，周十三里。與三峯山相接者，東有妙山，周四里，高二十丈。大紅山，周十一里，高一百二十丈。西有黃山，周九里，高一百丈。皆距城三十里。劍山，周四里，高八十丈，距城三十五里。折而北爲韭山，周九里，高一百丈，距城四十里。又北爲槎枒山，奇拔可愛，周六里，高六十丈，距城七十里。橫澗山，有泉可飲。

周四里高八十丈駱駝山周四里高五十丈皆距城七
十里爲治北之盡境水則東有池河水自廬州府巢縣
界流入本境不通舟楫歷東北一百十里入淮西有北
爐橋河卽濠梁志所載洛水自白望堆流入壽州界至
縣境新城村南十五里入淮常額當差人丁併優免餘
丁共三萬六千五百二十七丁據嘉慶二十四年冊報
滋生人口闔縣土著男婦大小民屯人丁五十萬六千
六百七十四丁口實在田地一萬四千一百一十四頃
七十四畝零丁田共徵正耗銀三萬一千九百三十九

兩外不在丁田徵解其徵正耗銀七百四十兩零又徵
米一百一十二石零實本色麥一千一百五十五石零
又徵本色米六千二百七十石六斗零內兌漕共正耗
米五千一百六十五石一斗零常平倉實存穀八千八
百二十九石零小麥八千八十二石七斗零米一百六
十七石六斗零社倉無存學田四頃八十三畝應徵銀
二十一兩零歲入學額十六名防禦則壽春營之把總
駐馬縣設民壯三十四名池河張橋驛夫馬工料銀九
千七百二十一兩零設官知縣一員繁疲難要缺教諭

訓導各一員爐橋主簿一員池河巡檢一員典史一員

皖省志畧

卷三

三

壽州

州爲春秋六蓼國地戰國時楚壽春邑秦置九江郡漢初改淮南國劉安反國除元狩元年復爲九江郡後漢因之三國魏曰淮南郡正始初爲揚州治晉亦曰淮南郡後改置南梁郡義熙中兼置豫州劉宋亦曰豫州南梁郡蕭齊曰豫州梁郡後魏景明元年改曰揚州梁普通七年復曰豫州太清二年曰南豫州東魏武定七年復曰揚州陳大建五年復曰豫州後周復曰揚州隋開皇初郡廢九年改曰壽州置總管府大業元年府罷尋

皖省志略

卷三

四

復曰淮南郡唐武德二年復曰壽州七年置都督府貞觀元年府罷天寶初爲壽春郡乾元初復曰壽州屬淮南道五代初屬楊吳置忠正軍節度後唐天成三年爲順化軍節度周顯德二年復曰忠正軍徙治下蔡宋初復曰壽州壽春郡忠正軍節度爲淮南西路治所政和六年升壽春府乾道三年罷府爲安豐軍還治壽春金復曰壽州貞元元年屬南京路元至元十四年改安豐路總管府十五年爲散府二十八年改安豐路屬河南江北行省明初復爲壽春府尋曰壽州以州治壽春縣

省入屬鳳陽府

本朝因之州治在府西少南一百八十里距省六百里
東西距六十里有奇南北距一百五十里有奇東半里
至鳳臺縣界西六十里至正陽鎮潁州府潁上霍邱二
縣界南一百五十里至六安州界北半里至鳳臺縣界
州舊城久湮宋嘉定間許都統重建周十三里有奇門
四東爲池塹北接肥河明正德嘉靖萬厯中相繼增修
本朝順治六年大雨圮知州王業修乾隆二十年三十
年重修一統志云周九里十三步積形勝外有江湖之

皖省志畧

卷三

三

阻內有淮淝之固芍陂大香諸水滌洄得地利之奇爲
吳楚交會州境山皆分屬鳳臺州南六十里有皂口河
自芍陂皂口門分流至州東東津渡入肥水又有沿河
在州東南五十里亦入肥水大香河在州東南三里自
芍陂塘大香門分流九曲至城東南三里橋北下東西
走馬河分入淮河舊志係唐宋古運河元都懸始湮芍
陂在州南安豐廢縣亦曰安豐塘又曰期思陂楚陂楚
相孫叔敖決期思之水卽此焦岡湖在壽州西三十里
相連者爲董奉湖尉升湖在壽州西南水經注謂之熨

湖胡三省通鑑注云熨湖卽尉升湖也州志今有西湖
在州西門外水集則淮肥合流數十里卽熨湖矣又有
南湖在州南門外舒家湖在州西北八十里涓陂在州
東北水經注淮水經梁城左迤爲涓陂唐書地理志涓
陂在下蔡東北八十里永樂渠在州南唐書云在安豐
東北十里漑高原田廣德二年宰相元載置州之東南
有成德故城成德漢縣屬九江郡又有安豐故城在州
南漢安豐縣在今河南固始縣界東晉始僑置於此今
爲安豐鄉常額當差人丁并優免餘丁二萬七千五百

三十一丁據嘉慶二十四年冊報滋生人口闔州土著
男婦大小民屯人丁七十五萬八千一百四丁口實在
土田地一萬九千二百五十八頃六十七畝零丁田地
共徵正耗銀三萬八千九百五十二兩零外不在丁地
徵解共徵正耗銀一千四百八十三兩零又米一斗零
實徵本色麥三百九十一石四斗零實徵米三千二百
五十七石五斗零內兌漕共正耗米二千三石八斗零
常平倉實存黃豆二千八百九十三石五斗零又存米
一百二十一石四斗零又存穀四千石社倉今無存學

田一頃七十二畝應徵銀三兩零歲入學額十二名防禦則壽春營之遊擊駐焉州設民壯五十名設官知州一員衝繁疲要缺州同一員學正一員吏目一員正陽巡檢一員

鳳臺縣

縣卽分壽州地

本朝雍正十一年析壽州東北境置鳳臺縣與壽州共城治縣東西距百十里南北距九十里東五十里至陳家崗懷遠縣界西六十里至楊家腦潁州府潁上縣界南與壽州同城北九十里至界溝集潁州府蒙城縣界縣北七里有四頂山東與八公山相連縣東北十里有紫金山州志山腰有石磬大路周世宗屯兵於此名連珠砦中有溫水泉縣東北五十里有黃閭山寰宇記徐

皖省志畧

卷三

巽

靈云黃歇所遊今山下猶有閭舍之跡縣東北十里有紫金山五代史云周顯德四年征淮南南唐授兵營於紫金山與壽州城中烽火相應宋太祖率殿前諸軍擊紫金山連珠砦拔之遂下壽州卽此縣西五里有八公山淝水之北淮水之南亦名北山漢淮南王安與其賓客八人學仙於此因名晉書符堅寇晉望八公山上草木皆以爲晉兵卽此水經注入公山無樹木惟童山殆如嘗美之半山也縣西北二十五里有硤石山水經注淮水北經山硤中謂之硤石對岸山上結二城以防津

要元和志碶石山在下蔡縣西南六十里地理通釋梁大同中於碶石山築城拒東魏卽今隸縣下蔡城也以淮水中流分界西岸者爲碶石在東岸者爲壽陽明通志山兩崖相對淮水經其中禹鑿舊蹟猶存淮水自霍邱縣東流入經縣北肥水在縣東北自合肥縣界西北流入至肥口北入淮俗名東肥河夏肥水在縣西北自潁上縣界東南流入又東南入淮俗名西肥河縣北三十里有下蔡故城春秋州來邑今爲下蔡鎮西抵正陽鎮五十五里按通志蔡仲始封汝南故以汝南爲蔡及

遷州來則州來爲下蔡汝南爲上蔡常額當差人丁共一萬一千二百三十三丁半據嘉慶二十四年冊報滋生人口闔縣土著男婦大小民屯人丁三十七萬六千六百八十四丁口實在熟田地七千九百八十頃七十九畝零丁田其徵正耗銀一萬五千九百九十七兩零外不在丁田徵解其徵正耗銀四十八兩實徵本色麥五百三十三石八斗零實徵米二百六十二石四斗零內兌漕共正耗米二百五十六石五斗零常平倉實存黃豆七百七石五斗零又小麥一千五百石社倉今無

存學田九十一畝應徵銀二兩零歲入學額八名防禦
則壽春營之把總駐焉縣設民壯三十名設官知縣一
員疲難中缺訓導一員巡檢一員駐門潼集典史一員

宿州

州在禹貢爲徐州之域春秋屬宋戰國屬楚秦置泗水郡漢高帝改爲沛郡治相縣領苻離等縣後漢改置沛國晉因之東晉徙郡治蕭以相縣屬焉省苻離等縣劉宋因之梁大通中僞置淮陽縣兼置睢州沛郡東魏武定六年改郡曰睢南縣曰斛城北齊天保七年又改縣曰苻離省縣入之隋開皇初郡廢三年州廢以縣屬彭城郡唐武德四年屬徐州元和四年割苻離縣及泗州之虹縣置宿州太和三年州廢七年復置屬河南道五

皖省志畧

卷三

至

代因之宋曰宿州苻離郡開寶元年建保靜軍節度屬淮南東路金曰州初隸山東西路大定六年屬南京路貞祐三年後升保靜軍節度元曰宿州屬歸德府至元二年省州治苻離縣入州明洪武初改屬鳳陽府

本朝因之州治在府西北二百三十里距省九百六十里東西距一百六十里南北距一百七十里東六十里至徐園鋪靈璧縣界西一百里至新安鋪河南永城縣界南八十里至淝河懷遠界北九十里至胡辛庄徐州府蕭縣界州城肇於唐明洪武十年始壘石覆甃周六

里三十步門四外有月城池深一丈濶如之
本朝乾隆四年修十一年二十三年重修枕豐山帶雖
河憑鄧控徐跨汴阻淮群峯綿亘於西北湖壤平衍於
東南地連徐豫之境路當淮泗之衝州之山在西北者
一曰打鼓山峯峻拔距城二十八里周五里高五十六
丈元揭傒斯望光樓記云山有聲如鼓鳴歲則大熟一
曰相山下有相城遺址爲宋共公徙都處距城九十里
周二十里高七十八丈一曰尖山距城五十五里周二
里高一百三十三丈稍北有定陶山距城二十六里周

二里高三十二丈離山距城五十里周三里高九十五
丈山產苻離草爾雅所謂莞也秦以此名縣豐山距城
七十里周三里高八十丈騫山下有閔子祠距城八十
五里周二里高二十五丈迤南而東曰乾山距城三十
里高二百五丈茅山距城五十里周五里高三十五丈
欄干山距城一百里周三里高二十五丈蕭縣界治西
曰磨山距城四十里周五里高五十七丈孤山距城四
十五里周三里高四十一丈蔣山距城五十里周三里
高五十六丈迤西而南有黃石山相傳黃石公隱此又

名石公山有稽山因稽康嘗移家於此並距城一百十里龍山山蜿蜒如龍山之西有湖距城一百五十里周三里川之大者曰睢河在州北二十里源出河南夏邑白河東流經州之苻離通宿遷至清河會泗水入淮在本境長一百五十九里川之小者曰澮河源出河南永城經州之東流入淮曰淝河源出龍山湖東流至懷遠入淮曰鱗河源出趙家湖東流經靈璧入淮曰沱河源出亳州舒安湖經州之臨渙城合澮水入淮曰汴河自州東入虹合泗入淮諸河惟汴河久湮常額當差人丁

併優免餘丁共三萬九百八十四丁據嘉慶二十四年冊報滋生人口闔州土著男婦大小民屯人丁九十萬六千四百五十七丁口實在熟地二萬五千五百八十四頃二十八畝零丁田共徵正耗銀三萬二千一兩零外不在丁田徵解其徵正耗銀五十七兩零實徵麥二千一百四石八斗零實徵米七千六百五十一石一斗零內兌漕共正耗米七千一百九石八斗零常平倉貯穀因被火無存社倉實存黃豆五千一百四十四石四斗零學田二頃四十七畝零應徵銀八兩零歲入學額

二十名防禦則宿州營之都司駐焉州設民壯四十六名設官知州一員衝繁疲難最要缺州判一員學正一員訓導一員吏目一員

靈璧縣

縣自漢置穀陽浚二縣屬沛郡後漢因之晉省穀陽兼省浚縣僑置陽平郡屬徐州蕭齊承明元年郡廢後魏世宗復置陽平郡東魏武定六年改置穀陽郡隋開皇初郡廢改縣曰穀陽屬彭城郡唐肅武德四年屬仁州貞觀八年屬北譙州十七年屬徐州顯慶元年省宋元祐元年置靈璧縣二年廢屬虹縣政和七年又置靈璧縣屬宿州元至元四年改屬泗州十七年還屬宿州明屬鳳陽府宿州

皖省志畧

卷三

三

本朝以縣屬鳳陽府縣治在府城西北一百八十里距省九百里東西距六十五里南北距二百六十里東十五里至泗州界西五十里至葛家店宿州界南一百三十里至淮河中流鳳陽縣界北一百三十里至雙溝集黃河涯徐州府界縣古未有城明宏治中知縣陳至始築土城旋圮正德初知縣陳伯安卽遺址建周六里有奇門四池深八丈濶二丈

本朝康熙十二年修乾隆十九年重修東西陵谷盤旋西北山河環繞舟楫通淮泗車馬達青徐水陸交會之

地縣治之主山曰龍車山周二里距城二里龍車之西
曰鳳凰山周二里距城五里東曰栲栳山一名龍柱山
周二里距城二里曰三柱山周三里距城十二里皆北
境之擁護也又北過睢河山之著名者曰磬山山產石
作磬脩五音卽泗濱所產浮磬靈璧所由名也周五里
高八丈距城七十里相接者曰申村山周三里折而南
曰陳潼山周五里白馬山周十里并距城七十里西
曰潼山相傳莊子修道於此周七里距城七十里西北
曰張山相傳子張游學於此周五里距城九十里磬山

之東曰孟山因孟子游此而名周五里距城七十里又
北曰九頂山周五里高八丈距城一百里接睢寧界治
東有陰陵山項羽由此迷道與虹縣分界距城十五里
齊眉山周三里萊玉山產石色類萊玉可琢屏風棋子
等物今爲之亦不佳封山不採久矣距城三十里水則
北有睢河西入宿州東入虹縣至清河縣合泗入淮在
本境長九十里南則有澮沱二河澮河距城七十里源
出永城經本境固鎮入五河達於淮沱水距城十里源
出宿州紫蘆湖經縣東南至虹縣入五河達於淮又隨

河則西自本境入於虹今亦久湮矣常額當差人丁共
二萬一千七百八十七丁據嘉慶二十四年冊報滋生
人口闔縣土著男婦大小民屯人丁六十六萬七千八
百一十七丁口實在熟地四百九十三頃六十一畝丁
田其徵正耗銀二萬二千七百一十八兩零外不在丁
田地徵解其徵正耗銀六十七兩零實徵本色米二千
一百一十三石四斗零內兌漕共正耗米一千九百十
一石零常平倉實存小麥八千二百六十二石二斗零
又存黃豆一千九百七十七石二斗零社倉實存秬秠

皖省志畧

卷三

三

八百九十石一斗零學田一頃五畝應徵銀五兩歲入
學額十二名防禦則宿州營之千總駐焉設民壯三十
八名固鎮驛夫馬銀四千三十六兩零設官知縣一員
衝繁疲難最要缺教諭訓導各一員固鎮巡檢一員典
史一員

潁州府

府於天文爲房心分野大火之次在禹貢爲豫州之域
春秋時爲胡國戰國時屬楚秦屬潁川郡漢置汝陰縣
爲汝南都尉治後漢因之三國魏景初二年於汝陰縣
置汝陰郡後廢晉泰始二年復置屬豫州咸康二年省
入新蔡後復置宋因之後魏孝昌四年於郡置潁州北
齊州廢隋開皇初郡廢大業初復爲汝陰郡唐武德四
年改置信州六年復曰潁州天寶初復曰汝陰郡乾元
初曰潁州汝陰郡元豐二年改順昌軍節度政和六年
鳳陽府領潁上太和二縣

皖省志畧

卷三

三

改爲順昌府金復爲潁州屬汝寧府元仍之明初改屬
本朝雍正二年升直隸州改太和縣屬亳以鳳陽府壽
州之霍邱縣來屬十三年陞潁州爲府以亳州屬焉領
州一曰亳州縣五曰阜陽曰潁上霍邱太和蒙城府在
省治西北八百四十里東西距二百八十五里南北距
三百五十里東至鳳陽府壽州界一百六十五里西至
河南陳州府沈邱縣界一百二十里南至河南光州固
始縣界一百二十里北至河東歸德府商邱縣界二百

三十里自府治至京一千八百二十里府舊城周四里高一丈八尺明洪武間指揮僉事李蒙建北城萬歷二年稍移西築南城與舊合爲一周九里十三步北門仍舊東西南三門俱在新城正德間始鑿以磚北倚潁水爲隍萬歷初知縣謝詔濬隍置閘

國朝雍正時重修稽形勝則襟帶長淮控扼陳蔡戰國爲吳楚交會六朝爲南北要衝地據上游水陸輻輳其地東距鳳陽北抵徐州南接巢廬西南界跨中州淮水自河南固始縣流入霍邱又東北經潁上而至壽州潁

汝二川俱於此入淮地勢平曠襟帶長淮津梁汴宋舟車四達南北衝要也昔人謂其土厚水甘又稱其水直而清曲而漪風土之美秉中和之氣多焉霍邱之南岡巒鬱積南接英六西連楚豫亦險塞之地矣亳州平衍無山其水皆東流入渦以達於淮太和之沙河下流爲潁水其境多湖蕩水利治則成沃壤蒙城前襟黃河後遶渦水蓋爲鍾離之藩翼云汝河在府城南一百里自汝寧東北流至桃花店入境又東過永安廢縣至朱臯鎮入淮按淮南地形訓曰汝出猛山博物志云出燕泉

山水經注云出魯陽縣大孟山通志畧云汝水出汝州魯山縣其地與弘農接界故許慎謂出盧氏也其水南過上蔡至褒信縣汝口南入於淮班志云行千三百四十里諸說不同約皆相近舊志謂出汝州天息山者誤也又沙河在城東門外東南流至正陽鎮入淮按詩地理考云潁水出河南府陽城縣乾山自汝州襄城縣流入臨潁縣至壽春府之下蔡縣入淮班志云行千五百里或謂潁水上通古汴相去遠矣蓋黃河決而入潁非汴水也汝潁皆在府境入淮故爲略考其源流以備參

稽云爾府屬常額當差戶口人丁併優免餘丁共一十八萬三百二十六丁據嘉慶二十四年冊報滋生人口闔府土著男婦大小民屯四百二十六萬五千七百五十八丁口折實田三萬九千三百九十頃七十七畝零二共徵正耗銀一十二萬九千三百九十二兩零外不在丁田徵解其正耗銀三千四百一十六兩零米一百八十四石九斗零麥一十三石九斗零實徵米一萬三千四百八十一石六斗零兌漕正改共米一萬一千三百一十二石九斗零其徵麥一千二石三斗零每石折

徵銀五錢共徵銀五百五十一兩零闔屬常平倉實存
米穀麥豆四萬八百七十四石五斗零社倉實存穀麥
秫秫粟穀二萬二千八百六十九石六斗零又潁川衛
潁上所歸併阜陽潁上二縣學田共二十一頃七十二
畝零實徵銀四十九兩歲入學額二十一名防禦則潁
州營游擊駐焉設官知府一員係衝繁難請
旨要缺同知一員督糧通判一員教授一員經歷一員

阜陽縣

縣卽潁州地

本朝雍正十三年升州爲府置阜陽縣沿革城池俱詳府說內茲紀其四至山川云縣東西距二百七十里南北距一百九十里東六十里至彝陵溝潁上縣界西二百一十里至銅陽城鋪河南省汝陽縣界南九十里至朱臯鎮河南省固始縣界北一百里至白魚港鋪亳州界縣無山惟治南百二十里有金牛嶺在淮水北岸與朱臯鎮相近又七旗嶺在縣南七十五里北臨谷河有

皖省志畧

卷三

三

七旗橋爲往來通道志又云州南八十里有金邱在淮水旁縣東十里潁水北岸又有寢邱卽楚相叔孫敖請封邑也按淮水在縣南百十里自河南固始縣流入境有小台灣去縣百餘里淮水經此波流漸濶又東入霍邱縣界唐天祐初朱全忠侵揚行客自潁州濟淮軍於霍邱卽此處也潁河在城北自河南沈邱縣流入境志云自河南鹿邑縣經太和縣而至城北蓋鹿邑太和俱與沈邱及州境相接也自縣而東經潁上至正陽鎮入於淮謂之潁口按河渠考金人季年河決太康自潁西

北陳州界入境東南流經城北元末又自通許分流一支入渦河一支自陳州商水入南頓混潁水東流過項城趙家渡而入沈邱縣境歷乳香台過縣北而入州界明洪武八年黃河分決入潁水直至潁州北門外正統十二年河徙鹿邑舊流遂絕成化末年黃水一支復通於潁其後通塞不時俗亦謂潁水爲小黃河汝水在縣南百里自河南息縣流入境志云汝水東北流至桃花店入州界又東至永安廢縣環地理故城至朱臯鎮入於淮亦謂之汝口又有柳河在縣西五十里自太和縣

流入境合於茨河又東至縣西二十五里之茨河渡入於潁河又西茨河在縣西北六十里合太和縣新集南諸水至縣西五十里廢柳河驛而入於柳河潁河有二大潤河在州南五十里小潤河在州南三十里流至桃花店接大潤河又東南入潁上縣境注於淮又清陂塘在在縣南百二十里引淮水溉田爲利甚溥又椒陂塘在縣南三十五里唐永徽中刺史柳寶所開引潤水溉田二百餘頃今有椒塘鎮百尺塢亦曰百尺塢亦曰百尺溝元和志在州西北百里俗訛爲山陽堰舊自河南沈

邱縣接縣界又西湖在縣西北二里長十里廣二里潁河合諸水滙流處也又張家湖在州東三十里潁水北岸方六七十里縣西北二里有胡城爲春秋時胡國地城北三里潁水北岸有任城陳將任忠築以迫汝陰者俗呼蠻奴寨蠻奴忠小字也城東北四十里有博城司馬宣王使鄧艾於此屯田以備東南蓋倉城也城西北四十里有細陽城又有樂昌城新鄴城潁陽城清邱城財州城永安城黃城多南北時暫置旋廢之故址縣常額當差戶口人丁併優免餘丁共六萬三千八百三十

一丁據嘉慶二十四年冊報滋生人口閭縣土著男婦大小民屯人丁一百六萬七千二百七十一丁折實田一萬八千八百一十二頃六十二畝零實徵正耗銀五萬一千三百一十五兩零外不在丁田徵解共正耗銀七百一十三兩零實徵本色米共四千八百五十六石九斗零兌漕正耗共米三千四百八十一石零常平倉實存麥豆一萬四千九百七斗零社倉實存小麥三千八百三十五石五斗零學田四頃三十四畝零應徵銀七兩八錢零歲入學額十五名防禦同府設官知縣一

員衝繁難要缺縣丞一員駐方家集訓導一員沈邱鎮
巡檢一員典史一員

皖省志畧

卷三

三

潁上縣

縣爲春秋楚慎邑漢置慎縣屬汝南郡後漢因之晉改屬汝陰郡宋廢梁僑置潁川郡東魏改曰下蔡郡齊廢郡大業初改縣曰潁上屬汝陰郡唐屬潁州五代及宋因之金元光二年改屬壽州元初還屬潁州至元二年省入州後復置仍屬潁州明因之

本朝雍正十三年改屬潁州府縣治在府東南一百二十里距省七百二十里東西距一百里南北距一百五里東四十里至劉家樓鳳陽府壽州界西六十里至六

皖省志畧

卷三

三

十里鎮阜陽縣界南二十五里至廟台集過淮霍邱縣界北八十里至江北店阜陽及壽州界舊有土城元季圯明初千戶孫繼達始建磚城周二里六十二步高一丈五尺門四南北西三面有池東面臨河嘉靖中兵備蘇志臯濬萬厯間知縣屠隆築隄

國朝順治八年城圯於水知縣鮑宏仁重修乾隆四年又修邑東連三吳南引荆汝曠野綿衍爲汝淮襟帶之會雖無險阻亦江淮一咽喉地也縣無山有黃岡焦岡等名不過土阜耳淮河在縣南三十里自州境東流入

縣界西南與霍邱縣分境而潁口合淮之處則從來南
北鉅防也潁河在城東門外亦曰沙河自府境東流入
縣界又東南至正陽鎮入淮謂之潁口三國魏嘉平三
年司馬懿襲王淩於壽春淩近降於邱頭懿沿潁東下
住船淮中卽此處也唐元和十一年討吳元濟江淮運
米自壽州西四十里入潁口又泝流至潁州而西入澗
河以供行營諸軍云澗河在縣西南四十里自潁州流
入境注於淮河志云縣北五十餘里又有濟河出亳州
東北流合肥水至五河縣入淮陽台湖在縣北十二里

有東西二水導源沙河合流經陽台下湖因以名亦曰
東西陽台湖物產甚多民獲其利下流通於淮河又江
口河在縣北卽古江陂水也志云源出州界蘆畧南流
入潁又濟河在縣北五十里源出亳州東南流百餘里
東流入淝河又王愛溝在縣東北十里受陽台長林湖
水西南乃入於潁縣西北有慎縣城劉宋改置慎縣於
合肥縣境屬南汝陰郡此城遂廢甘城亦在縣西北括
地志秦甘羅舊居此城羅楚下蔡人也杜佑云故甘城
梁於此置下蔡郡有關吳魏以來關防津濟之所又鄭

城在縣南宋白云南北朝畫淮爲守關防莫謹於此正陽鎮在縣東南八十里所謂西正陽也下臨淮津有劉備關公二城元將董文炳所築旁有土城基周三里俗呼爲張飛城舊江口驛在縣西北五十里潁河東岸爲水陸要衝其在縣北者曰甘城驛今皆廢廟台渡在縣南二十五里淮河津濟處也常額當差人丁四千一百六十四丁據嘉慶二十四年冊報滋生人口閭縣土著男婦大小民屯人丁共二十七萬二千一百一十八丁口實在熟田地三千二百七十七頃一十九畝零丁田共徵

正耗銀九千二百四十兩零外不在丁田徵解共徵正耗銀一百八十兩零實徵本色米四百一十石零常平倉實存谷一百六十三石一斗零社倉實存秣秣三千八百四石二斗零學田三頃二十一畝零應徵銀二兩零歲入學額十二名四禦則潁州營之把總駐焉縣設民壯二十六名設典史一員知縣一員疲難中缺教諭訓導各一員典史一員

霍邱縣

縣爲春秋時蓼國地漢置安風縣屬六安國後漢曰安豐侯國屬廬江郡三國魏置安豐郡齊梁因之東魏郡縣俱廢隋開皇十九年改置霍邱縣屬淮南郡唐武德四年於縣置蓼州七年州廢屬壽州神功元年改曰武昌景雲元年復故五代因之宋紹興十二年屬安豐軍元屬安豐路明屬壽州洪武四年屬鳳陽府

本朝雍正二年改屬潁州十三年屬潁州府縣治在府東南一百九十里東西距一百五十里南北距二百二

皖省志畧

卷三

堯

十五里東七十里至隱賢集大河中流鳳陽府壽州界西九十里至芙蓉山嶺河南固始縣界南一百八十里至三尖山嶺六安州界北四十五里至廟台淮河中流潁上縣界距省五百四十里縣舊惟土垣明成化宏治間始加修葺正德七年都御史叢蘭檄通判方實易以磚石周六里二百七十三步高一丈八尺門四池深三丈濶一丈

國朝康熙七年重修邑南峙三峯北橫潁水東帶汝河西倚大別亦淮甸之雄藩縣西南八十里有大別山接

河南固始縣界酈道元云大別山俗謂之檀公峴巴水出焉一名巴山又名下靈山決水亦出於此又名分水山唐六典江南道名山之一曰大別紀勝云大別山一名安陽山以漢安豐縣在山東北陽泉山在縣西北也按漢志安豐縣有禹貢大別山考禹貢大別當漢水入江之處在湖北漢陽又長山在縣西八十里有三山相連曰南長山北長山中長山又西十里曰臨水山山西帶史河其相近者爲高祖山接固始縣界相傳漢高祖追項羽處又九仙山在縣南百里又有三尖山以三峯

鼎峙也又西百里曰望到山山形峭拔遙望似近而形實難到亦曰望到嶺又有九丈潭山在縣南二百里下有潭深九丈故名又有東陵在縣西漢志廬江郡注曰金蘭西北有東陵鄉灌水出焉梁書魏守甓城在東陵二十里東陵蓋鄉名也灌水在縣北三十里自潁州流入境又東北接潁上縣界五代時淮自霍邱以上西盡光州南唐時每冬淮水淺涸常發兵戍守謂之把淺周顯德初南唐壽州監軍以謂疆場無事坐廢資糧悉罷之清淮節度使劉仁贍上表固爭不能得旣而周軍來

伐備不及設矣又新河在縣北二十里淮水支流也宋宣和以前不通舟楫建炎後湍流衝激河流漸大東北合於淮河灌水在縣西四十里源出大蘇山自固始縣東流入縣境合史水入於淮豐水在縣西南十里本名窮水水經注窮水出安豐縣窮谷是也今譌爲灑水志云縣西南三十里有棗林塘周六里灑水源出於此東北流入淮史河在縣北自固始入境北注於淮水又有灑河在縣東二十五里自六安州北香河嶺分流至此北流注於史河又淍水在縣東五十里亦自固始縣流

入境又東北入阜陽界注於淮今俗謂之東河陽泉水在縣西八十里水經注陽泉水首受決水東北經陽泉縣故城東又西北入決水謂之陽泉口亦謂之陽宜口大業陂在縣東北十五里周二十餘里人呼爲水門塘相傳古名鎮淮洲陷而爲陂縣有松滋義成成德雩婁安風蓼縣陽石義州等故城又有高唐店秋柵皆古鎮戍處又義成台在縣東北三十五里高十丈廣八十丈亦昔時戍守處當差人丁併優免餘丁共二萬三千七百三十七丁據嘉慶二十四年冊報滋生人口閭縣土

著男婦大小民屯人丁共六十八萬四千九百九丁口
實在熟田地一千三百一十七頃八十四畝零丁田共
徵正耗銀二萬二千三百六十七兩零外不在丁田徵
解共徵正耗銀八十九兩零實徵本色米二千五百三
十九石零常平倉實存穀一千三百五十二石四斗零
社倉實存穀六千三百石學田二十四畝零應徵銀七
兩零歲入學額十二名防禦則潁州營之把總駐焉縣
設民壯二十六名設官知縣一員繁疲難要缺教諭訓
導各一員開順鎮巡檢一員三河尖鎮巡檢一員典史

亳州

州在春秋時爲陳國焦邑戰國屬楚秦置譙縣漢屬沛郡後漢屬沛國建安中置譙郡三國魏文帝以先人舊郡又立爲譙國晉咸康四年僞置陳留郡宋因之後魏正始中兼置南兗州梁改曰譙州齊因之周置總管府後改曰亳州隋開皇初府罷郡廢大業初復曰譙郡唐武德時復曰亳州屬江南道五代因之宋曰亳州譙郡大中祥符七年升爲集慶軍節度後屬淮南東路金初曰亳州貞祐三年復爲集慶軍節度屬南京路元曰亳

皖省志畧

卷三

三

州至元八年屬歸德府明洪武初以譙縣省入六年降爲亳縣屬潁州宏治九年升爲州屬鳳陽府

本朝雍正二年升爲直隸州十三年屬潁州府州治在府北一百八十里東西距一百五十里南北距一百一十里東一百二十里至蒙城縣界西三十里至河南省鹿邑縣界南八十里至阜陽縣界北三十里至河南省商邱縣界距省一千五十里明洪武初築土城宣德十年指揮周庶輶以磚石周九里三十步高一丈五尺廣倍之形如卧牛故名卧牛城門四

本朝乾隆二十七年重修按州無高山大川而西走汴
宋之郊南拊潁壽之背襟要攸關不獨爲一隅之利害
云州北有北虎頭岡伏回數里爲城北之屏障又有南
虎頭岡在州南一里與北虎頭對渦河自河南鹿邑縣
流入經州北又東經蒙城縣北又東入鳳陽府懷遠縣
界三國魏黃初六年以舟師自譙循渦入淮卽此地志
云渦水在州北門外又西北有河溝龍鳳溝皆流入渦
馬尙河在城北自河南商邱縣汴河分流經州境入於
渦河其支流入河南永城縣界謂之澮水又有泡水在

州東北五十里志云州北有舒安湖泡水出焉亦流入
河南永城縣界泡水水經注作苞淝河在州南百五十
里蔡潁以東積水所滙引而爲河入蒙城縣界下流注
於淮又州西南十五里有清水河東北流入於渦河蘆
洲在州東渦水北岸或曰其地舊多蘆葦因名又州南
有高陂水志云陂周四十三里魚蚌菱芡之藪也又百
尺口在州東南五十里亦曰百尺河卽陳潁間百尺溝
支渠北流入於渦水宋寶祐二年元將張柔以連歲勤
兵兩淮艱於糧運請城亳州而戍之又以渦水北隘淺

不可行舟軍旣病涉曹濮魏博粟俱不至而百尺口爲
宋往來之路俱築甬道一自亳而北一自亳而南置堡
立柵密爲偵邏繇是糧運悉通官竹園在州東北水經
注睢水自睢陽東南流厯竹園水次綠竹蔭渚菁菁彌
望世謂之梁王竹園官收其利因曰官竹園明王台在
城西北一里元至正十五年劉福通自碭山清河迎韓
林兒爲帝又號小明王焉此其卽位台也常額當差人
丁并優免餘丁共三萬一千四百五十二丁據嘉慶二
十四年冊報滋生人口閭州土著男婦大小民屯人丁

一百三十八萬六千二百六十丁口實在熟田地五千
七百三十二頃一十四畝零丁田其徵正耗銀三萬一
千七十四兩外不在丁田徵解共徵正耗銀二千二百
九十一兩零又徵麥一十三石九斗零米一百六十八
石一斗零實徵本色麥二百四十一石一斗零本色米
二千九百六十四石零常平倉實存米一百四十三石
一斗零存粟谷六石一斗零存小麥五千一百九十四
石四斗零社倉實存小麥二千四百七十六石一斗零
學田一頃五十畝應徵銀八兩歲入學額二十名防禦

則亳州營之都司駐焉州設民壯四十二名設官知州
一員衝繁難要缺州同一員學正訓導各一員吏目一
員巡檢一員駐義門集

太和縣

邑爲戰國魏鄴邱漢置新鄴新陽細陽三縣皆屬汝南郡後漢建初四年改新鄴爲宋公國晉省新陽細陽以宋公國爲宋縣屬汝陰郡宋魏因之齊周時省唐時爲汝陰縣地宋開寶六年分汝陰置萬壽縣屬潁州宣和後改曰太和金因之元至元二年省入州大德八年復置屬潁州明初屬河南汝寧府洪武三年仍屬潁州

本朝雍正二年屬直隸亳州十三年屬潁州府縣治在府西八十里東西距九十里南北距一百十五里東三

皖省志略

卷三

老

十里至三塔集蒙城縣界西六十里至界首集河南沈邱縣界南二十五里至界牌集阜陽縣界北九十里至淝河口亳州界距省九百一十里縣舊有土城明正德間判官楊威加築知縣趙夔繼登以磚周一千八百七十九步高二丈二尺厚七尺門四池深三丈濶五丈本朝雍正十二年重修縣境惟城北一山曰萬壽山蓋緣舊縣爲名距城五十里周二里高三丈其他則三四平岡耳沙河在縣南二里卽潁水也自河南鹿邑縣流入境亦與沈邱縣接界又東南流而入府境柳河在縣

西南七里舊黃河支流也上通項城下達阜陽入於沙河又茨河在縣東北二十里緣大河衝決而成自河南鹿邑縣流入界東南經潁州入沙河又有宋塘河在縣北六十里自亳州淝沙分流至縣東北入於茨河白洋湖在縣西南十五里有東西二湖西通柳河又魚營湖在縣西南二十里陶種湖在縣西南四十里皆通柳河聶家湖在縣西北有上中下三湖上湖流通八丈河中湖下湖通沙河城西有萬壽廢縣志云縣本汝陰之百尺鎮古百尺堰也宋開寶六年分汝陰縣北萬壽共五

鄉置縣治百尺鎮後改曰太和元移今治又宋玉城在縣北七十里玉後魏將也齊建元初魏遣宋玉劉昶攻壽陽築城於此以屯兵因名其城周四里故址猶存原鹿城在縣西本宋邑春秋時謂之鹿上僖公時宋人齊人楚人盟於鹿上是也後漢始置原鹿縣屬汝南郡光武封陰識爲侯邑晉屬宋陰郡後廢水經注汝水至原鹿縣入淮蓋在潁州西界縣東南有斤溝鎮舊爲戍守處今名斤溝店又縣西七十里有界溪爲陳汝往來之道常額當差人丁併優免餘丁二萬一千一百五十四

丁據嘉慶二十四年冊報滋生人口閭縣土著男婦大小人丁四十三萬八千七百二十九丁口實在熟地上中下折實共三百一十九頃七十四畝零下地共徵正耗銀二萬三千六百九十七兩零外不在丁地徵解共徵正耗銀一十八兩零實徵正貼共米一千九百一十九石零常平倉實存小麥一萬二千二百七十九石五斗零又穀三百四十石八斗零又米七十二石六斗零社倉實存穀四千五百一十三石四斗零學田地小畝三頃八十畝零應徵銀五兩零歲入學額十二名防禦

皖省志略

卷三

七

則亳州營之把總駐焉縣設民壯二十六名設官知縣一員繁疲難要缺教諭訓導各一員洪山巡檢一員典史一員

蒙城縣

縣爲漢山桑縣地屬沛郡後漢爲山桑侯國屬汝南郡
三國魏改屬譙郡晉因之宋省南齊僑置馬頭郡後魏
大中十八年置南兗州仍領馬頭郡治渦陽景明中改
置渦州及渦陽郡渦陽縣梁大通元年改曰西徐州東
魏改曰譙州南譙郡齊周因之隋開皇初郡廢十六年
改縣曰肥水大業初州廢又改縣曰山桑屬譙郡唐初
屬譙州貞觀十七年廢譙州改屬亳州天寶元年改曰
蒙城五代南唐屬壽州宋仍屬亳州金貞元元年屬壽
州元至元二十八年屬安豐路明仍屬壽州

皖省志略

卷三

全

本朝雍正二年改隸亳州十三年屬潁州府縣治在府
東北一百五十里東西距一百五十里南北距一百四
十里東六十里至寨頭鋪鳳陽府懷遠縣界西九十里
至江家集亳州界南九十里至大興鋪鳳陽府壽州界
北五十里至趙家鋪鳳陽府宿州界距省九百里城爲
北魏渦陽縣城故址明初築土城周九里有奇及北三
門其東渦水環繞未立門正德時重修磚城嘉靖間始
開東門又開水門二後黃河水溢北城傾圮知縣劉宗

建議縮城今僅六里許天啓中屢修

本朝順治康熙中屢修乾隆二十六年重修距省九百里邑之形勝狼峯列拱渦水環遶遠接荆塗近通淮泗亦江淮之門戶也治北之山曰檀城山相傳殷盤庚常駐此卽北豕山也距城四十里在西北者曰靈山岡嶺盤鬱有泉有洞距城二十里靈山之東曰狼山周五里距城十八里西曰齊山周九里距城二十五里縣治東北隅有稽山周半里許高一丈環山皆水相傳稽康曾隱其下故名城外有石山周四里距城十五里渦水在

皖省志略

卷三

三

縣北二里自亳州流經此又東入懷遠縣境志云元初黃河溢入渦水後河徙而北渦水自亳東流經縣北又東二百里至荆山口入淮明正統中黃河復通於湯河後河仍分流而渦水淺淤過半矣肥沙在縣北三十里舊志淝河自亳州流入境又東入懷遠縣界縣境又有舊黃河在東南五十里蓋決溢時所經也按一統志云淝水有三一出城父縣曰夏淝水在今縣西南入淮不經縣界一出山桑縣曰北淝水卽今縣北之水對夏淝言故曰北一出成德縣在今合肥縣界三水源流各別

應劭誤以夏淝爲合肥之肥其水近北淝與合肥殊遠
馳澗在縣西北舊志云澗水出馳山因名有山桑故城
在縣北三十里漢縣治此今基址尚在陵阜高峻蒙縣
城在縣西南七十里南北二城垂惠城在縣西北二
十里郡國志汝南郡山桑縣有垂惠聚下城父聚在縣
西北八十里常額當差人丁併優免餘丁共三萬五千
九百八十八丁據嘉慶二十四年冊報滋生人口閭縣
土著男婦大小民屯人丁四十一萬八千三百七十二
丁口實在熟田地九千九百三十一頃二十一畝零丁

皖省志略

卷三

田共徵正耗銀二萬三千九百六十兩零外不在丁田
徵解共徵正耗銀一百十六兩零實徵本色麥七百六
十一石五斗零又徵米七百九十石三斗零常平倉實
存小麥一萬三千一百二石三斗零又米二十九石九
斗又社倉實存粟穀四千四百一十七石四斗零學田
八頃六十一畝零應徵銀一十八兩零歲入學額十六
名防禦則潁州營之守備駐焉縣設民壯二十六名設
官知縣一員繁疲難要缺教諭訓導各一員典史一員

皖省志略

永清朱雲錦輯

卷四目錄

廣德州

建平縣

滁州

全椒縣
來安縣

和州

含山縣

六安州

英山縣
霍山縣

泗州

盱眙縣
五河縣

天長縣

皖省志略

目錄

廣德州

州于天文爲斗牛分野星紀之次在禹貢爲揚州之域春秋時吳桐汭地漢爲丹陽郡故鄣縣地後漢末分置廣德縣仍屬丹陽郡晉屬宣城郡劉宋因之齊時嘗爲郡治梁紹泰元年析置石封縣兼置廣梁郡陳永定二年改陳畱郡隋平陳郡廢省廣德縣改石封曰綏安屬宣城縣唐武德三年於縣置桃州七年州廢屬宣州至德二載復改綏安縣曰廣德五代南唐保大八年置廣德制置司宋太平興國四年置廣德軍屬江南東路元

皖省志略

卷四

一

至元十四年升爲廣德路屬浙江行省明初爲廣德府改縣曰廣陽洪武四年改府爲州十三年以州治廣陽縣省入直隸南京

本朝屬安徽省領縣一曰建平州治在省治東南三百里東西距一百三十里南北距一百六十里東至浙江湖州府長興縣界三十里西至寧國府宣城縣界一百里南至寧國府寧國縣界九十里北至江蘇常州府荆溪縣界七十里本州界東西距七十五里南北距一百六十里東至長興縣界三十里西至建平縣界四十五

里南至寧國縣界九十里北至荆溪縣界七十里由州治至京二千七百八十里明洪武初元帥趙繼祖邵榮鎮始建城垣周八里有奇門六池深八丈濶一丈六尺嘉靖中始甃以磚正德後屢修屢圯

本朝康熙二年重修州居吳之西陲界浙藩接秣陵控具區交錯于宣歙之間山谷阻阨以一隅而當九達亦江左名區也州西北爲橫山峯巒秀拔四望皆橫故名治之鎮山也距城五里迤而西爲祠山明太祖駐師登此題爲天下英靈第一山亦距城五里又西巘山亦距

城五里更西爲陽山以峯面皆向陽也距城五十里北爲陽山豁更北爲岩頭山兩山屹然如闕中夾一溪州之水悉滙此入建平界每遇巨潦藉此以障湍流奔突之勢距城四十里若白茅嶺則入建平界矣沿西而南若分界山大岩山大磊山皆接建平境治西南爲智山距城三十里馬鞍山距城五十里金雞山石岩山距城六十里靈山羣峯迴遶如揖如輔絕頂有解慍臺石壁石梁有溪有潭有泉所爲靈山泉石甲于一郡者也距城七十里又平頂山距城七十五里桐山距城八十里

二山乃桐水發源處治東南曰石壁山距城三十五里
義蒼山雲山環抱碧澗號義蒼洞天距城四十里又石
媳婦山距城五十里更東南爲桃花山爲青山距城六
十里有若嶺關距城六十里路通安吉治東曰雞籠山
又乾溪山山勢高大一溪下達無雨則竭白石燦然於
名並距城三十里蘇姑山距城四十里界連長興迤而
東北有長樂洞中有龍潭仙橋石田石磬深邈莫知所
窮距城六十里又五花岩山橫列五峯高約三百丈峯
頂有白佛寺石壁上刻唐天寶年月距城七十里迤而

北爲青燕嶺則接長興界爲銅關嶺則溧水界治之北
爲瑣山距城二十里五老山距城六十里志稱五老迴
旋于北三峯拱峙于南蓋指此山與笄山也過此爲金
牛山則入建平界矣州東六十里有苦嶺向通浙江安
吉州州東五十里有四安鎮陸走湖州此爲通道宋建
炎中兀朮自廣德經此陷獨松關遂入臨安德祐初伯
顏入建康遣將出廣德會臨安亦此路台州之水皆發
源于州西南之山由澗而滙爲溪在州東者一曰福星
溪循流而出岩頭山者也在州西者三曰玉溪逶迤治西

而北環旋如帶曰百店溪曰陽灘溪循流而出陽山之
間入建平界若城中之水一爲桐川自州東來一爲池
河自州南東南兩分而來俱入城出北水關入城河昔
人于巽丁坤三方導水入城以迎秀氣今漸湮塞矣按
通志謂州山高而谿峻水無停蓄田犂确無魚鹽之利
林澤之饒賦不登於上錯產不逮於中人守土者興陂
塘以時蓄洩蓋要務也語極切故節錄之常額當差人
丁併優免餘丁共四萬三千四百一十九丁據嘉慶二
十四年冊報滋生人口閭州土著男婦大小人丁三十

萬五千四百六十六丁口實在田地六千二百九十八
頃三十八畝零丁田共徵正耗銀三萬六千九百八十
七兩零外不在丁田徵解共徵正耗銀七兩零實徵本
色米八千四百五十二石六斗零又徵黃豆九百三十
二石一斗零內兌漕共正耗米六千四百三十九石一
斗零常平倉實存穀三萬二千一百七十八石四斗零
社倉無學田三頃四十八畝零應徵銀三十九兩零歲
入學額二十五名防禦則廣德營之都司駐焉州設民
壯三十四名驛站夫馬工料共支銀六十五兩設官知

州一員繁難中缺州判一員學正一員訓導一員吏目
一員杭村司巡檢一員

建平縣

縣爲漢故鄣縣地三國吳廣德縣地梁陳石封縣地隋
綏安縣地唐廣德縣地宋端拱元年析置建平縣屬廣
德軍元屬廣德路明屬廣德州

本朝因之縣治在州西北九十里距省五百七十里東
西距八十五里南北距一百四十里東四十五里至白
茅嶺本州界西四十里至南礫湖湖中寧國府宣城縣
界南九十五里至鴉山保唐規嶺寧國宣城二縣界北
四十五里至定埠鎮江寧府高淳縣界縣舊無城明崇
皖省志略

卷四

六

正八年知縣侯佐始築周不及二里門四水門一東南
環溪爲濠西北至東各有池

本朝康熙四年城圯復修三十七年重修稽形勝則浮
湖渟泓于左赤山聳拔于右西北有三溪之匯東南有
白茅之竒城中有鳳凰山在西北隅治南曰鎮山端平
若几爲邑治之近案距城五里再南爲霄峰山距城五
十里更南曰大岩山小岩山距城七十里曰石佛山距
城八十里與石佛相連者爲青苔嶺又鴉山距城九十
里上有一石高二丈許有彈蹟百餘俗呼爲彈子石又

有仙人釣台宋梅詢詩茶煮鴉山雪滿甌以山產茶會
入貢南接寧國界治東南曰涇山距城三十里又大磊
山羣山拱峙一峯特起巔有三石如磊字距城八十里
分界山距城四十里則與州分界處治西南曰赤山距
城七里更西南爲峽子嶺距城八十里與宣城分界處
相近有青苔嶺懸巖千仞其下有清潭治之東曰烏雲
山土人以雲氣占雨距城二十五里大谿山桐水出焉
距城三十里泉水山亦距城三十里龜山距城三十五
里更東爲白茅嶺山產白茅故名距城四十里與州境

連界處也治東北曰金牛山距城十五里大濤山距城
二十五里亭子山距城三十五里伍牙山相傳伍員伐
楚還吳曾建牙於此距城四十里縣西十里有諸葛城
中可容數千人旁有驢城馬城相去一二里其間有芥
數十蓋昔人避兵屯駐之所又有浮城在縣西十里廣
數畝其地汙下每遇夏潦諸圩盡沒惟此巋然若浮因
名縣南有文昌河源出白茅嶺經縣治之前達宣城之
南湖北有清澗源出亭子山合諸小水入南湖下通溧
陽三塔寺堰者爲梅清河爲胥溪繞赤山之麓者爲赤

山溪歷鎮山之下者爲洶淋港環繞縣治者爲西河二水合流者爲合溪又南漪湖在縣南四十里廣德及縣之水俱滙焉北入丹陽湖俗呼南湖九域志作南綺湖常額當差人丁併優免餘丁共二萬五千六百二十八丁據嘉慶二十四年冊報滋生人口閭縣土著男婦大小人丁三十一萬五千九百一十六丁口實在田四千一十五頃六十七畝零丁田共徵正耗銀二萬八千八百七十三兩零外不在丁田徵解共徵正耗銀十三兩零實徵本色米五千三百一十二石一斗零又徵黃豆

六百二十石八斗零內兌漕共正耗米四千三十石零常平倉存穀二萬九百五十八石六斗零又存米五十二石五斗零社倉實存穀九千五百六十七石三斗零學田四十二畝零應徵銀六兩零歲入學額二十名防禦則廣德營之把總駐焉縣設民壯二十四名設官知縣一員繁難中缺教諭訓導各一員梅渚司巡檢一員典史一員

滁州

州於天文爲斗分野星紀之次在禹貢爲揚州之域戰國屬楚秦爲九江郡地漢爲九江郡建陽縣後漢爲全椒縣地晉屬淮南郡東晉初僑置頓邱縣及郡後郡廢以縣屬秦郡宋元徽元年改置新昌郡治頓邱縣齊梁因之東魏移譙州來治亦曰南譙州隋開皇初郡廢改南譙州曰滁州頓邱縣曰新昌十八年改曰清流大業初州廢以縣屬江都郡唐武德三年復置滁州天寶元年改永陽郡乾元元年復曰滁州屬淮南五代因之宋

皖省志畧

卷四

九

曰滁州永陽郡屬淮南東路元至元十五年陞爲滁州路二十年仍降爲州隸揚州路明初以州治清流縣省入屬鳳陽府尋直隸南京

本朝屬安徽省領縣二曰全椒來安州治在省東北六百五十里東西距一百四十里南北距三百一十里東至江寧府六合縣界七十里西至鳳陽府定遠縣界七十里南至和州界一百八十里北至泗州盱眙縣界一百三十里本州境東西距一百四十里南北距一百八十里東至江寧府六合縣界七十里西至鳳陽府定遠

縣界七十里南至全椒縣界五十里北至泗州盱眙縣界一百三十里自州治至京二千二百五里州舊有子城關城羅城之別子城卽今州治關城卽今上下水關羅城卽今城羅城之外有月城水關磚甃上有敬德字相傳唐尉遲恭督造云明洪武中拓爲今城周九里十八步門六跨沙河爲池又有上下水關建於宋嘉定時明洪武中修

本朝康熙九年修乾隆六年重修其形勝則南以長江爲天塹與和州相聲援西北一帶諸山繞之谿峰盤紆

皖省志畧

卷四

十

歐陽永叔所謂環滁皆山也爲江淮之要衝東南之外捍治南之山最近者曰豐山盤踞雄偉出瑯琊諸峰上有雲如帽則雨澤至歲旱禱之立應諺曰峰山著帽豐年之兆宋梅賾記云山在滁治之西南盤亘雄偉出瑯琊諸峯上天欲雨則雲氣覆山巔歲倚以豐故名可証山麓有醒心亭宋歐陽修建曾鞏爲之記又醉翁亭歐陽修自爲記有溪夾流而下曰釀泉俱距城五里更南爲花山北屬州境南屬全椒距城二十八里稍西爲瑯琊山晉元帝爲瑯琊王避地於此故溪山皆由之得名

其地幽勝名賢多有題咏距城十里又石屏山距城五里稍西南爲火蓬山又西曰磨拖嶺曰福山皆接全椒界並距城二十里又馬鞍山距城二十三里尖山距城三十里常山距城三十五里仙居山山徑秀折與小山隔溪相對與定遠界距城六十里皇甫山爲皇甫將軍屯兵之所與定遠界距城七十里治北有永陽嶺距城三里更北爲秦王拖鋤嶺距城七里又白米山西北通盱眙東北通來安距城三十里迤西爲石駝山距城二十二里旁有清流關南唐所置地最險要宋太祖破皇

甫暉於此距城二十五里珠龍山關山峯巒層疊與清流關相聯絡距城三十五里牛頭山以形似距城四十五里有長嶺嶺爲通道亦距城四十五里又踏肋山盈福山並距城五十里更西北爲黃牛山石屋山距城六十里通定遠界治東北十七里有黃道山與來安連界按李濟荇溪記云昔秦始皇道經是山故名下有秦皇塘治之東爲滁河源出廬州舊梁縣入全椒與襄水合至三汊河與清流河合達瓜埠入於江清流河者源出清流山東南流至三汊河口合於滁河又白茅河在州

西北四十里亦出清流山州西北有瓦店河盈福河及來安縣之嘉山河俱流合焉東會於清清河沙河在州北四里一名江沙澗出來安縣界州西北諸山溪之水多流會焉俗名大沙河至州城東合於清清河又有小沙河源出州西南三十五里側菱山溢爲小澗經州西十里注於石瀨石瀨者有石生水底嵯峨突兀連亘數十丈水流其中澎湃有聲故名又東爲西澗俗名爲烏土河宋太祖入滁以兵浮西澗入北門蓋西澗者舊時瀦水以爲備禦其下流爲小沙河穿城東出合於清流

河又菱溪在州東七里源出永陽嶺經皇道山又東南瑯琊溪亦流合焉同注於滁河又皇華驛在故關城內宋淳熙時建明於驛東建太僕寺及滁陽八監驢驢等十八羣常額當差人丁并優免餘丁共一萬一千八百九十一丁據嘉慶二十四年冊報滋生人口闔州土著男婦大小民屯人丁二十萬二千二百二十丁口實在田地三千七百六十二頃四十七畝零丁田共徵正耗銀二萬三千四百七十九兩零外不在丁田徵解其徵正耗銀七百三十四兩零實徵本色米二百三十二石四斗

零又徵本色黃黑豆共三百三十石四斗零常平倉實
存倉穀一萬七千五十一石三斗零社倉實存穀一萬
二千四百五十石五斗零學田七頃五十七畝零應徵
銀五十四兩零歲入學額二十名防禦則浦口柳營之
把總駐焉州設民壯四十六名滁陽大柳二驛夫馬工
料銀五千八百二十四兩設官知州一員衝繁中缺學
正訓導各一員吏目一員

全椒縣

漢置全椒縣屬九江郡後漢因之晉屬淮南郡東晉廢縣僑置南譙州宋齊因之梁改郡縣俱曰北譙大同二年兼置譙州後魏移州治新昌廢北譙郡入臨滁陳大建七年復曰北譙郡隋開皇初郡廢改縣曰滁水大業初又改曰全椒屬江都郡唐屬滁州五代宋元因之明初省入州洪武十四年復置仍屬滁州

本朝因之縣治在州南五十里距省六百四十里東西距一百一十里南北距五十五里東二十里至界首江

皖省志畧

卷四

四

寧府江浦縣界西九十里至沙河廬州府合肥縣界南三十里至後河中流和州界北二十五里至清塘本州界縣城自明成化七年知縣張碧創始嘉靖戊午知縣顧達始築爲城周二里有奇東北跨覆釜山門三並有重樓襄河遶其後爲池萬厯崇禎時相繼修葺

本朝康熙七年重修其形勝則邑之山形勢深邃而山水傾瀉瀟歸襄河河環如帶東流入江土厚水秀蔚乎人文颯颯乎王國之風也金山在城中之西隅城跨其上城外之山多聚於西北在南者曰南岡山連亘數里

邑治學宮皆面焉上有岡峯拔起名爲筆峯毓秀相連而西爲烏龍岡距城二里再南爲武家岡距城十五里九鬪山一名陰陵山項羽經此與漢兵一日九鬪故名史稱北譙太守陳昕除陰陵戍主卽其地也距城二十五里治西南有府城岡爲廬州孔道距城十里砂石山距城十四里稍南爲豐干嶺距城三十里千人會山與豐干嶺相望南接和州界治北有走馬岡縣治之北護也距城一里雲甸岡縣北之再護距城十里稍東爲武山一名武子山其巔有武帝廟距城二十里泉峯山縣

北之三護也距城十五里由泉峯而北曰椒林山迤西曰劔舞山皆距城二十五里桑根山距城三十里梁大同三年割北徐州之新昌郡譙州之北譙郡立南譙州於桑根山之西是也洞山距城三十五里陡山山最幽遠馬鞍山以形似名垂石山有大石下垂故名又赤扈山並距城四十里龍檜山有檜樹如龍遇旱禱之立應石樓乳有雙石聳峭如樓並距城五十里與桑根山冷水湖相連雙石高竦猶如樓閣背山面溪景物幽邃銅井山山有井廣袤數十丈隋地理志梁載言十道志皆

云縣有銅官山其上有銅井唐以前曾采銅於此久廢有魚出泉中色如金孤山其形獨高並距城六十里菩薩山距城七十里臥龍山山勢蜿蜒如龍臥狀破山似一山鑿破爲二獨山舊有楊行密祠並距城八十里極西北爲石白山乃襄水發源處路通定遠鎮山嶺接合肥界五尖山接定遠界俱距城九十里治之西有廟山距城十五里曰神山山洞幽邃章應物有寄全椒山中道士詩道士所居卽此距城三十里曰袁子山袁術據淮南稱王於此又蘇山距城四十里經縣治之後曰襄

皖省志畧

卷四

去

河屈曲而南稍東經學前達石潭與滁河合至三汊河又與清流河合後河通和州鄆湖源出三山尖過破山口自寨子澗入滁河小湖爲古蔡湖之支流湖心雖亢旱不竭蔡湖在縣南十五里居民多引流以澗田傍有蔡城志云南唐築城湖側蓄水以禦周師至再安河稍河與塘埧諸水皆歸三汊河東南入和州江浦界東北入滁州界蓋邑地負山帶水山起西北水向東南合襄滁二河之水而歸大江縣西南有六丈鎮唐設六丈驛於此又有葛城驛志云在縣東南二十里與江浦縣接

界輿程記云自滁州而東南六十里至東葛城驛又三十五里至江浦之江淮驛渡江向金陵是也常額當差人丁併優免人丁共一萬九千九百一十八丁據嘉慶二十四年冊報滋生人口閭縣土著男婦大小民屯人丁二十九萬二千九十四丁口實在熟田地一千二百四頃八十九畝零丁田共徵正耗銀二萬一千八百四十一兩零外不在丁田徵解共徵正耗銀八百五十八兩零實徵本色米百八十八石三斗零又徵黃黑豆二百六十六石九斗零常平倉實存穀二萬五千九百五十

二石零社倉今無存學田一十三頃五畝零應徵銀六十八兩零歲入學額二十名防禦則浦口營之把總駐焉縣設民壯二十名設官知縣一員簡缺教諭訓導各一員典史一員

來安縣

縣爲漢建陽全椒二縣地東晉爲頓邱縣地梁置高塘郡屬譙州東魏因之後周時廢郡爲高塘縣隋開皇初縣廢爲清流縣地唐景龍三年析置永陽縣屬滁州五代南唐昇元二年改曰來安宋乾道中廢縣爲鎮尋復爲縣屬滁州元明不改

本朝因之縣治在州東北四十里距省七百五十里東西距八十里南北距一百二十里東三十里至施官集橋江寧府六合縣界西五十里至嘉山泗州盱眙縣界

皖省志畧

卷四

六

南五十里至烏衣河北本州界北七十里至長店集泗州盱眙縣界縣城自明成化四年知縣趙禮築土垣嘉靖三十五年知縣魏大用始爲磚城周三里有奇門六各有樓崇正時知縣吳志高鑿池深三丈廣五丈

本朝康熙中修乾隆二十一年重修稽形勝則西捧豐山之趾南通浦口之津東連瓜埠之陰北撫盱眙之背志云江淮保障滁陽輿區信不誣也治東有山曰西龍山山峯峻拔與六合東龍山相望距城二十里黃連山山有石乳亦與六合連界距城三十五里東北有五湖

山下臨五湖因名一名禪山以山北有白禪村也在縣境爲險要由盱眙取道於此距城十八里又東北曰佛子山距城三十里曰王母山山有池廣三丈曰龍泉山山之泉爲龍泉俱距城四十里又高唐山向陽山距城五十里更東北曰團山距城五十餘里曰荆塘山路通盱眙曰三山三峯攢矗連亘四五里南爲白塔鎮北接天長境治北有白塔山距城二里尖山其山特起下臨大澗距城二十里烏石山土色黑並距城三十五里石固山羣山盤互惟此山獨高三面險峻登陟者由南徂

皖省志畧

卷四

九

一逕入宋紹興間邑民避寇保聚於此明宣德時嘗產騶虞於山邑令表獻稱瑞卧羊山以形名距城三十五里又浮山距城四十五里樊山距城六十里方山距城七十里至清和嶺與盱眙界距城八十里迤西爲馬嶺距城九十里治西北有伏牛山延亘甚遠距城二十里練寺山上有浮石高百餘丈下有清泉山之東北有地名浮林距城二十五里獨山距城三十里又巒樓山峯起如岑樓曰大廸山上有石坑並距城四十里曰龍窩山曰斗山並距城五十里曰金壇山接盱眙界距城八

十里治之西有香爐山嘉山亦接盱眙界西南有烏龍山距城十三里八石山卽淮南八公憩息之所又名八仙山距城十八里磨山去八石山里許距河而南有金家山距城三十里過此入滁州界東南有延塘山古建延唐寺距城五十五里接江浦六合縣界邑治之水有來安水大石塘水吳沛水雙源沛水秋沛水皆經五湖山之西會龍尾河水流出小河入滁河合流歸三汊河由六合出瓜埠口入於江其常店水白塔水長溝水范莊水彭家灣水以及馬嶺諸水皆由盱眙天長界入運

皖省志畧

卷四

三

河又縣東北五十五里有白塔鎮其東南有丁城四面平遠城地高數丈其西近高塘山山下有塘曰高塘可灌田二百頃又來安鎮在縣東三十里舊設鎮於此今廢又東五里曰杜家集傍峙黃連山下有大石孔又東十里曰朱家孔與六合縣接界又水口集在縣東南三十五里臨湯河志云縣東北十里有來安驛往來孔道也常額當差人丁並優免餘丁共九千二百五十八丁據嘉慶二十四年冊報滋生人口闔縣土著男婦大小民屯人丁二十五萬一千六百一十五丁口實在田地

八百六十五頃七畝零丁田共徵正耗銀一萬四千九百二十四兩零外不在丁田徵解共徵正耗銀四十七兩零實徵本色米一百九十六石七斗零又徵黃黑豆三百石二斗零常平倉實存穀一萬八千五百七十七石五斗零社倉實存穀一萬一千八百五石一斗零學田無歲入學額十二名防禦則浦口營之外委駐焉縣設民壯一十九名設官知縣一員簡缺教諭訓導各一員典史一員

和州

州於天文爲斗分野星紀之次在禹貢爲揚州之域春秋戰國時皆楚地秦爲九江郡地漢置歷陽縣爲九江郡都尉治後漢爲揚州刺史治三國屬吳晉初屬淮南郡永興元年分置歷陽縣宋永初二年又於郡置南豫州齊建元二年州廢以郡屬豫州永明二年屬南豫州梁因之北齊兼置和州隋平陳郡廢大業初復改州爲歷陽郡唐武德三年杜伏威歸國改爲和州天寶初復曰歷陽郡乾元初仍曰和州屬淮南道五代屬南唐後

皖省志畧

卷四

三

入於州宋仍曰和州歷陽郡屬淮南西路元至元十五年升爲和州路二十八年復降隸廬州路明初吳元年以州治歷陽縣省入洪武三年廢州爲歷陽縣尋復爲和州直隸南京

本朝屬安徽省領縣一曰含山州治在省治東北四百六十里東北距一百八十里南北距二百里東至江寧府江浦縣界六十里西至廬州府巢縣界一百二十里南至廬州府無爲州界九十里北至滁州全椒縣界一百一十里本州境東西距九十里南北距一百五十里

東至江浦縣界六十里西至含山縣界三十里南至無
爲州界九十里北至含山縣界六十里自州至京二千
二百八十里州舊有城按城邑考謂州城一名亞父城
相傳范增所築漢高祖令灌嬰還定江淮又築之謂之
古羅城宋嘉定中嘗營繕明初知州張純誠重修周十
一里有奇門六上皆有樓水關二濠塹深廣萬厯元年
知州康誥於六門築月城皆十五丈內外皆磚上爲女
墻崇禎時陷於流寇知州萬民戴重葺

本朝康熙九年雨圯復修乾隆二十一年二十九年屢

修東南瞰大江西控淮淝北接滁濠爲姑孰金陵之蔽
淮南之要衝也山之踞州南者曰西梁山亦曰天門俯
瞰大江與太平府博望山相對博望一名東梁山上
有梁王城下爲梁王鎮距城六十里六朝時於此屯兵捍
禦治西山有豐山崇岡綿阜蜿蜒數十里距城二十里
又棗林山俱與含山分界西北闕龍山臨歷湖之北疑
卽古歷陽山也距城二十里山北爲九隴山九峯蜿蜒
中抱大壑距城二十五里西出爲鳳凰山距城三十里
更西爲孤山距城二十五里接含山界九隴之北爲鶴

籠山陰崖峻絕斷磴絕引以登巔頽視羣山無敢並者道書稱爲第四十二福地距城四十里治之北有大道直通全椒中有青山夾山距城五十里大道之西有白雲山又斗視山亦曰斗陽山秦斷道通轍舊有關今存故址俱距城三十里又四方山舊名六合山山形磅礴四面皆正上有石潭深不可測名金牛井志云梁武帝嘗登此以望六合因名距城六十里大道之東聖女山又赭樂山距城五十里又孔夫山距城六十五里又陰陵山卽楚項羽迷道處距城八十里旁出爲北山爲

皖省志畧

卷四

十四

紅石山接江浦界界於東北者曰東華山曰八公山俱距城半里許山特培塿以近郭名人每遊吟於此故並著云水之環州南而東下者曰裕溪河在州南六十里源出巢湖自無爲州流入境南注於江此與無爲分界者又有太陽河姥下河牛屯河皆在州之南歷東南以達於江牛屯在州南四十里與州東牛渚磯相對江面約五十里河源出東湖從銅城河入大江其曰烏江者卽亭長艤舟待項羽處古烏江縣址猶存曰沙河曰石碛河曰至馬河由州之東北以達於江州西之水經州

者曰厯湖又名麻湖在州西三十里周回七十里舊稱
巨浸淮南子所稱厯陽之都一夕變而爲湖者明永樂
時水涸議堰爲田凡得三萬一千二百餘畝景泰二年
田始成熟特地勢平衍水難泄時有泛溢之患亘州之
北曰後河源出廬州達瓜埠以入於江按州爲古厯陽
郡淮南之要衝江表之藩蔽橫江在州東南三十五里
直江南采石渡處自昔濱江之津要也又柵江在州西
南一百五十里與無爲州中流分界卽濡須水入江北
口也江防考稱大江行州界凡一百一十里與太平府

皖省志畧

卷四

三

中流分界江流自西南遶而東北故首稱和州爲江西
而大江夾岸津要甚多隨地立名分途汛守實皆大江
也又有夾山關在州北五十五里有夾山舖兩山壁立
竦峙夾道與滁州接界爲南北咽喉云又石湖關在州
西北宋紹興中烏珠犯境張浚以兵五千守石湖關烏
珠遁去卽此斗筲關在州西北四十里其地有斗筲山
亦曰陡陽山巍然峻絕一逕中開又白塔關在州西四
十里又西五里曰含山關常額當差人丁并優免餘丁
共八萬四百五十九丁據嘉慶二十四年冊報滋生人

丁閭州土著男婦大小民屯人丁三十六萬六千九百
十六丁口實在成熟田三千二百四十三頃一畝零丁
田共徵正耗銀三萬六千六百四十四兩零外不在丁
田徵解其徵正耗銀三千九百三十兩零實徵本色米
三千八百三十五石三斗零常平倉實存穀共二萬九
千二百四十二石九斗零社倉實存米四千三百三十
六石三斗零學田額租稻麥折銀八錢零歲入學額二
十名防禦則遊兵營之守備駐焉州設民壯三十六名
驛站夫馬工料銀二百八十兩零設官知州一員繁疲
皖省志畧

卷四

三

中缺州同一員學正一員訓導一員吏目一員牛屯司
巡檢一員裕溪河巡檢一員

含山縣

縣爲漢歷陽縣地東晉僑置龍亢縣屬歷陽郡宋齊以後因之後周天和初省入歷陽唐武德六年析歷陽之故龍亢縣地置含山縣屬和州八年縣廢長安四年復置更名武壽神龍元年復曰含山仍屬和州五代宋因之明洪武三年改屬廬州府尋還屬和州

本朝因之縣治在州西六十里距省五百七十里東西距七十里南北距一百四十里東三十里至司基橋和州界西四十里至界首鋪廬州府巢縣界南八十里至

皖省志畧

卷四

三

新澗圩廬州府無爲州界北六十里至後河本州界縣舊無城明正德七年知縣張文淵始築土垣周三里有奇四門池深廣各丈餘嘉靖中知縣葛麟易以磚石

本朝順治康熙中屢修乾隆二十一年重修邑境橫亘百里爲內險之地南之東關自巢湖通江之要衝也北之昭關自淮而來之要衝也西之普王城斗陽關自廬毫而來之要衝也蓋和爲江之蔽含又爲和之蔽云治之西有橫山卽含山山勢雄峙若吞含諸山然距城三十里縣名取此迤西北曰黃鶯山距城十六里牛頭山

距城三十里黃山卽仙踪山周迴約二百里有三百六十峯西接巢縣北接合肥在巢境則稱爲龍泉山距城六十里又斗陽山距城四十里亦半屬巢縣治北爲小峴山距城十二里更北爲城山兩山兀峙爲廬濠往來要衝有昭關卽伍員夜度處又宿山俱距城二十里褒禪山亦名華山王安石有遊褒禪山記距城二十五里石臺山距城三十里治東北曰天公山亦名天鼓山形家指爲縣治之龍脈距城十里大峴山亦名赤燄山距城十三里華陽山亦名蘭陵山山有前後二洞前洞可

遊後洞窈深難入距城十八里又東林子山距城二十里過此則州境治西爲特畱山距城十八里稍南爲尖山爲桃花山距城二十里龍洞山距城三十里更西南爲亞父山則屬巢縣濡須山則屬無爲矣濡須山在縣西南七十五里與巢縣七寶山對峙濡須水出焉其閒卽東關口也治之南爲花山距城五里又南爲八分山一名雲霧山又石門山兩山並峙石壁峭立如門俱距城二十里蒼山巍然屹立根蟠十餘里距城十里又大湖山山下舊有湖已湮而名僅存距城七十里更南爲

白石山周迴七十里道書稱爲二十一洞天名曰瓊秀長庚之天距城八十里治東南曰梅山爲縣儒學之案卽魏武指梅林以止渴處唐改爲棲隱山距城五里更東南曰大山距城十里曰龍角山距城十五里過此接州界水之大者北有仙踪河達於後河入州境西南有梅子口河濡須水委流也又西有清溪河並由裕溪以達於江運漕河者在縣南八十里河南爲無爲州界水通巢湖納廬合諸縣之水以通於江今猶爲漕艘運道三汊河者西通巢縣東通大江北通銅城閘故名也銅

城閘者東支爲牛屯南支爲三汊河江湖水汛實爲衝隘故築堰設閘以捍水患又觀音河經縣東南達州界又東關在縣西南七十里濡須塢之北與無爲州巢縣接界其地險峻周圍皆石三國時爲戍守重地又斗米逕在縣西八十里隋末杜伏威將李子建欲於東關下開溝通黃港運糧入湖以濟軍食率部下人齎斗米就役米盡逕成因名常額當差人丁併優免餘丁共二萬二千四百六十丁據嘉慶二十四年冊報滋生人口閘縣土著男婦大小民屯人丁二十四萬二千八十九丁

口實在田一千五百九十六頃九十九畝零丁田共徵
正耗銀一萬八千九百五十七兩零外不在丁田徵解
共徵正耗銀一百七兩實徵本色米一千三百九十八
石四斗零常平倉實存穀一萬二千一百九十四石三
斗零社倉實存穀一萬八千六百二十三石二斗零學
田二十七畝應徵銀一十一兩零歲入學額二十名防
禦則遊兵營之把總駐焉縣設民壯一十九名驛站夫
馬工料銀二百六兩設官知縣一員疲難中缺教諭訓
導各一員運漕鎮巡檢一員典史一員

六安州

州於天文爲斗分野星紀之次在禹貢爲揚州之域夏禹封皋陶之後于六春秋時六國戰國楚地秦置六縣漢初爲淮南國治文帝十六年分置衡山國武帝元狩元年國除爲衡山郡二年改置六安國後漢建武十三年以六安國屬廬江郡三國屬魏爲廬江郡治晉復曰六縣爲郡治宋省入潛縣隋爲霍山開化二縣地唐開元二十七年改霍山置盛唐縣屬壽州五代梁改曰潛山後唐同光初復故晉天福中又改曰來化尋復曰盛

皖省志畧

卷四

三

唐宋開寶四年改曰六安政和八年於縣置六安軍屬淮南西路紹興十三年廢爲縣嘉定五年復爲軍端平元年又爲縣後復爲軍元至元二十八年仍降爲縣屬廬州路後復升爲州明洪武初以州治六安縣省入屬鳳陽府十五年還屬廬州府

本朝雍正二年升直隸州領縣二曰英山霍山州治在省治西北四百四十里東西距二百一十里南北距二百二十里東至廬州府合肥縣界五十里西至河南光州固始縣界百六十里南至安慶府潛山縣界一百八

十里北至鳳陽府壽州界四十里州境東西距一百二十里南北距一百里東至合肥縣界五十里西至霍邱縣界七十里南至霍山縣界六十里北至壽州界則四十里自州治至京二千九百五十里州舊有土城明初指揮王志瓚以石正德中毀于寇知州李充指揮劉芳撤而新之增置敵臺二十七座周五里二百二十步門五有樓有月城池深一丈四尺濶七丈崇正末爲張獻忠所陷補修未竟

本朝順治雍正間重修乾隆十三年復修州之地勢龍

穴鎮其東番山徃其南西境千岩綿亘數百里扼楚豫之要潁水潑洞肥淮交匯實金陵之屏障廬郡之肘臂也番山爲州治鎮山距城二十里由此而南爲小霍山遠連霍脉傍有豹子崖相接者曰大同山其勢峻削僅通樵徑三山並距城五十餘里又有八仙巖石壁相向其洞有八距州城六十里雷峯巖距州城七十里相傳有臯陶墓又習鑿齒墓亦在此又南有指封山漢武帝南巡歸登復覽山見此山峯峻拔乃指封爲霍嶽副距州城九十里距下埠河橋而西有嵩察崖一名松林有

石窠起距州城八十里齊雲山距州城九十里約高一千八百丈層峯疊翠頂平而嶺上有水晶庵龍潭雷公洞魁星崖諸勝跡距蘇河而西爲九公山高九百丈頂有九石如人形上有浮屠梵院獨山則地平曠一峯獨峙二山並距城七十里治之西武陟山距州城三十里漢武南巡登封霍嶽于此駐蹕有宋焦炳焦煥書院遺址猶存又有寶教寺在其巔而固縣寺亦在其山之西其西南則有弩台爲漢武試弩處稍南爲漢王墩響山寺有段秀實故宅焉又西南寨基山極峻內有巖石相

拒如門抱兒山如母抱兒狀並距州城百有餘里再南有帽頂山劉五郎山汪家山岩巒秀茂聯絡諸峯迤東有軒皇嶺相傳軒皇停車處過此爲草鞋嶺清風嶺與霍山界韓婆嶺與商城界以上各山並距州城二百餘里黃巢山距二百里祖家山文家山遠近映帶林木茂密其聳削者則爲天柱山距城百七十里而枕于其麓者則羊山寨也治北十里有白沙城世傳漢追項羽于此東則爲龍穴山上有龍穴其水張又新品爲天下第一泉歐陽修集古錄所謂張路斯鄭祥遠二龍爭戰處

卽此上有塔有廣福寺州人遇旱禱兩輒應水在東境者曰馬柵河由桃城達集湖南入于江在西境者百泉合流滙於潁河潁河有二源一出潛山一出蘇口皆迅激于萬山中傾瀉而出至九公之麓始合流北經州城通白沙以達于淮在西北境者曰洛河通固始縣更河北入正陽蓋本境之水雖出一源而支分派衍泛漲時湍激泓漫汪洋無際片帆上下目極烟波亦奇景又九公砦在州西南六十里九公山上有九石如人立因名又磨旗砦在州西百里又西百里有大堂砦西峯砦在

州西南七十里又州北七十里趙家砦皆南宋時邑人保聚處按州治北界壽霍西連楚豫南通潯太綿亘四百餘里重山峻嶺西百八十里爲金家寨乃豫省光固極近之疆霍山西境黃氏河西冲等處界楚省之青台甕門二關英山之落梨河黃龍山父子嶺等處接楚之蘄州蘄水羅田山徑錯雜俱爲要隘又舊志云州山川環結號爲險隘自州之西南以迄於東北皆崇山峻嶺蔽虧日月肘腋光蔡襟帶蘄黃昔人謂申光蔡爲天下樞而六安又申光蔡之樞也常額當差人丁併優免

餘丁共三萬二千八百三十丁據嘉慶二十四年冊報
滋生人口閬州土著男婦大小民屯人丁九十二萬三
千六百八十三丁口實在熟田一萬一千八百七十七
頃八十二畝零丁田共徵正耗銀四萬二百二十八兩
零外不在丁田徵解共徵正耗銀六百八十二兩零實
徵本色麥六百七十八石六斗零又徵本色米七千一
百六十七石九斗零內兌漕共正耗米三千四百一十
石零常平倉實存穀一萬六千三百四十二石六斗零
社倉實存穀一萬八千五百六十四石八斗零學田五
頃五十七畝零應徵銀一十六兩零歲入學額共二十
名防禦則六安營之參將駐焉州設民壯三十四名驛
站夫馬工料銀六十九兩零設官知州一員繁疲難要
缺州同一員學正一員訓導一員吏目一員和尚灘巡
檢一員馬頭汛巡檢一員

英山縣

縣爲春秋時英氏地漢江夏郡蘄春縣地晉改蘄陽縣劉宋爲蘄水縣梁設蘄陽郡縣屬焉唐因之宋爲蘄州羅田縣地咸淳初分置英山縣屬六安軍尋廢德祐二年復置元屬六安州明洪武初改屬鳳陽府十四年還屬六安州

本朝因之縣治在州西南三百六十里距省六百三十里東西距五十里南北距一百六十里東三十五里至隘口嶺安慶府太湖縣界西十五里至落梨河湖北羅

田縣界南四十里至雞兒河湖北蘄水縣界北一百二十里至分水中界嶺霍山縣界縣城自元至正間土築周三里後圯明時但倚山帶河爲險城不復設宏治己未盜起主簿徐璋重築缺東南隅因河爲濠門五明末賊蹂躪之

本朝乾隆十四年重修其形勝則東拒溢口西阻界河南扼石險北跨兩洪最爲要地治之鎮山在北曰鷄鳴山周二十里高一百五十丈距城二里山之東曰古勝山周十里高百丈距城八里烏雲山周二十里高一百

五十丈距城十里又北曰蓮花峯距城二十里天人山險峻有寨距城三十里羊角山絕頂有石嵯峩如羊角唐高祖時老子降羊角卽此周三十里高五百丈距城四十里治南北二山相接曰神峯山上有寺距城三十里萬峯山距城四十里皆高五百丈麻姑山相傳麻姑仙至此周三十里高六百丈距城六十里龍井山距城七十里多雲山山有九井歲旱禱雨輒應距城一百里與羅田界說者謂縣境之山最險者多雲多雲之西有天險曰岐嶺通湖廣斬水縣馬道三日可東出豫境

西北一竇曰瓮門入其內廣二百餘里路通羅田迤北則爲虎頭木陵大城諸關通黃岡及河南固始諸縣蓋扼險出奇之處至東北石人山一峯踰丈儼如人立故名樓子山上有寨並距城七十里筆架山距城八十里天路山周二十里高三百丈紫台山周十五里高一百二十丈馬鞍山三山皆距城百里與霍山界南有文峯爲縣治對山近古勝城周七里高百丈距城五里文子山其山秀麗周二十里高二百丈距城十三里石馬山有石如馬周十里高百丈距城十七里崇山山極高峻

距城二十里治東打虎場周十里高一百二十丈距城四十里英山尖峯巒峭拔爲羣山冠上有水泉縣以此名周二十五里高三百丈距城五十里林關周四十里高五百丈距城七十五里排山以山勢橫排而名距城一百里治西豪粟山周二十里高八十丈雪山周十里高百丈二山皆距城十里張家寨山周三十里高二百丈蘆花山周二十里高二百丈文場山周十六里高一百七十丈密峯尖周三十里高三百丈山峯錯列以形似名並距城四十里水口山據河而立周十里高百丈

仙人臺則隔岸對峙周五十里高千丈二山皆距城五十里石門山隔縣山距縣六十里許與羅田界已東北與西境各有湯泉土田賴以灌溉北澗河則環遶邑治源出諸山蓋英爲廬郡西南之盡境崇岡深壑鳥道崎嶇舟楫不通無大川之足錄云又按志縣南六十里有嶮石爲三縣水口巨石橫截於河以故邑中不通舟楫常額當差人丁併優免餘丁共二千一百八十七丁據嘉慶二十四年冊報滋生人口閭縣土著男婦大小民屯人丁一十六萬六千五百九十七丁口實在熟田六

百八十九頃八十三畝零丁田共徵正耗銀八千二百七十兩零外不在丁田徵解無項實徵本色米一千五百八石四斗零內兌漕共正耗米一千一百七十石又八斗零常平倉實存穀二萬二千一百四十五石八斗零社倉實存穀七千八百八十七石四斗正學田六十一畝零應徵銀二十兩歲入學額十三名防禦則六安營之把總駐焉縣設民壯二十七名設官知縣一員簡缺教諭訓導各一員七引店巡檢一員典史一員

霍山縣

縣爲春秋潛國漢置潛縣屬廬江郡後漢及晉因之宋爲廬江郡治南齊建元二年仍爲屬縣梁天監六年於縣置霍州又分置岳安郡岳安縣後魏因之北齊州廢隋開皇初郡廢改岳安縣曰霍山屬廬江郡唐武德初復於縣置霍州貞觀初州廢以縣屬壽州神功初改爲武昌神龍初改曰霍山開元二十七年廢入盛唐縣天寶元年復置霍山縣屬壽州五代因之宋開寶四年省爲鎮入六安明宏治七年復置縣屬六安州

皖省志略

卷四

四

本朝因之縣治在州西南九十里距省五百里東西距一百八十里南北距一百七十五里東三十五里至山王河本州界西一百四十五里至界嶺英山縣界南一百五十里至界嶺安慶府潛山縣界北二十五里至小七畝本州界縣城自元曹平章保障其地曾築土垣明宏治中知縣崔中吳霖因舊址增築歷正德萬歷迭甃磚石周五里四百步門四水關二池深一丈濶二丈明季寇燬重修

本朝雍正間修乾隆十四年復修邑治南嶽獨尊羣峰

拱衛龍溪合諸水以滌遶亦山水之勝也治南霍山虞舜南巡至此漢武禮名山大川以衡山遠阻移祭於此以代衡岳表天柱山曰南岳上有祠左有卓筆峯距城五里志云山頂有大池北有龍湫南有風洞旁有試心亭其峯高一千一百三十丈東石門山與西石門山相對距城八里又東曰指封山距城三十里相傳漢武帝南巡見其峯巒峻拔封爲霍岳副稍北曰復覽距城二十里漢武帝南巡還復登此顧瞻天柱因名皆與六安州界相接又有通光山與分水嶺相對距城十里又北

曰站石山黃石嶺聖人山皆距縣二十里許香爐山香花嶺皆距縣十里山之在西境者曰潛臺上有寺一山突兀砥柱河中如臺距城三里又二里許有日魂月魄兩山對峙雙山亦對峙河中距城五里六安山上有寨曹平章屯軍之所四門基址猶存距城三十里馬鞍山仙人山皆距城四十里西北有烏梅尖兩峯多產梅北峯下有雷公洞作霧卽雨有雷公斧蹟產茗絕佳距城三十里黃石山距城四十里嵩山距城五十里挂龍尖有飛泉瀑布望之如龍桃源山亦有瀑布數百丈濶如

河並距城五十里九仙山距城七十里又治南文筆峯距城三十里白石山距城五十里四望山高千八百丈眺望極遠距城六十里甄家山距城七十里相接者爲仙女臺上有大石如臺人莫能登鐵爐山相傳仙人于此煉丹爐址猶存距城九十里五峯山距城一百五十里此邑治南隅之盡境東南平頂山距城五十里虎立山距城三十里天柱山皮山並距城五十里迤東金子山山色如金距城八十里西南爲碁盤嶺上有碁盤石距城二百十里四十八盤山行旅陟降用杖撐擔而立

皖省志略

卷四

望

凡四十八柱始盡故名距城一百二十里鵬翎山臨河壁立撞下山程伊川長子端中墓在焉並距城一百五十里路通英山治北淠水卽龍溪過壽春會潁入淮爲吳楚通津古有潛蛟楚公子芊乙射之蛟逃焉沙河源自方山中來入六安州界入淮治南有雙河源出諸山會中埠河漫水河由淠河沙河入淮又梅子關在縣東梅子嶺上又縣西南五十里有金雞關南北二關對峙路出英山皆昔時戍守處又金子砦在縣東八十里李邱砦在縣南六十里皆昔人避兵處常額當差人丁併

優免餘丁共七千六百三十六丁據嘉慶二十四年冊
報滋生人口閭縣土著男婦大小民屯人丁四十一萬
五千八百九十七丁口實在田三千一百二十六頃七
十九畝零丁田共徵正耗銀一萬四千五百七十兩零
外不在丁田徵解共徵正耗銀四十七兩零實徵本色
麥八十四石六斗零徵本色米一千七百七十二石零
內兌漕共正耗米六百八十石零常平倉實存穀一萬
三百四十一石二斗零社倉實存穀八千六百九十七
石七斗零學田四十畝應徵銀四兩零歲入學額十二
皖省志略

卷四

聖

名防禦則六安營之把總駐焉縣設民壯二十三名設
官知縣一員繁難中缺教諭訓導各一員上士市巡檢
一員典史一員

泗州

州于天文爲奎婁分野降婁之次明史天文志云泗州之盱眙天長二縣皆斗分星紀之次在禹貢爲徐州之域周爲徐國秦屬泗水郡漢置夏邱縣屬沛郡又置徐縣元狩六年兼置臨淮郡後漢永平中改屬下邳郡臨淮郡廢晉太康元年又分置臨淮郡治盱眙以徐縣屬焉永嘉後臨淮郡徐縣俱廢劉宋省夏邱縣梁置高平郡東魏武定六年復置夏邱縣屬臨潼郡兼置高平縣北齊置夏邱郡尋置潼州周改潼州爲宋州改夏邱縣

皖省志略

卷四

四

曰晉陵隋開皇初夏邱郡高平郡俱廢十八年宋州廢復夏邱縣改高平縣曰徐城屬下邳郡唐武德四年置泗州時州治宿預徐城屬焉於夏邱縣置仁州析其地置虹縣六年省夏邱貞觀八年仁州廢以虹縣屬泗州長安四年割徐城置臨淮縣開元二十三年自宿預移州治于臨淮天寶初改臨淮郡乾元初復曰泗州屬河南道元和四年割虹縣屬宿州五代因之宋亦曰泗州臨淮郡建隆三年省徐城縣入之屬淮南東路紹興四年割虹縣屬泗州金仍曰泗州屬山東西路大定六年

屬南京路元屬淮安路明初省臨淮縣入州改屬鳳陽府

本朝雍正三年升直隸州屬安徽省乾隆四十二年裁鳳陽府所屬虹縣地入州爲州治領縣三曰盱眙天長五河州治在安徽省治東北七百六十里東西距二百九十里南北距二百里東至江蘇淮安府山陽縣界二百五十里西至鳳陽府靈璧縣界四十里南至滁州來安縣界一百四十里北至江蘇徐州府睢寧縣界六十里本州境東西距二百一十里南北距九十里東至濬

皖省志略

卷四

墨

河縣界一百七十里西至靈璧縣界四十里南至五河縣界三十里北至睢寧縣界六十里自州治至京二千里泗州故城自

本朝康熙十九年淪于淮水寄治盱眙山今城本係鳳陽府虹縣城舊惟土堡明景泰初知縣王磐宏治中知縣樊江修之萬歷二十二年知縣任愚登磚周五里十三步門五水門二敵臺八座池深九尺濶三丈

本朝乾隆四十二年將虹縣裁併泗州卽改虹縣城爲州城其地北枕清口南帶濠梁東達維揚西通宿壽梁

宋吳楚之衝齊魯汴洛之道治北曰屏山列翠環抱周八里高三十五丈蟠龍山有石蟠伏如龍周五里高三十丈城以二山爲屏障並距城二十里蟠龍稍東爲峯山周三里距城二十五里土山周五里距城三十里此三山雖微亦北境之護也璧山在州西四十里下有壁山湖南通淮一作碧山志云以土色碧故名巉石山在州西百二十里淮水北岸與南岸浮山相對卽梁天監中築堰處也又西有車門有路通車九山在州西北八十里以有九岡而名北接懷遠之塗山治東北秦橋山

皖省志略

卷四

巽

爲一州分水之處爲往來通道距城二十里再北爲朱山上有聖水泉甘而冽雖旱不涸梁忠臣朱買臣祠在焉周二十里高五十丈距城四十里赤山三面據水舟中望之勢殊天矯周三十五里距城七十里治西鹿鳴山周四里高十二丈距城三十里明成祖駐驛于上夜聞鹿鳴因名石龍山距城二十里自秦橋山以下山舊皆屬虹縣又城西五十里有垓下聚垓下是高岡絕峯今猶高三四尺漢兵圍項王數重處城北有汴河自汴梁東流入本境一名葦蕩渠一名浚儀渠東北自秦橋

山分水北流爲北潼河南流爲南潼河南潼北潼之外
又有淒河及南沱河北沱河羊城湖老營湖支分派別
皆交會合流以入于淮淮水在州南一里西自臨淮入
五河縣流經盱眙抵州城之南會諸水爲洪澤湖東北
入山陽界汴水舊在州北西北自虹縣流至州界入淮
宋蘇軾云自唐以前汴泗會於彭城之北然後東南入
淮近歲汴水直達於淮不復入泗矣蓋自隋開通濟渠
始也然觀韓退之詩汴泗交流郡城角是唐時汴泗猶
會流入淮惟近世黃流屢決汴水被淤遂失其經流矣

皖省志略

卷四

四

洪澤湖在州東北濶百二十里會諸湖水而通於淮卽
今州城之所陷也常額當差人丁並優免餘丁共三萬
九十丁據嘉慶二十四年冊報滋生人口閭州土著男
婦大小民屯人丁六十三萬四千七十五丁口實在熟
田地二千三百五十九頃四十四畝零丁田共徵正耗
銀二萬一千七百六十三兩零外不在丁田徵解共徵
正耗銀九百九十三兩零又徵麥四十一石七斗零實
徵本色米一千二十五石六斗零內兌漕共正耗米七
百五十七石五斗零常平倉實存米一千七百八十四

石一斗零又存小麥七千七百一十四石三斗零社倉
無存學田二頃二十八畝零應徵銀六兩零歲入學額
二十名防禦則泗州營之千總駐焉州設民壯五十名
驛站夫馬工料銀一百九十二兩零設官知州一員繁
疲難要缺駐雙溝州同一員駐半城鎮州判一員學正
訓導各一員吏目一員歸併舊虹縣常額當差人丁併
優免餘丁共四千一百七十八丁實在熟田一千二百
四頃二十一畝零丁田共徵正耗銀七千九百二兩零
外不在丁田徵解共徵正耗銀八兩零實徵本色米九

百三十三石一斗零又徵麥六百九石七斗零常平倉
米一百六十二石一斗零又麥一千六百三十四石三
斗零社倉無存學田一十頃五十畝應徵銀八十兩零
夫馬工料銀六十三兩零

盱眙縣

秦置盱眙縣漢屬臨淮郡爲都尉治後漢屬下邳國晉太康元年于縣置臨淮郡永嘉後郡縣俱廢義熙七年復置盱眙郡屬南兖州宋元嘉二十八年嘗徙南兖州治此三十年州罷齊亦曰盱眙郡仍置盱眙縣建元四年移北兖州治此後魏亦曰盱眙郡屬淮州陳置北譙州尋廢隋開皇初郡廢屬江都郡唐武德四年于縣置西楚州置總管府八年州廢屬楚州光宅初改縣曰建中後復故建中二年改屬泗州五代時屬楚州宋乾德

皖省志略

卷四

四

元年仍屬泗州後爲州治建炎二年升爲招信軍四年復爲盱眙縣改屬濠州紹興二年還屬泗州十一年屬天長軍十二年復升爲招信軍屬淮南東路元至元十四年立招信路總管府十五年改臨淮府二十七年罷臨淮府復爲盱眙縣屬泗州明仍屬泗州

本朝因之縣治在州東南一百六十里距省九百里東西距二百十里南北距一百二十一里東九十里至蔣家集天長縣界西一百二十里至愛棠集鳳陽府臨淮縣界南一百二十里至自來橋滁州來安縣界北一里

至淮河中本州界縣古有城小而堅有六門宋嘉定十一年修盱眙軍城阻山帶河明永樂間圯今北門尙存名曰淮汴邑因山立治俯視原隰南通江表北據淮流左顧揚潤右瞻濠壽誠要衝也第一山縣治在焉宋自京師至汴口並無山惟隔淮有此故名有米芾書第一山三大字與縣署相對者曰清風山下爲玻璃泉清冽瑩澈米芾詩鑿破玻璃引碧泉因取名臺子山上龜山距城一里由上龜山而南爲望州山周三里距城五里石牛山距城十里九頭山山有九邱故名周十里距城

皖省志略

卷四

季

三十五里折而西爲牧羊山相傳龍女牧羊柳毅傳書卽此周八里距城八十里有清平山紅廟山距城九十里明光山明太祖降生處常見五色雲氣故名周四里距城一百里石門山距城一百二十里三台山三山鼎立如品字周五里距城一百五十里折而南爲嘉山周五里距城一百五十里治東有東山距城三里上有石洞左曰靈關右曰劒壁洞中曲折相通眞非凡境義井山周五里距城二十里又東南有黃煉山周四里距城三十里蓮塘山距城五十里再南有都梁山山多蘭草

俗謂蘭爲都梁故名隋曾于此建都梁宮距城七十里
稍東爲平源山距城六十里平源之北爲雲山周七里
距城七十里一名東陽山林壑秀美爲邑佳勝縣治東
南之山盡于此治東北有軍山相傳鄧艾于此屯兵周
五里距城六里右爲半邊山左爲長圍山周四里距城
七里再北爲斗山以下瞰淮河陡峻故名極東北爲下
龜山距城三十里上有絕壁下有重淵嶽續經云禹治
水獲淮渦水神巫支祁形如獼猴力逾九象鎖於龜山
足淮水乃安唐永泰中李湯以牛五十引鎖出之鎖末

有一青猿高丈許復拽牛沒水山寺後有井俗傳鎖巫
支祁於井內治西有寶積山周二里距城三里打石山
距城二十里稍南有官莊山距城三十里青山則在縣
治之極西迤而北又有女山踞女山湖之南女山之西
有紫陽山周六里距城一百里北又有浮山亦名臨淮
山寰宇記云在濠州東九十五里俯臨長淮山下有穴
淮水泛溢其水卽高水減卽退濠梁志云浮山洞夏潦
不能沒而冬不加高故人疑其浮也梁天監中曾築堰
於此以灌壽陽名浮山堰水則淮水在縣北二里與泗

州中流分界自五河縣流入境東百五十里至清河口
合於黃流入海城北有長沙洲長二里淮水泛濫賴以
捍禦又縣北三十里有洪澤浦舊名破釜塘鄧艾立白
水塘與破釜相連開水門入水以灌田其後隋煬帝幸
江都路過此久旱遇雨遂改今名常額當差人丁共一
萬八千二百八十九丁據嘉慶二十四年冊報滋生人
丁閭縣土著男婦大小民屯人丁五十萬七千八百五
十四丁口實在田一千二百頃二十九畝零丁田共徵
正耗銀二萬四千四百八十九兩零外不在丁田徵解

共徵正耗銀七百七兩零又徵米一十六石四斗又徵
麥三石九斗零實徵米三千五百四十石八斗零內兌
漕共正耗米三千五十三石七斗零常平倉實存穀三
萬五百二十八石零社倉無存學田一十四畝零應徵
銀四兩歲入學額十六名防禦則泗州營之都司駐焉
縣設民壯五十名驛站夫馬工料銀一百五十三兩零
設官知縣一員疲難中缺教諭訓導各一員典史一員

天長縣

縣自秦置東陽縣漢屬臨淮郡後漢屬下邳國後改屬廣陵郡晉仍屬臨淮郡東晉省劉宋僑置南沛郡及沛縣蕭齊因之梁改置涇城東陽二郡兼置涇州陳廢州并二郡爲沛郡周改郡縣俱曰石梁隋初郡廢大業初改縣曰永福屬江都郡唐初縣廢武德七年重置石梁縣貞觀初省入六合縣天寶初割江都六合高郵三縣地置千秋縣屬揚州七載改曰天長五代南唐昇元六年于縣置建武軍周顯德四年改置雄州宋初州廢改

皖省志畧

卷四

三

曰天長軍至道二年軍廢以縣屬揚州建炎初仍爲天長軍紹興初復爲縣十一年復升軍明年仍復爲縣改屬招信軍元屬泗州治明不改

本朝因之縣治在州東南三百三十里距省八百里東西距九十里南北距九十里東四十五里至泰欄鎮揚州府江都縣界西四十五里至議澗鎮盱眙縣界南四十五里至瓜蘘舖江寧府六合縣界北四十五里至銅城鎮揚州府寶應縣界縣舊有土城明嘉靖三十六年知縣黃泰然甃磚周五里二百九十二步有奇門四各

有樓東西有月城環城有池深廣俱二丈萬曆崇正間
屢葺

本朝乾隆二十一年重修其地南近大江北近淮泗東
接長挺西倚覆釜平疇蕩蕩極目無際重湖陂澤渺泚
相連亦淮南之要區也治之南有冷山傳爲吳鑄兵處
陟其巔可挹江南諸峯上有天井白龍池鐵牛洞真珠
泉諸勝周三十里高八十丈距城四十五里稍東有橫
山周十五里高四丈距城五寸里山形望之若橫故名
上有泉不竭山南有踟躕山相傳陳荀朗破郭元建地

皖省志畧

卷四

五

與六合儀徵界治之西南有浮山山時出雲望之若浮
上有介之推廟周五里高二十丈距城三十里又西有
覆釜山周世宗征南駐驛于此周五里高三十丈距城
五十里產石黑而礪接來安界城之中有琉璃井津液
凝結翬巒之上狀如琉璃治西南有白楊河源出浮山
卽今之城防河其流原灌邑之城濠今上流多壅矣西
有汶澗澗源出覆釜山三汶合流東有涓水河又東有
秦蘭河源出橫山至秦蘭而始勝舟楫西北有銅城河
受銅城諸水入于丁溪湖得勝河西入汶澗河東入高

郵湖漢高祖擊淮南王英布獲勝于此又五湖在縣東北四十五里以五水合一而名東接高郵之毗沙湖劔岡湖在縣北四十里東接五湖又有丁溪湖在縣東四十五里亦與五湖相灌注萬歲湖在縣西五里周十里相傳秦始皇經此因名按境內有三十六陂宋蔣之奇轉運淮南時值歲飢乃募民以興水利役興而飢民賑陂成而農民利仁政之大者也今歲久湮沒常額當差併優免餘丁共一萬二千一百二十九丁據嘉慶二十四年冊報滋生人丁閭縣土著男婦大小民屯人丁三

十九萬八千二百七十一丁口實在田地七百九十五頃四十一畝零丁田共徵正耗銀二萬八千一百八十八兩零外不在丁田徵解共徵正耗銀二百四十七兩零實徵本色米二千四百七十石八斗零又徵麥一百八十二石八斗零內兌漕共正耗米二千三百三十五石零常平倉實存穀三萬八百三十八石三斗零社倉實存穀一千二百十五石二斗零學田二十六畝零應徵銀一十六兩歲入學額十六名防禦則泗州營之把總駐焉縣設民壯二十三名驛站夫馬工料銀二百六

兩零設官知縣一員疲難中缺教諭訓導各一員城門
鄉巡檢一員典史一員

皖省志畧

卷四

五

五河縣

縣自漢置虹縣屬沛郡後漢晉因之劉宋省唐武德四年復置虹縣屬仁州貞觀八年州廢縣徙宋初爲泗州五河口端平二年金亡遺民來歸置監使屯田咸淳七年置淮安軍兼置五河縣爲治元初軍廢屬招信軍至元十七年改屬泗州明洪武初屬鳳陽府

本朝雍正三年改屬泗州縣治在州南三十里距省八百里東西距一百里南北距一百十里東三十里至浮山本州及盱眙縣界西七十里至順河集鳳陽府靈璧

皖省志畧

卷四

七

縣界南七十里至浮榴鳳陽臨淮二縣界北四十里至界溝集本州界縣舊有土城爲淮水所圯嘉靖中知縣高珍始建磚城周四里門四各有樓池深一丈五尺濶三丈六尺

本朝順治九年康熙二十二年屢修乾隆十九年重修邑東帶淮潼西環澮水南抱滌流北連沱派五河交會舟楫往來南北要衝之地縣治南有金岡山形勢聳秀周一百丈距城二里又有九岡崇岡綿亘巨坡中斷土人謂九岡八窪距城三里九岡之西爲翠栢山昔因叢

柏挺秀而名今爲黃水衝沒矣距城六里西南有卧龍山下有龍潭故名距城七里東則有鐵鎖嶺介于泗州五河之間橫跨海口爲五河之捍門云水則澮河在縣東南二里其上流自河南永城縣流經宿州界又東南入縣界經縣治南入於淮或謂之渙水蓋渙水與澮水合流也今水漲沙淤徙於北澮沱河在縣治西北一里源出宿州東南之紫亭河歷靈壁虹縣流入境又東南入於淮滎河在縣治東南二里縣南一里有南河匯衆流而成河爲滎河亦東流入於淮潼河在縣東北四十

里源出虹縣羊城湖經縣東北二里通於沱河東流入淮以上四水並淮爲五河志云五河交會處在縣東二里謂之五河口志又云淮水在縣東一里入境縣東南一里有金剛嘴形長而銳爲淮壩之障蔽云又按滎河入淮之口有南湖其上流雖有王莊湖及小河赤龍一帶之水然歲旱則皆可耕之田南湖之尾爲蔣家壩卽入淮之口作隄以障淮者歲潦內外水皆至則田成巨浸若內水不至湖可全耕獲康熙時知縣鄭彙修南湖壩由此內無水而下田利內有水而高田亦利焉常額

當差人丁併優免餘丁共二千四百七丁據嘉慶二十四年冊報滋生人口閭縣土著男婦大小民屯人丁二十萬四千一百九十九丁口實在熟田地七百五十二頃二十八畝零丁田共徵正耗銀六千五百八十九兩外不在丁田征解共徵正耗銀七十七兩零實徵本色麥三百一十八石三斗零徵本色米九百一十四石二斗零內兌漕共正耗米六百九十九石七斗零常平倉實存穀五千一百三十石九斗零又存米二石零又存小麥一千七百五十五石九斗零社倉實存麥四百二

十七石三斗零又存穀一百九十九石一斗零學田無歲入學額十二名防禦則有泗州營之把總駐縣治焉縣設民壯二十二名設官知縣一員疲簡缺教諭訓導各一員典史一員

右皖省志略凡四卷初編時欲以通省之營伍關推漕運鹽法纂爲專門先以各屬之鹽引鹽價詢諸掌吏各縣所呈報例不畫一且不備鹽道爲專政駐劄江寧囑其查核以遠在隔境亦未得時聞張劔泉侍御名銘揚州人時方里居札以詢之開單見示秩如也以徽郡及六屬食浙鹽宿州食蘆東鹽亦不能詳晰欲以附入各屬緣體例不純遂從闕如余旋亦別皖去矣淮南北鹽行銷六省而廣陵實爲滙總之區余嘗小住其地聞鹽之銷於皖省滯岸頗多滁泗之間致有虛岸無商者其課程

皖省志略 附錄

大爲通局之累及游皖稍詢其顛末則知江以北苦於販私之梟而緣江則苦於售私之回空糧艘泗州以洪澤湖爲界東通淮海淮北鹽之行於鳳潁光汝者由是達淮以往而鹽徒亦遂附舶混跡相爲黨援難於究詰楚南北及江右回空之糧艘均自和州入皖境經行幾千里以達其水次開江迤後乘風便空重運官俱無從約束之於是結幫停泊公然售私地方兵役少則彼抗然不服驅逐或汎弁巡司往查則又挂帆颺去終莫能誰何也由是江南北私鹽充斥而官引滯銷矣愚謂禁

止梟徒固在嚴查過境之梟尤重於詰捕本境之梟其
本境之梟不必捕之於成羣結黨之時而在密緝之於
間里潛藏之日蓋外境之梟非得本境梟匪爲之導引
護送則亦不敢公然肆行而游手之氓一入梟黨則里
長鄰佑無不指目特以外梟爲羽翼則黨衆勢盛法當
嚴責里長居民如村堡有此類者則密行指報如有諱
匿俾之連坐官則遣役偵探俟其歲時休息子身竄歸
則立爲掩捕置之於法再外梟入境其食宿之地卽其
窩頓之地訪執食宿外梟之人卽治以窩頓私鹽之罪

如此則梟匪旣引送無人又食宿無地而兵役復時出
而掩捕之其勢有不解散者與庚辰秋冬之間制撫交
牒指名嚴捕泗州盱眙鳳陽等處緝獲甚夥而若輩頓
爲潛踪此其明驗也至糧艘夾帶則不必詰售私者惟
在嚴禁買食者余少時曾附漕艘至江右見售私之所
每在空濶寫絕人跡稀少之地一遇停舟則附近里人
不期而會者若市然有囊負肩擔者又有攜重賞筐筥
纍纍而售者卽間有兵役至彼亦惟熟視而去法當於
未回空之前當事者檄查向來停船售私之地凡若干

處如沿江之六百丈三江口針魚嘴王家套皆是向有卡房與否額設汛兵若干名附近某營某巡司俟空船將屆入境卽檄營添兵幾名巡司弓兵幾名該管縣捕快幾名量加賞勞俾其搭棚棲止又以附近丞簿各員專司其事於船之停住者不必訶禁但飭兵役於各路口巡緝有負鹽數十斤者卽加截畱或有筐筥纍纍者則探明窩頓之處報縣起獲又明張示諭申明私鹽之禁其有犯者許平人截取紐稟卽以其鹽充賞則糧艘雖宿畱旬日減價求售孰肯冒禁而來於官則受兵役

皖省志略

附錄

三

之訶逐於私又受同類之劫奪哉船之丁舵必舍此地而前進而前路復然明歲必棄故地而圖新而兵役亦隨時移置則向之利市今歸折閱冒風濤干法網而無絲毫之益其不待禁而自絕也明已將見滯岸皆獲蝸銷而課程永無賠累語曰有治人無治法愚謂必治法先具而後可責之治人也謹抒管見以質諸當事之諸君子又劔泉侍御所寄引數銷價清目適在行笥恐其佚去并錄於左綱齋甫附識

行銷淮南綱鹽五萬一千九引每觔官價三分八厘五毫

內桐城縣

行銷淮北綱鹽五千二百八十六併引每觔官價四分二厘

徽州府屬

係行銷浙鹽引數售價淮南無案可稽

寧國府屬

行銷淮南食鹽九萬六千五百引九折實行八萬

皖省志略

附錄

四

六千八百五十引每觔官價二分九厘

池州府屬

行銷淮南食鹽二萬四千四百十八引每觔官價

三分三厘

太平府屬

行銷淮南食鹽一萬九千四百七十引每觔官價三分

廬州府屬

行銷淮北綱鹽二萬八千五百五十八併引每觔

官價四分一厘九毫零

鳳陽府屬

行銷淮北綱鹽二萬二千六百九十七併引半每
勛官價四分一二厘零

內
宿州

不食淮南北之鹽應食何處引鹽淮南無案可稽

按宿州附近徐州應食長蘆鹽

潁州府屬

行銷淮北綱鹽一萬六千九百九十五併引半每

皖省志略

附錄

五

勛官價四分一二毫零

廣德直隸州併屬

不食淮南淮北之鹽應食何處引鹽淮南無案可

稽按廣德與浙江毗連應食浙鹽

滁州直隸州併屬

行銷淮北綱鹽三千二百八十八引每勛官價四
分一厘二毫零

內
全椒縣

行銷淮南食鹽七千五百十五引每勛官價三分

三厘零

和州直隸州併屬

行銷淮南食鹽一萬七千四百七十八引每觔官價三分一厘

六安直隸州併屬

行銷淮北綱鹽一萬六百二十七引每觔官價四分一厘二毫零

泗州直隸州併屬

行銷淮北綱鹽八千八百十五引每觔官價三分五厘二毫零

皖省志略

附錄

六